

SAMUE I

SAMUE I â II

Israe ñic jañerao sahackopec â mitiopec wiac irec hata sifuckerâ foha Samue fuawec. Eme Samue e hata i â i mâmâc bâtiñ-jofawec. Samue juhame Mumutara Ñic jañere damen tarawec, erâ ñicwofuñ juju â guriñ bapa gie irec damen maickewec. Israe ñic gurune gurune jañe damen ira hâcne ââgo â mañ mocjaha erâ juju i mocwâc mi juhuc fâuckembiñ. Erâ micne tâmiric juhuc docke pârac erâ jumbiñ. Â taha bapa jañe wâc iñuc jaha gie-jeñic bianne mocwâc mi bahuc bâsifuckembiñ. Jañerao mâsi iñuc fuarâ foha Anutuzi Samue rowosâerâ giedân mucneme Wofuñte kiñaññic fârine juwec. Ehuc Israe ñic soñañ-jopahuc mu bâtiñ ejareme jañe Wofuñzi hehesic-jeñicte beheç-jopawec irec bujenic sâqoreme mañ bâbârisie bâfuahuc qâpuc wiac fuñne fuñne bajumbiñ i behemie Anutuzi mocwâc maic-jopawec. Erâ juku zâhec Israe ñic jañe ñicwofuñ-jeñic moc fuarâ soñañ-jopaocte mupie mana-jareme Samuezi Saulo wokemañ ruacnerâ ñicwofuñ âkendâñne-jarewec. Irec Israe ñic jañerao ñicwofuñ juju i Samuezi juha fuawec hâcne. Irec Samuere papia qizec I â II irec mañnao dân â binañ forakac i Samue â Saulo erâ Dawidi jañere binañ sasawa.

Erâ zinguc honengopenen wâc: Ñicwofuñ juju fuñkewec damen ira Israe ñic jañerao porofete

juju i in̄uc jaha fuŋkerâ fuawec. Samue e mumutara ñic erâ wâc porofete mâmâc juwec.

SAMUE I

Samue â Saulo jahere binan̄

Sam I 1—3. Samue qie juju-ticnere binan̄.

Sam I 4—6. Mumutara ñic Eli ere binan̄, â zâzâfic katapare dân̄.

Sam I 7. Samuezi mumutara ñic juhuc Israe ñic micne bajareme Filisa ñic jopambin̄.

Sam I 8—15. Samue â Saulo jahere binan̄.

Sam I 16—31. Samue â Dawidi jahere binan̄.

Papiare dân̄ nen̄gocne sâko i papia gâcnao honen̄gopenen̄ ijaha zira fuakac, kecziñuc: Anuturao qohotahuc juju izi wiac bian̄ne, â dân̄ticne qatararâ juju izi ine sisipiric bâfua-nâreekac. I Wofuñ e jahac taha bapa Eli dân̄ ziñuc âzâcneme fua taniñkekac: “No aran̄ banareñgopien̄ jan̄ere manape fefene eocmu, â aran̄ mi banareñgopien̄ jan̄ere ine manape wawahane eocmu.” (*Gar̄ 2:30*)

Samue e Anutuzi mocjaha Wofuñ Sâko-nâñec jukac, in̄uc muhuc ñicwofuñ jujure mâretec manabâc ewec. (*8:6–7*) I mâren̄ ñicwofuñ aran̄ bajarehuc sambân̄ Wofuñ râpeckenin̄mu muhuc in̄uc ewec. Anutu eki ine sifu ñic jan̄ere dân̄ manaocte Samue âzâcnewec. (*8:22*) Mâc Anuture manapie feha ñicwofuñzi weniñuc juhuc ñic soñan̄-jopame bian̄keocmu irec dân̄ i jaza qâmoc eocte mutâcnecnewec. (*2:7–10*)

Samue fufua-ticnere binan̄

¹ Eferaim tiki mâren̄ko Ramataim hae ñewec irecnec ñic moc juwec zân̄ene Elikana, e Zufuñic

janjere birionec, Jerohamte ñokâ, â ñosa-ticnere zâñe ine Elihu, apa-ticnere zâñe Tohu â apa ñiric ñuruc-ticne Eferaim ñic zâñene Zufu hâcne. ² Ñic e ñonâñ jahec-ticne jajahec jupic. Ñonâñ-ticne moc ere zâñe Hana â moc ere zâñe ine Penina. Penina e naru motec rocjopawec â Hana e ine arictac.

³ Ehame ñic e jara sâc Anutu Tâpiri Qunqasan Wofuñ mai ecnehuc taha bacneocte Silo haeo Elire ñokâ Hofini â Pinehasi Wofuñte taha bapa jupic ira fejujec. ⁴ Elikana e taha bajujec zoan ira tahare wiac bôtâc barâ gâcne sâko ñonâñ-ticne Penina â naru motecfâcne jare jujec. ⁵ E Hanare boc ecnewec, erâ ine Wofuñzi kogoc fufuare hata hebâzickecnewecte qowi dâkâne mocjaha sawa râcne jujec. ⁶ Eme mare-ticnezi manbâiñ ecneme zâic boc mana jujec. I Wofuñzi kogoc fufuare hata hebâzickecnewecte iñuc hâcne ejujec. ⁷ Wiac i jara sâc fua jujec. Hana e damen sâc Wofuñte ufuñko fejujec i Peninazi aaric bâfuacne jujec. Irec Hana e kiorâ nânâ moc mi nâjujec. ⁸ Iñuc eme ñowe-ticne Elikanazi âzâcne jujec, “Hana, go wemocte kiokomec? Â wemocte nânâ mi nâkomec? Erâ wemocte buge sâqorekac? No ñokâ 10 fua-garenzapiñ janjere sâc sirickerâ mi jugarekopac me?”

⁹ Silo haeo nânâ opâ nâpie taramé Hana e faharerâ Wofuñte taha ufuñko fewec. Ehame taha bapa Eli e Wofuñte taha ufuñ irec motâc ñifecnao ñeñeo ñewec. ¹⁰ Ehame Hana e zâic busâqoc sâko manarâ Wofuñtao numuhuc kio sâqorewec. ¹¹ Ehuc mumupañ moc kecziñuc

mupaŋkehuc muwec: “Anutu Tâpiri Qunqasaŋ Wofuŋ, go kiŋaŋ naruge nore fic guguriŋ i hone-jâmbânkerâ manasucnuc. Erâ nore mi nikecguha motec moc narecmuo ine bârisie-garepe juju damaŋ-ticne foomu sâc gohec juzejec. Ehame qizec susuc-ticne moc mi bâtâcnenzepieŋ.”

¹² Nokac e Wofuŋte maio zuhuckerâ iŋuc numume Elizi bipic-ticne qiriŋ qawec i sawa honewec. ¹³ Hanazi saŋucko numuwecte dâŋticne moc mi manahuc mâc micbipic-ticnezi sawa qiriŋ qame Elizi ziŋuc manasuweg: E opâ sanaŋ âmbâŋ nânâ nokac moc. ¹⁴ Iŋuc manasurâ nokac ziŋuc âzâcnewec: “Maŋsifuc gie zi mo damaŋko behecmu? Go waiŋ nânâ moc behezemec!” ¹⁵ Hanazi ine dâŋ ziŋuc bâtikiecnewec: “Aricne, bomboŋ-nane, no nokac zâic busâqohec. No waiŋ me opâ sanaŋ moc mi napac. No maŋnanere fuŋne Wofuŋtao mufuakopac. ¹⁶ Go kiŋaŋ naruge nore manatec nokac sâqocne mi ezejec. No damaŋ ŋonden zi zâic busâqoc â maŋbahac-nane i mufuapac.” ¹⁷ Iŋuc mume Elizi dâŋ ziŋuc bâtikiecnewec: “Go wamao rac. Eme Israere Anutuzi nunumugere fârine tahacguzejec.” ¹⁸ Eme nokaczi muwec, “Kiŋaŋ naruge nore manatec sâckezejec.” Eme nokac e waha rarâ nânâ nâwec. Ehame zâŋe mai-ticne busâqoc hawari fowec i omaewec.

¹⁹ Eme jaŋe hae fureme furic uupicte faharerâ Wofuŋ mutenkbemiŋ. Iŋuc erâ Rama haeo ficjenicko risiemiŋ. Eme Elikanazi ŋonân-ticne Hanahec juhapire Wofuŋzi nokac e manasucnewec. ²⁰ Eme nokac e motec moc kiweck-

erâ damen-ticne maickeme rowec, ehuc zâhene Samue muwec. E ziñuc muhuctecne iñuc muwec: “No ere hâcne Wofuñ numucnepo.”

²¹ Eme Elikana â ñokac naru motecfâcne jañe jara sâc Wofuñ taha bacne jumbien iñuc ehuc mumupañ-ticnere fârine bâfuaocte Silo haeo fembiñ. ²² Hana e ine ñowe-ticne ziñuc âzâcnerâ ñewec: “Motec e soka sokahame izia jowape rarâ Wofuñte maio fuarâ ira juhuc juzejec sanañ.”

²³ Eme ñowe-ticne Elikanazi ziñuc âzâcnewec: “Wiac go gahac manatec sâckekac irec sâcko eze-mec. Woñec juhuc motec gume bâsokac ecneze-mec. Ehame Wofuñzi sawa dâñticne dopeckeze-jec.” Iñuc mume ñokac e ñerâ motec sokaocte woñec juhuc gume jowac ecnewec. ²⁴ Gume jowac ehuc juha sokame jowa fewec. Ehuc bulimakao ñicne jara-ticne jahec â moc, erâ poroñ uucne gâcne â waiñ zopo moc mâmâc rowec. Erâ ñokac e Silo haeo Wofuñte ufuñ ñewec ira motec jowa fewec, motec e ine mi soka tarawec.

²⁵ Eme jañe bulimakao ñicne i qarâ hezupie neñgoc-ticnezi motec e Elirao jowa rawec. ²⁶ Ehuc muwec, “O bomboñ-nane, go jujâmbânkehanñec ñokac no hâcne zira gore heririñko domahuc Wofuñ numucnepo. ²⁷ No motec zirec hâcne numupo. Eme nunumu-nane i Wofuñi manawec.

²⁸ Irec no Wofuñ râcnekopac. E juju damen-ticne foomu sâc Wofuñtao juzejec.” Eme jañe mâmâc Wofuñ muten bâten ecnembiñ.

2

Hanare mumuten gae

- 1 Eme Hana e kecziņuc muhuc numuwec:
 “Maņnanezi Wofuņ gorao bubiaņ bâfuakac,
 tâpiri-nane i Wofuņ gorao fojâmbâņkekac.
 Go bâfiriecnukomec irec zeri ekopac,
 eha micnanezi kisâfâc-nane gâwie-jarekac.
- 2 “Wofuņ go iņucne tirine moc mi jukac,
 go iņucne moc mi jukac.
 Haroņaņ sanaņ moc Anutu-nâņec
 go iņucne moc mi jukac.
- 3 Sahac fefe dâņ jâmbâņ mocwâc mi muzo,
 pepecdâņ micņeņickonec mi wahazejec.
 Wofuņ Anutu e hâcne mamana tara rune,
 eki guriņ bame ņiczi wiac ebac eenņopieņ.
- 4 ņic tâpirihec jaņere tepe motec bazukicne
 â tâpiri tâmiric jaņe ine tâpiri qâricne hepie
 huekac.
- 5 Wiac bocjaha fojareekac
 jaņe jaņac nânâre kiņaņ qaenņopieņ,
 â nânâre hâmhuc juenņopieņ
 jaņe nânâre hâhâmo i omae-jareekac.
 Hufiņezi kogoc 7 rocjopaekac
 â naru motec bocjaha jucneenņopieņ
 e ine behe qaisoc ecnekicne.
- 6 Wofuņzi ņic jopaekac, ehuc juju mocwâc
 bâfua-jareekac.
 E hâmoc haeo bacjopa hurâ mocwâc
 bâqârec-jopaekac.
- 7 Wofuņ e ņic hapetac bacjopaekac
 erâ mafa sâko tahac-jopaekac.
 E bawahac-jopahuc bafec-jopaekac wâc.
- 8 E hapetac jaņe rufemaņkonec bawefuc-
 jopaekac,

ehuc harac huacbucne jaņe fekiecne jaņehc
 ņehuc
 eri qarawenęte hendiņ rauckeninęte
 zafeonec bafaharec-jopaekac.
 Mâreņ hobeteņne i Wofuņte biņe,
 eme irec faio hâcne mâreņ sâko mâreņ
 râewec fokac.

9 “Wofuņ e mume rerenęfâc-ticne jaņere kike
 soņaņkeekac
 â sâqocne bapa jaņe ine beheç-jopame
 dapâc qisiric maņnao sipirickeenęopieņ.

Ñic moc e jahacne tâpiri erâ mi juocmu.

10 Wofuņte kisâfâc jaņe Anutu Fekicnezi
 sambâņko parandaņ heme hâwic-jopaocmu.
 Wofuņ e ņic sasawa jaņerao mumutara gie bame
 mâreņ sâcke-fâreocmu.

E ņicwofuņ-ticne tâpiri râcneocmu
 â wokemaņ ruacnekicne-ticne ere tâpiri bafa-
 hareocmu.”

11 Eme Elikana e Rama hae-ticnao risiewec,
 â motec e ine taha bapa Elire maņfuņko juhuc
 Wofuņ kiņaņ qacnewec.

Eli â wiacfâc-ticne jaņere findaņdâņ mukicne

12 Eli ņokâ jahec-ticne jahe ņic hehesicne, jahe
 Wofuņ araņ moc mi bacnepic. 13 Ñic jaņe taha
 baniņte fisihapie taha bapa jaņe mâsi ziņuc
 ejumbieņ: Ñic moczi bâzi rikeme qowizi du
 âtehome taha bapare kiņaņņiczi sarac micne ja-
 hec â moc barâ ware jujec. 14 Ehuc sarac i
 faņko me beņguo me kuzi sâkoo me hapecko

râeme hume qowi âecke jujec. Eme saracmicko qowi fejujec i sasawa ine taha bapazi e jahacne biñe rojujec. Israe ñic sasawa Silo haeo fisi jumbien jañerao mâsi i hâcne ejumbien. ¹⁵ Erâ i sawa mâcne, wokemañ i Wofunçe biñe mi rike-fârehapie taha bapare kiñañiczi warerâ ñic taha bawec e ziñuc âzâcnewec: “Taha bapare qowi zegoc zaocte qâricne narec. E kuzio rikekicne i goraonec mi roocmu.” ¹⁶ “Wokemañ zafâreme bocjaha rozo murâ rozemec,” ñiczi iñuc âzâcneme ine ziñuc mujujec, “Aricne, ziñuczia narezemec. Iñuc mi ecmuo ine no fâfâcnehec gowac ropemu.” ¹⁷ Ñic jahe iñuc epire Wofunzi hehesic-jekic honeme ñemâcke-jâmbânkwec. Ehame ñic jañe Wofunçe tahare manapie wawahane ewec.

¹⁸ Samue e motec wârâñezi taha bapare qoruc qañqañ erinehec jomarâ Wofun kiñañ qacnehuc juwec. ¹⁹ Ehame neñgoc-ticnezi jara sâc taha ñaqa faine bacnerâ ñowenehec taha banicte fehuc râcne jujec. ²⁰ Eme Elizi Elikana â ñonân-ticne jambuñ-jofahuc ziñuc mujujec: “Ñokac go mârâc motecge Wofun tahackemente gorao naru motec zuhuckerâ fuanzepien.” Iñuc jasame jahe hae-jekicko risie jupirec.

²¹ Eme Wofunzi Hana ehâmocneme kiwechec erâ ñokâ jahec â moc â otâ jajahec iñuc rocjopawec. Ehame Samue e Wofunçe maio soka sanañ ewec.

²² Eli e juku ñicqizec jâmbân ehame ñokâ jahec-ticne jahe Israe ñic jañerao wiac sasawa epic â tutumañ qoruc boze motâcko kiñañ gie bajumbien ñokac i jañehac jujupirec irec biñe

manawec. ²³ Ehuc zĩñuc jasawec: “Nõhe wemocte mãsi kecinucne eekopirec? No ñic ñokac sasawa jañeraonec eebapa-ñekic hehesicne irec biñe manakopac. ²⁴ Misac, ñokâ jahec-nane. Wofunñe ñicfâc jañe biñe hehesicne i musawepie manaekopac. ²⁵ Ñic moczi ñic moctao bahac bâfuaocmuo Anutuzi mufâsâeocmu â ñic moczi Wofunñtao bahac bâfuaocmuo ine mozi ere erâ numuocmu?” Erâ Wofunñ e jahe jofaocte manasuwecte mamac-jekicte dâñ moc mi manapic.

²⁶ Ehame Samue e soka sanañ eme Wofunñ â ñic jañe hone anañ embiñ.

²⁷ Eme Anuture ñic moczi Elirao fisirâ zĩñuc âzâcnewec: “Wofunñ e zĩñuc mukac: ‘Israe ñic jañe Aigita mãrenko Faraore rurumanõko juhapie apa ñosage fuacnepo. ²⁸ Ehuc no nahac Israe ñic guru sasawa jañeraonec taha bapa-nane erâ juhuc mai-naneo luarâ taha bapa ñaqi rojuhuc alata-naneo bâzi rikerâ taha banarehuc juocte rowosâepo. Ehuc apa ñosage e Israe ñic jañeraonec taha bâzi-nane i e jahac nâ bac eocte râcnepo. ²⁹ Eme go wemocte no nahac taha banarenĩñte mutâcne-jarepo taha bâzi-nane ira wâwânâñ ecnekomec? Ehuc Israe ñicfâc-nane jañere taha hone wosâc erâ nâ gapec ehuc arañ babanare i sirickerâ ñokâ jahege arañ bajacteekic.’ ³⁰ Irec Israere Wofunñ Anutu e zĩñuc mutaniñkekac: ‘Apagere garikinñ â go gahacne garikinñ jañe damenñ sâc kinñ qanarenĩñte mupanñkepo.’ Erâ zi ine Wofunñzi zĩñuc mutaniñkekac: ‘No inuc mocwâc mi epemu. No arañ banareñgopienñ jañere man-

ape fefene eocmu â arañ mi banarengopien jañere manape wawahane eocmu. ³¹ Manakic, dameñ moc mackeocmu ira gore tâpiri â mac jâmbângere tâpiri i qâtâcnepemu. Eme gore garikinjo ñicrañqa moczi moc mi juocmu. ³² Eme no Israe wiac fofu dunduñ tahackepemu irec aaricguocmu. Â gore garikinjo ine ñicanqa moczi moc mi jujâmbângkeocmu. ³³ Me no sifu ñic moc akickehuc alata-naneo kinjañ qaocte manacnepemuo ine zâñe-ticne mâtenkeme nânâ nâocte takickeocmu, â qâricfâc-ticne jañe luarâ ñic ehuc hâmoniñmu. ³⁴ Eme ñokâ jahecge Hofini â Pinehasi jaherao wiac fuaocmu izi gorao ma moc ezejec: Jahe mâmâc jaha zoañ moc-jahao hâmonicmu. ³⁵ Ehame no nahac taha bapa micrerenhec moc âkendâñnepemu. Eme eki hâcne nore mañko â mamasuo dâñ fokac irec sâcno wiac ebac eocmu. Ehame no nahac garikinñfâc-ticne bâfuac-joparâ keten-jopahape e wokemañ ruacnekicne-nane ere maio juhuc juocmu sanañ. ³⁶ Ehame garikinñfâcge nâfocne juniñmu jañe siliwa me nânâre numucneniñte fisirâ ziñuc muniñmu: “Taha bapa jañere biri mocko zuhuc-nâpotec nânâ huñgañne moc bâfuahuc junzepeney.” ’ ’ ”

3

Wofunzi Samue wiracnewec

¹ Eme Samue motec e Elire mañfunjo juhuc Wofun kinjañ qacnewec. Erâ dameñ ira Wofunñte dâñ i riñkoa sawa fuame manakicne â mañbâwiñ wâc boc mi fuawec.

2 Ehamē Eli e damenḡ ira zâḡe-ticne mâtenḡkewecte sâcne mi fiwec. E fofō-ticnao sawa fowec. 3 Anuture lambezi mi hâpohame Samue e Wofunḡe taha ufunḡo Anuture katapa ḡewecko waha guḡ fowec. 4 Fohame Wofunḡi Samue wiracnehuc muwec: “Samue, Samue.” Eme Samuezi muwec, “No zi.” 5 Inḡuc murâ Elirao gasacke rarâ muwec: “Wira-naremec no hâcne zi.” Mume Elizi muwec: “No mi wira-garepac, go risierâ mocwâc foc.” Inḡuc mume Samue e risierâ mocwâc fowec. 6 Fohame Wofunḡi mocwâc wiracnewec, “Samue.” Wirame e faharerâ Elirao rarâ muwec, “Wira-naremec no hâcne zi.” Mume Elizi muwec, “Motec-mae, no mi wirapac, go risierâ mocwâc foc.” 7 Samue e ine Wofunḡ biac mi mana tarawec â Wofunḡe dânḡi wâc erao biac mi fua taniḡkewec. 8 Eme Wofunḡi Samue wiracneme arec jahec â moc ewec. Eme fahare Elirao rarâ muwec, “Wira-naremec no hâcne zi.” Wiwira inḡuc fuame Elizi ziḡuc mana tarawec: I Wofunḡi motec wiracnejec. 9 Irec Elizi Samue ziḡuc âzâcnewec: “Rarâ foc. Ehamē mocwâc wira-gareocmuo ine ziḡuc muzemec: ‘Wofunḡ, dânḡ mutec manape; kiḡaḡ motecge no hazec râekopac!’ ” Inḡuc mume Samue e rarâ fofō-ticnao waha fowec.

10 Eme Wofunḡ e fisirâ domahuc juwicnao wirawec inḡuc jaha wiracnehuc muwec: “Samue, Samue.” Eme Samuezi muwec, “Go dânḡ mutec manape; kiḡaḡ motecge no hazec râekopac.” 11 Mume Wofunḡi Samue ziḡuc âzâcnewec: “Damenḡ mi zoraha no Israe guruo wiac epe mananiḡmu sasawa jaḡere hazecko qaḡazuocmu.

¹² Damenj i maickeme Eli â garikinƒâc-ticne janerao mâsi bazo mupo i funƒerâ baku batarapemu. ¹³ Eli e sâqocne irec binje i manawec hâcne, irec no garikinƒâc-ticne mutara-jarehuc bâtiŋ- jopa sananƒepemurâ zi hâcne mufuacnekopac. E ŋokâ jahec-ticne jahe Anutu mana wahapire moc mi hecke-jactewec. ¹⁴ Irece no Eli garikinƒâcne zinjuc mupanƒe-jarepo: Eli garikinƒâcne janere sâqocne i bâzi me tahazi moc mi bâtâmire-jambânƒeocmu.”

¹⁵ Samue e fohame hae fureme Wofunƒe ficmotâc rowec. Erâ Samue e manƒbâwiŋ ecnewec i Eli âzâcneocte hâwickewec. ¹⁶ Eme Elizi Samue hefârerâ muwec, “Motec-nane, Samue.” Eki muwec: “No zi.” ¹⁷ Mume Elizi muwec, “Wofunƒe e wemo dâŋ gazajec? Go mi hesonƒe-narec. Dâŋ sasawa gazajec irecnec moc hesonƒeckmuo ine Anutuzi kinƒe râeme fozejec.” ¹⁸ Irece Samue e wiac moc mi hesonƒehuc mâmâc sasawa âzâcne-fârewec. Âzâcneme Elizi muwec, “E Wofunƒe, irec wiac i me i ezo murâ ezejec.”

¹⁹ Wofunƒe e Samuehec juhame soka sananƒewec. Erâ dâŋticne dopeckeme moc mi wahawec. ²⁰ Ehame Israe guru sasawa, Danj mârenƒkonec raku Bere-Seba mârenƒko fisikac janje Samuere zinjuc manambiŋ: E Wofunƒe porofete moc erâ juocte dope hutunƒ ecnekicne. ²¹ Eme Wofunƒe e dâŋticnere sâcƒo Silo haeo Samue fuacne jujec.

4

Filisa ŋic janje zâzâƒic katapa jowac rombinj

¹ Eme Samuere dânzî tâpirihêc erâ Israe ñic jañgerao rafârewêc.

Ehame damenñ ira Israe ñic jañe Filisa ñic jañehêc zika qaniñte rambinñ. Ehuc Israe ñic jañe Ebeneze haeo â Filisa ñic jañe Afeke haeo inñuc teunñ âterâ fombinñ. ² Fohapie Filisa ñic jañe birickerâ Israe ñic maic-jopapie qaqaç embinñ. Qaqaç epie zikazi qârânkeme Filisa ñic jañe Israe ñic bawahac-joparâ ñic 4 tausenñ qâhâmoc-jopambinñ. ³ Eme momori ñic jañe teunñko risiepie Israe soñanñ jañe mumbinñ, “Wofunñ e wemocte Filisa ñic jañgerao râec-nâpome bawahac-nâponñgopienñ? Nânñac Wofunñte zâzâfic katapa Silo haeonec bawarepene Wofunñzi ñondenñ-nânñecko juhuc râsifâc-nânñec jañere tâpirionec batarac-nâpozejec.” ⁴ Inñuc murâ ñic sorec-jopapie Silo haeo rarâ Anutu Tâpiri Qunñqasañ Wofunñ ere zâzâfic katapa bawarembinñ. Wofunñ e kerubim jañere faio ñeñe juju ejujec. Eme Eli ñokâ jahec-ticne Hofini â Pinehasi jahe Anuture zâzâfic kata-pahêc mâmâc rapic.

⁵ Wofunñte zâzâfic katapazi teunñko fisime Israe ñic jañe zenñgoma zeri ehuc añara sâko hepîe mârenñ heumanñkehuc fowêc. ⁶ Ehame Filisa ñic jañe añara fânânñ sâko i manarâ mumbinñ, “Hêbirao ñic jañere teunñko añara sâko fuakac irec funñe weninñuc?” Eme Wofunñte katapazi teunñko fisijec inñuc manarâ ⁷ Filisa ñic jañe hâwic-jopawêc. Hâwic-jopame zinñuc mumbinñ: “Nemuzi teunñko fisijec, nânñac omaenñgopenenñ hâcne. Wiac inñucne juwicnao moc mi fuawêc. ⁸ Nânñac omae-jâmbânñkenñgopenenñ; nemu tâpirihêc

keci ere meonec mozi sâcne batarac-nâpooemu? Nemu kecizi hâcne mâren sawao Aigita njic joparâ âtenzan-jopawec. ⁹ O Filisa njic, njone njic erâ hâbihec domaniņ. Injuc mi eniņmuo ine Hebiraiο njic jaņe njone kiņaņ qaenġopien injuc jaha njone moc jaņere kiņaņ qaniņmu. Irec njone njic erâ zika qanzepien.”

¹⁰ Injuc murâ Filisa njic jaņe zika qahuc Israe njic bawahac-jopapie wiserâ hae-jenġic sâc rafârembiņ. Eme boc bawahac-jopahuc Israe momori kikezi rarane 30 tausen qâhâmoc-jopambiņ. ¹¹ Erâ Anuture katapa jowac rohuc Eli njokâ jahec-ticne Hofini â Pinehasi hâmocne jofambiņ.

¹² Ehame Benjaminġe guruonec njic moc ŋaqi qoruc-ticne suckekicne â qizec-ticne sohoņ ruacnekicne e zoaņ ijaha zikamaņkonec wiserâ gasacke ra Silo haeo fisiwec. ¹³ Fisihame Eli e Anuture katapare maņ kukumbuc ecneha Mizipa haere hatao hazec râehuc ŋeņeo ŋewec. Ŋehame njic e fisirâ biņedâņ mume njic njokac sasawa kio wâuņa embiņ. ¹⁴ Eme Elizi ki fânâņ sâko manarâ muwec, “Ki owa irec fuņne weniņuc?” Eme njic e gasacke rarâ Eli wâc âzâcnewec. ¹⁵ Eme Eli e jara-ticne 98 bazume zâņe-ticne mâtenġewecte wiac mi zâņitawec. ¹⁶ Eme njic e Eli ziņuc âzâcnewec: “No hâcne zikaonec warekopac. No zikaonec wiserâ ware fisikopac.” Mume Elizi muwec, “Motec-nane, wiac weniņuc jaha fuajec?” ¹⁷ Wiome biņedâņ bafisiwec eki dâņ ziņuc bâtikiecnawec: “Israe njic jaņe Filisa njic jaņere erâ wisembienġ. Eha râsi jaņe njic bocjaha jopahuc njokâ jahecġe Hofini â Pinehasi mâmâc

jofapie hâmpirec. Ehame Anuture katapa i rombiņ wâc.”¹⁸ Anuture katapare biņe muwec dameņ ira Eli e ñeņeonec rândiņkerâ haesac motâckopec rârâpe hurâ qawec. Ehuc ñicraņqa erâ ñemâckewecte upene âke pirickerâ hâmwec. E Israe ñic jaņere mumutara ñic juhame jara 40 tarawec.

¹⁹ Eme joņao-ticne, Pinehasire ñonâņ hâcne, e kiwechec juwecte kogoc roro dameņ-ticne qândânke-fârewec. E Anuture katapa rombiņ â ñowene â joņao-ticne hâmpic irec biņe manarâ gozi kime daperâ kogoc rowec.²⁰ Eme hâmozo eha soņaņkemiņ ñokac i jaņe ziņuc âzâcnemiņ: “Hâbige mi ñeņgoronkeoc, go ñokâ moc rokomec.” E ine dânjeņic mu bătikic mi ehuc mana takic ewec.²¹ E ziņuc muhuc kogocte zâņe Ikabodo muwec: “Anuture katapa rombiņ irec â ñowe joņao jahec-nane jahere erâ eri qaraweņzi Israe guruo rârâņnekac.”²² Erâ mocwâc muwec, “Anuture katapa rokiçnere eri qaraweņzi Israe guruo rârâņnekac.”

5

Wofuņte zâzâfic katapazi Filisa mâreņko juwec

¹ Filisa ñic jaņe Anuture katapa rorâ Ebeneze haeonec Asidode haeo reņke ramiņ.² Erâ Anuture katapa barambiņ i Dagoņte ufuņko baferâ Dagoņ nemure qâņ qâqâtâc domawec irec heririņnao hepie ñewec.³ Ñehame hae fureme Asidode hae rune jaņe furic uupicte faharerâ honepie Dagoņ nemure qâņ qâqâtâc e Wofuņte katapa ñewec maņfuņnao rândiņkerâ hetutuckerâ

fowec. Eme jaŋe Dagon nemure qâŋ qâqâtâc i rorâ ñeŋe-ticnao mocwâc hepie ñewec. ⁴ Izi hae mocwâc fureme furic uupicte faharerâ honepie Dagon nemure qâŋ qâqâtâc e ombâŋne sawazi ñeŋe-ticnao domawec â qizecne â mejahecne ine herickerâ Wofunje katapa ñewec irec maŋfunnao mâreŋko fowec. ⁵ Irec hâcne dameŋ zîŋuczia Asidode haeo taha bapa mecne â ñic i me i Dagon nemure ufunjo feŋgopienzi Dagonje ñeŋe bakicne i mi âte uaŋgopienj.

⁶ Eme Wofun e meticnezi Asidode ñic ñokac bomac-jopahuc mume ironzi jopa bâzâic ejare-jâmbâŋkewec. Ehuc zuc ejareme Asidode hae â rârec mâreŋ forawec i fusucma-fârembiŋ. ⁷ Ehame Asidode hae rune jaŋe wiac fua rawec i honerâ zîŋuc mumbiŋ: “Anuture mezi nâŋe nâŋâcne â nemu-nâŋec Dagon boc bomac-nâpokacte Israe ñic jaŋere Anuture katapazi nâŋâcnao mi ñezejec.” ⁸ Inuc murâ dâŋ râepie rame Filisa ñic fekicne sasawa jaŋe tumaŋne-fârepie zîŋuc jazambiŋ: “Nâŋâc Israe ñic jaŋere Anuture katapa i weniŋuc enaŋmu?” Wiopie jaŋe dâŋ zîŋuc bâtikie-jarembiŋ: “Israe ñic jaŋere Anuture katapa i Gati haeo barazo.” Inuc murâ hae ira barambiŋ. ⁹ Barapie Wofun e hae i râsi boc ecnewec. Erâ hae irec ñic ñokac kâcçene â piticne maŋ bâsifuc ejarerâ bâzâic-jopahuc mume ironzi sahaç-jeŋicko fua rawec. ¹⁰ Irec jaŋe Anuture katapa i râepie Ekoron haeo ra fisime hae rune jaŋe honerâ hahaŋne bahuc mumbiŋ: “Jai, jaŋe Israe Anuture-jeŋicte katapa i nâŋe nâŋâcne â ñicfâc-nâŋec

nâñe nâpoocte bawareñgopieñ.” ¹¹ Inuc murâ dân râepie rame Filisa ñic fekiecne sasawa jañe tumañepie zĩñuc jazambiñ: “Ñoñe Israe ñic jañere Anuture katapa i nâñe nâñâcne â ñicfâc-nâñec nâñe nâpozacte râepie hae mâreñ-ticnao risieoc.” Wofuñ e hae irec ñic bomac-jopahuc ima gie sâko bawec. ¹² Eme hae irec ñic mi hâmombiñ jañe ironzi jopame kio wâuñ-a-jeñiczi sawao fehuc fowec.

6

Filisa ñic jañe Anuture zâzâfic katapa bârisiemiñ

¹ Wofuñte katapazi Filisa ñic jañere mâreñko mosa 7 juwec. ² Eme Filisa ñic jañe taha bapa â fanfanđañ mumu jañerao dân zĩñuc râehuc mumbiñ: “Nâñâc Wofuñte katapa i weniñuc enañmu? Nâñâc wemo wiachec râepene hae mâreñ-ticnao risieocmu i nâzâniñ.” ³ Mupie zĩñuc jazambiñ: “Ñoñe Israe ñic jañere Anuture katapa i bârisiéhuc okacne kiñte taha bacnenzeñieñ. Inuc epie ine ñoñerao bibiañ fuaocmu â Wofuñte mezi wemocte ñoñerao mi râriekac irec fuñne wâc mana-fâreñiñmu.” ⁴ Mupie jañe dân zĩñuc bătikié-jarembiñ: “Kiñte taha i wemo wiac bătikiécnenañmu?” Inuc wiopie okacne zĩñuc jazambiñ: “Filisa ñic fekiecne zare-jeñic sâc manahuc iron hawari golzi bakicne ⁵ â zuc hawari golzia bakicne 5 jaha râepie razejec. Wiac hâhâwicne izi hâcne ñoñe â fekiecnefâc-ñeñic rocñopawec. ⁵ Irec wiac fua-ñarewec irec hawari jaha banzeñieñ, erâ mâreñ zi imackemiñ zuc i

jañere hawari wâc banzepien. Inuc erâ Israere Anutu e muac baafec ecnenzepien. Inuc epie Anutuzi ñañacne â nemufâc-ñençic erâ mâren-ñençic sâcne ñezic-ñopaocmu mecne. ⁶ Ñoñe wemocte Aigita ñic â Farao mañsanaj embiñ irec sâc eniñmu? Anutu e mâsi qârenñ fuñne fuñne ejarekume jañe Judañic râec-jopapie rambiñ. ⁷ Ajoc, keretac qâricne moc barâ susu bapa bulimakao jajahec sahaç furu kion mi râe-jactekicne jahe rocjofarâ keretac qeticke-jacteniñ â motec jahec-jekic ine sapao bârisiec-jofaniñ. ⁸ Inuc erâ Wofunçe katapa rorâ keretacko henzepien. Erâ kiñte taha wiaç golzi bakicne Wofunç râcnezo ençopien i katapa piticne mocko râepie hume ñifecnao hepie ñezejec. Inuc efârerâ râepie hae mâren-ticnao razejec. ⁹ Erâ soñañkehapie Bete-Semesi hae mâren-ticnao raocmuo ine ziñuc muzo: Anutuzi hâcne wiaç hâhâwicne zi bâfua-nârekac. Â inuc mi fuaocmuo ine ziñuc manazo: Anuture mezi mi nâpowec, wiaç i mâc inuc fua-nârewec.”

¹⁰ Eme ñic jañe inuc erâ susu bapa bulimakao jajahec i rocjofarâ keretac qeticke-jactembiñ, â motecne jahe ine sapao râec-jofarâ motâc hejactembiñ. ¹¹ Ehuc Wofunçe katapa â zuc hawari golzi bakicne i, erâ iron hawari bakicne i mâmâc keretacko râembiñ. ¹² Eme bulimakao jahe hata funçepic i mi qâsoriehuc dândâñne jaha Bete-Semesi haeopec owackehuc rapic. Eme Filisa ñic fekicne jañe bâjâpec-jofarâ raku Bete-Semesi haere mao fisimbiñ. ¹³ Eme Bete-Semesi haeonec jañe wânençko padi-jeñic qa roro ehuc juhapie

Wofun̄te katapazi fisime honerâ zeri embiñ. ¹⁴ Ehame keretaczi raku Bete-Semesi rune Josua ere gieo ninin̄kerâ ñewec, mâreñ ñonden̄ ira ine qânâ sâko moc ñewec. Eme jañe qânâ irec fainao jâczi keretac bakicne i hesuckerâ zoc izi bulimakao jajahec i hâcne Wofun̄ taha bâzi rikecnembiñ. ¹⁵ Ehame Lewin̄ic jañe Wofun̄te katapa â golzi hawari wiac barâ guruckekicne katapa i rorâ qânâ sâko irec fainao hep̄ie ñewec. Eme zoañ ira Bete-Semesi hae rune jañe Wofun̄ taha bâzi rikecnembiñ. ¹⁶ Ehame Filisa ñic fekcicne 5 jañe wiac i honerâ zoañ ijaha Ekoroñ haeo risiembiñ.

¹⁷ Filisa ñic jañe hae zin̄uc jañere manasuhuc kin̄te taha Wofun̄ râcnenin̄te golzi iron̄ hawari wân̄ wân̄ bambiñ: Asidode, Gaza, Asikalon̄, Gati â Ekoroñ. ¹⁸ Erâ wâc golzi zuc hawari bambiñ i Filisa ñic fekcicne 5 jañe ñec juc embiñ hae i jañere zare manasuhuc bambiñ. Erâ hae gâcne sacsanañ-jeñichec â hae piic piic gâcne sac tâmiric i jañere mâmâc bambiñ hâcne. Eme Wofun̄te katapa bararâ fainao hembiñ qânâ sâko i mumutanin̄ erâ Bete-Semesi rune Josua ere gieo ñeweczi ñekac jaha.

¹⁹ Bete-Semesi haeonec Jekoniare qâricfâc jañe Wofun̄te katapao fipie huwecte Wofun̄zi ñic 70 jopawec. Eme ñic jañe Wofun̄zi guru-jeñickonec ñic bocjaha jopawecte ki busâqoc embiñ. ²⁰ In̄uc erâ Bete-Semesi ñic jañe mumbiñ, “Anutu tirine zi ere maio mozi sâcne sanan̄kerâ domaocmu? Nân̄ac katapa zi weni jañerao sâcne râepene raocmu?” ²¹ In̄uc murâ Kiriati-Jearim haere ñecjucfâc jañerao kin̄añ sorec-jopahuc

ziņuc mumbiņ: “Filisa ņic jaņe Wofuņte katapa bârisiembiņ. Irec ņoņe waha rorâ bahefâniņ.”

7

¹ Iņuc mupie Kiriati-Jearim hae rune jaņe hurâ Wofuņte katapa bafe Abinadare tikio ņewec ira râembiņ. Ehuc Abinadare ņokâ Eleazazi Wofuņte katapa i soņaņkeocte mufiriembiņ. ² Wofuņte katapa i Kiriati-Jearim haeo hepie dameņ zoricnea ņehuc juwec. Eme jara 20 tarame Israe ņic zeņgoma jaņerao Wofuņ bâbâjâpere qiriņ piticne fuawec.

Samuezi Israe ņic jaņere mumutara ņic juwec

³ Eme Samuezi Israe guru ziņuc jazawec: “ņoņe maņ hâcbuc jaha Wofuņtao risieņgopieņko ine guru-ņeņickonec nemu jabane â Asitaroto nemure qâņ qâqâtâc i behe-fârenzepieņ. Iņuc erâ maņņeņic Wofuņtao sawa râerâ e buc kiņaņ qacnepie Filisa ņic jaņere meonec sâcne batarac-ņopaocmu.” ⁴ Iņuc jazame Israe ņic jaņe Baali â Asitaroto nemu jahere qâņ qâqâtâc wiac behe-fârerâ Wofuņ sawa kiņaņ qacnembiņ.

⁵ Eme Samuezi muwec, “Israe ņic sasawa ņoņe Mizipa haeo tumaņne-fârepie no ņoņere erâ Wofuņ numucnepemu.” ⁶ Iņuc mume Israe ņic jaņe Mizipa haeo tumaņne-fârembiņ, ehuc opâ fiarâ Wofuņte maio hesiembiņ. Iņuc erâ zoaņ ira nânâ sowa juhuc sâqocne barâ Wofuņ bunao bambiņ i mufua-fârembiņ. Eme Mizipa haeo hâcne Samuezi Israe ņic jaņerao mumutara gie bawec. ⁷ Ehame Filisa ņic jaņe Israe ņic Mizipa haeo tumaņnembiņ biņe i manarâ

Filisa ñic fekicne jañe râsi fisi-jarembiñ. Eme Israe ñic jañe biñe manarâ Filisa ñic jañere hâwic-jopawec. ⁸ Hâwic-jopame Samue ziñuc âzâcnembiñ: “Go nâñere erâ Wofuñ Anutu-nâñec kio wâwâsic eecne i mi behezemec. Inuc etec e Filisa ñic jañere meonec batarac-nâpozejec.” ⁹ Inuc mupie Samuezi lama motecne susuonec moc rorâ hâcbuc jaha Wofuñ bâzi rikecnewec. Inuc erâ Israe ñic jañere erâ Wofuñ kio wâwâsic ecneme Wofuñzi nunumu-ticne manawec. ¹⁰ Samue e bâzi rikehuc juhame Filisa ñicjañe Israe ñic jopaninthe bembenke fisimbiñ. Eme Wofuñzi zoañ ira dânșâko eme quñ parandan hehuc Filisa ñic mañ bâsifuc ejareme Israe ñic beheç-joparâ wisembiñ. ¹¹ Wisepie Israe ñic jañe Mizipa haeonec faharerâ Filisa ñic jopa jâpec ejare raku Bete-Kara hae juwicnao fisimbiñ.

¹² Eme Samue e qânâ moc rorâ Mizipa â Jesana hae ñonden-jekicko herâ zâñene Ebeneze muwec. I ziñuc muhuc zâñe i muwec: “Wofuñzi mâreñ ñonden zira hâcne ñezic-nâpojec.” ¹³ Eme Filisa ñic bawahac-jopambinthe Israe ñic jañere mâreñko mocwâc mi razimbiñ. Erâ wâc Samuere damenke Wofuñzi Filisa ñic bomac-jopawec. ¹⁴ Eme Filisa ñic jañe Israe ñic jañere hae rombiñ, Ekoronkonec raku Gati haeo fisikac i Israe ñic jañe mocwâc jowac rofârembiñ. Erâ hae i jañere mâreñ forawec i wâc inuc jaha Filisa ñic jañeraonec mocwâc rombiñ. Ehame Israe ñic â Amori ñic jañerao wama luarâ fowec.

¹⁵ Samue e mâreñko juju damen-ticne fowec irec sâc Israe ñic jañere mumutara ñic juwec.

¹⁶ Ehuc jarane jarane Bete â Giligali â Mizipa hae rãreckerâ Israe ñic jañerao mumutara gie bahuc juwec. ¹⁷ Inuc erâ Rama hae-ticnao mocwãc risie jujec. Ehuc ira wãc Israe ñic jañerao mumutara gie bajujec. Erâ ira Wofunje alata moc bawec.

8

Israe ñic jañe ñicwofunje numumbinj

¹ Samue e ñicqizec jãmbãñ ehuc ñokã jahecne ejaecteme jahe Israe ñic jañerao mumutara gie bapic. ² Samue mârãc ñokã-ticnere zãñe Joele, â ere faicnao fuawec ere zãñe ine Abia. Jahe Bere-Seba haeo mumutara gie bahuc jupic. ³ Eme ñokã jahec-ticne jahe mamac-jekicte kike hata sãcne mi bãjãpehuc monenje ejaecteha ñic jañeraonec bãbãmiring monen rohuc jupic, ehuc gie bãsifuckepic.

⁴ Inuc epire Israe soñañ jañe roroc efãrerã Samuerao Rama haeo fisimbinj. ⁵ Ehuc zinjuc âzãcnembinj: “Manakic, go ñicqizec ekomec, ehame ñokã jahecge jahe gore kike hata sãcne mi bãjãpekopirec. Irec nãñe ñicguru gãcne ñicwofunhec junjopienj irec sãc jaha ñicwofun moc âkendãñne-nãretec soñañ-nãpoha junãñte munjopenenj.” ⁶ Eme Samue e ñicwofunzi soñañ-jopame juninje mumbinj irec maname mi sãckeme Wofunj numucnewec. ⁷ Numucneme Wofunzi Samue zinjuc âzãcnewec: “Ñic jañe wiac sasawa munjopienj i mana-jarezemec. Jañe go mi surecgunjopienj, jañe noni Wofunj ejarekopacte no surecnumjopienj hãcne. ⁸ Jañe Aigita mãrenjkonec jowac- jopa wefuhape

wiac enarembiņzi enare warehuc juņgopien jaha. Jaņe no râpecnuhuc nemu gâcne kiņaj qajarembiņ. Ehuc jaņe no enarembiņ sâc ijaha go egareņgopien wâc. ⁹ Irec go dânjenic manac. Mocjaha, uņdâj jaza- jâmbâņkerâ ñicwofuņzi wenijuc juhuc soņaj-jopaocmu i mutâcne-jare-fârezemec.”

¹⁰ Iņuc âzâcneme Samuezi ñic ñokac ñicwofuņte numucnemiņ jaņe Wofuņte dân sasawa jaza-fârewec. ¹¹ Ehuc muwec, “Ñicwofuņ e hata ziņuc âtehuc soņaj-jopaocmu: E ñokâfâc-ņejic rocjoparâ keretacfâc-ticne soņajkeniņte â becâsicko ñehuc keretacfâc-ticne bânie-jareniņte âkendâj-jopaocmu. ¹² Erâ momori guru 1 tausej jaņere micne â 50 jaņere micne iņuc âkendâj-jopaocmu. Erâ gâcne mâreņ qanzaņnehuc ukic he sarac erâ fârine qa roro eniņte râec-jopaocmu â gâcne jaņe ine zikare wiac â keretacte wiac baniņte râec-jopaocmu. ¹³ Erâ wâc otâfâc-ņejic iņuc jaha rocjoparâ wiac âsu bianj bâbâmocke â zegoc bapa â poroņ bapa râec-jopaocmu. ¹⁴ Erâ giegaj-ņejic bianje jâmbâj â waiņ gie â oliwa jufu-ņejic i ñowac rorâ kiņaj qaqafâc-ticne jareocmu. ¹⁵ Erâ wiac hândâjne irecnec 10-konec wâj i ñowac rorâ fekicne â kiņaj qaqafâc-ticne jareocmu. ¹⁶ E kiņaj qaqafâc-ņejic ñic â ñokac, erâ bulimakao â donġifâc-ņejic bianje i ñowac rorâ gie-ticnao râec-jopaocmu. ¹⁷ Erâ lama â noniņfâc-ņejic i 10-konec wâj jaha ñowac rome ñoņe kiņaj qaqafâc-ticne erâ juniņmu. ¹⁸ Dameņ i maickeocmu ira ñoņe

ņāņac ņicwofuņ rowosâembiņ ere takic-ņopame Wofuņ kio wâwâsic ecneniņmu, ehame Wofuņzi ine dâņņeņic mi manaocmu.”

¹⁹ Iņuc jazame ņic ņokac jaņe Samuere dâņte takic-jopame ziņuc mumbiņ: “Aricne, nâņe ņicwofuņ mocte rurumaņko junaņte enârekac. ²⁰ Ehuc ņicguru gâcne jaņere sâc erâ juhapene ņicwofuņzi soņaņ- nâpohuc bânġe-nârġerâ zika giere guriņ banârezejec.” ²¹ Eme Samue e ņic ņokac jaņeraonec dâņ manawec irec sâc jâmbâņ Wofuņ âzâcne-fârewec. ²² Âzâcne-fâreme Wofuņzi Samue dâņ kecziņuc bâtikiecnewec: “Go dâņņeņic manarâ ņicwofuņ moc âkendâņne-jarec.” Iņuc âzâcneme Samue e Israe ņic ņokac râec-jopame hae-jeņic sâc rafârembiņ.

9

Anutuzi Saulo ņicwofuņ rowosâewec

¹ Benjamin guroo ņic moc juwec zâņene Kisi. E Abielere ņokâ â ņosa-ticne zâņene Zeroro, â apa-ticnere zâņe Bekorata â apa ņiric ņuruc-ticnere zâņe ine Afia. Kisi e ņic mafa sâkohec juwec.

² Eme ere ņokâ saħac hawari bian moc juwec zâņene Saulo. Israe guroo e iņucne moc mi juwec. E ņic gâcne sasawa jowaru-fârġerâ ņic zorġicne juwec.

³ Eme Saulo mamac-ticne Kisi ere doņgi jaņe sifuckembiņ. Irek Kisizi ņokâ-ticne Saulo ziņuc âzâcnewec: “Go faharġerâ kiņaņņic moc jowatec rarâ doņgi basac-jopanic.” ⁴ Iņuc âzâcneme jahe faharġerâ Eferaim tiki mâreņ â Silisa mâreņ i fotâcne-fârehuc basac-jopa-fârepic, ehuc moc mi

bâfuac-jopapic. Erâ Salim mâreŋ fotâcne-fârehuc basac-jopapire arictac jaha ewec. Eme irecnec Benjaminîŋ mâreŋ fotâcnehuc basac-jopa-fârepic wâc.

⁵ Eme Zufu mâreŋko fisirâ Saulozi kiŋaŋŋic-ticne mâmâc jupic e ziŋuc âzâcnewec: “Waretec risienac. Mamac- nane e donŋi jaŋere mana mezac ekaczi nâhâcnere erâ maŋ kukumbuc ezackohec.” ⁶ Mume kiŋaŋŋiczi ziŋuc âzâcnewec: “Manakic, hae zira Anuture ŋic moc jukac. E ŋic jaŋe araŋ bacneŋgopieŋ. E dâŋ sasawa muekac i fârinehec efâreekac. Irec nâhâc erao ranac. Eme eki hata jukoperec zirec fârine sâcne nâsâocmu mecne.” ⁷ Iŋuc mume Saulozi kiŋaŋŋic-ticne ziŋuc âzâcnewec: “Nâhâc ira ranacmuo ŋic e wemo wiac râcnenacmu? Henâhecko poroŋ fowec i omae-fârewec. Eme Anuture ŋic e taha wemo râcnenacmu? Zi wiac moc mi bajukoperec.” ⁸ Iŋuc mume kiŋaŋŋiczi Saulo dâŋ ziŋuc bâtikiecnewec: “No siliwa dâkâne moc bajukopac zi. Irec wiac wenîŋuc jaha enacte nâsâocmu ine Anuture ŋic e i râcnepemu.” ⁹ Mârâc jaha Israe guruo ŋic moczi Anutu mu wioc ecneocte rahuc ziŋuc mujujec: “Warepie findaŋdâŋ mumu ŋictao ranaŋ.” Â damenîŋ ziŋuczia porofete mujareŋgopieŋ jaŋe mârâc jaha ine findaŋdâŋ mumu ŋic mujare jumbieŋ. ¹⁰ Eme Saulozi kiŋaŋŋic-ticne ziŋuc âzâcnewec: “Sâcne mukic, murâ waretac ranac.” Iŋuc mume Anuture ŋic juwec hae ira rapic.

¹¹ Jahe haeo fisinicta heaŋko fehapiŋe ŋokac naru jaŋe opâ fianîŋte haeonec wahapie

bâfuac-joparâ zînjuc wio- jarepic: “Honenîj, findaŋdâŋ mumu ñic e zira jukac me?” ¹² Injuc wiopire ñokac jaŋe dâŋ zînjuc bâtikie-jactembiŋ: “Ooc, e kecocni mac rakac, biac gasackenic. E ñic ñokac jaŋe furu mâreŋko taha bâzi wiac bâmockeŋgopieŋte miŋecgac hâcne hae zira fisijec. ¹³ E nânâ nâocte furu mâreŋko biac fezacte ñohe haeo razirâ izia bâfuanic. Njic ñokac jaŋe Samuezi hâcne taha wiac jambuŋkeme nânîŋte ere woŋec ŋeŋgopieŋ. Eki jambuŋkeme jaha ine hefârec-jopakicne jaŋe nânîŋmu. Irec biac rarâ bâfuanic.” ¹⁴ Eme jahe haeo fepic. Ferâ Samue e furu mâreŋko feocte jaheraopec warehame bâfuapic.

¹⁵ Eme Saulozi fisiwec zoaŋ irec juwicnao Wofuŋzi Samue fuacnerâ zînjuc âzâcnewec: ¹⁶ “No tomâcko dameŋ zînjucne Benjamin mâreŋkonec ñic moc gorao sorepe wareocmu. Eme goki Israe ñicfâc-nane jaŋere micne bapa erâ juocte wokemaŋ ruacnezemec. Eme eki hâcne ñicfâc-nane micne bajarehuc Filisa ñic jaŋere meonec batarac-jopaocmu. Njicfâc-nane jaŋe fific guguriŋko hâcne juhuc kio wâwâsic enarepie manakopac.” ¹⁷ Eme Samuezi Saulo bâfuame Wofuŋzi zînjuc âzâcnewec: “No ñic ere hâcne gazapac. Njic eki hâcne ñicfâc-nane soŋaŋ-jopaocmu.” ¹⁸ Eme Saulozi haere sacmotâcko Samuere maŋfuŋko fisirâ zînjuc âzâcnewec: “Findaŋdâŋ mumu ñic ere fic wena ñekac i nowatuc.” ¹⁹ Mume Samuezi Saulo dâŋ zînjuc bâtikiecnahuc muwec: “Findaŋdâŋ mumu ñic no zi hâcne.” Injuc murâ muwec, “Ñohe miŋecgac

nohec māmâc nânâ nânicmu irec furu mârenko bânierâ hefânic. Eme dân bajukomec sâc irec okacne tomâcko gaza-fârerâ râec-ņofape ranicmu. ²⁰ 3oaņ gie bapa jahec â moc juwicnao dongi sifuckembiņ i biac bâfuac-jopambien, irec go manabâc boc mi ezemec. Israe ñic jaņerao wiac furi sâko forakac i go â mamacgere garikinġâc ñoņere biņe eocmu hâcne.” ²¹ Mume Saulozi dân zĩuc bătikiecnwec: “No Benjamin ñic, Israe kikefuņ guru waha qaqane moc irecnec hâcne. Erâ garikinġâc-nane jaņe Benjamin guruo ñic wawahane jâmbâņ juņgopien. Irec go wemocte dân iņucne nazakomec?”

²² Eme Samue e Saulo â kiņoņñic-ticne rocjo-fame ufuņko ferâ ñic 30 heririņ hefârec-jopakicne ñembiņ ñeņe irec micnao râec-jofame ñepic.

²³ Ehamē Samuezi zegocñic zĩuc âzâcnwec: “Qowi garehuc râetec ñeocce gazapac i bawarec.”

²⁴ Iņuc âzâcneme zegocñic e qowi ñefacne i rorâ Saulore maņfuņko hewec. Iņuc eme Samuezi muwec, “Qowi dâkâne zi gore biņe râekicne. Tiwâ bâzi zĩrec manasuhuc ñic hefârec-jopapo damen ira qowi zi gore biņe râekicne hâcne, irec nâc.”

²⁵ Mume Saulo e 3oaņ ira Samuehec māmâc nânâ nâpic. Eme jaņe furu mârenkonec haeo waha-râ Samuezi Saulohec ficbupuo dân dân epire tarame Saulo e ijaha fofo bacnembiņko fowec.

²⁶ Hae fure pârâckeme Saulo e ficbupuo guņ jaha fohame Samuezi Saulo wiwickehuc muwec, “Faharec, eme râecgupe rac.” Iņuc mume Saulo e fahareme Samuehec māmâc hatao hurâ rapic.

²⁷ Raku hae mendâņko fisirâ Samuezi Saulo

ziñuc âzâcnewec: “Kiñanñicge ecnetec bânieoc.” Mume iñuc ewec. Eme Samuezi muwec, “Go piticne domatec Anuture dân mufua-garepemu.”

10

Samuezi Saulo wokemañ ruacnewec

¹ Eme Samuezi wokemañ zopo rorâ Saulo qizec-ticnao honkewec. Erâ muduckehuc muwec, “Wofunzi Israe ñicfâc-ticne micne bajarecmurâ wokemañ rua-garekac. Eme go Wofunte ñicfâc micne bajarehuc râsifâc-jeñic rârec rârec juranğopien jañere meonec batarac-jopacmurâ wokemañ rua-garekac irec ma ziñuc fua-gareocmu: ² Go miñecğac no behecnurâ rahuc Benjamin mâreñko mâreñ dâkâne moc zâñene Zeleza, Rahere zâñeruñ fokacko ira ñic jajahec bâfuac-jofatec ziñuc gazanicmu: ‘Doñgi basacjopa ramen i bâfuac-jopakicne. Eme mamacge e doñgi jañere manabâc eweczi beherâ zi gore mañ kukumbuc ecneme ziñuc mukac: “No motecnanere weninuc epemu?” ’ ³ Eme go irecnec ipec rarâ Taborore borinjâc fuñnao fisicmu. Eme ira ñic jahec â moc jañe Anutu mai ecnezore Bete haeo feniñte warehuc bâfuacguniñmu. Moc e lama motecne jahec â moc baocmu â moc e poroñ jahec â moc baocmu â moczi ine wain zopo kâcçene moc baocmu. ⁴ Eme jañe ‘zoañ bían’ mugarehuc poroñ jajahec garepie sâcne rozemec. ⁵ Eme Anuture tiki, Filisa mâreñ soñanñi ñec juc eekac ira fisirâ porofete guru jañe furu mâreñkonec gita, wonğân, mimi ñokac â kâriñqañhec wahahuc findanđân

muhapie bâfuac-jopacmu. ⁶ Eme Wofunṭe Mârozi basanaṅgume jajehec findaṅdâṅ muhuc ṅic sâc moc jâmbâṅ ecmu. ⁷ Ma i sasawa fua-gare-fâreocmu dameṅ ira wiac i me i eene fuame ezemec. Anutu e gohec juocmu hâcne. ⁸ Eme go bânierâ Giligali haeo hufâhaṅtec no qowi bâzi â wama bâzi rikezore ijaha gorao hufâpemu. Go zoaṅ gie bapa 7 woṅec juhaṅtec noni fisirâ wiac weniṅuc jaha ecmurâ gaza gowatuc ezepac.”

⁹ Eme Saulo e Samue râpeckerâ razo ehame Anutuzi maṅ mamasu moc tahackewec. Ehame erao ma wiac gâcne fua raocte mukicne i zoaṅ ira fuacne-fârewec. ¹⁰ Eme jahe raku Gibeaa haeo fisihapire porofete guru jaṅe ware bâfuac-jofambiṅ. Bâfuac-jofapie Anuture Mârozi Saulo basanaṅkeme jaṅerao zuhuckerâ findaṅdâṅ muwec. ¹¹ Eme juwicnao Saulo hone manac ecnembiṅ ṅic i jaṅe Saulozi porofete jaṅerao zuhuckerâ findaṅdâṅ muwec i honerâ nazaṅ gazaṅ erâ mumbiṅ, “Kisi ṅokâ-ticne wemo wiac mo fuacnewec? Saulo e porofete jaṅerao zuhuckewec me?” ¹² Eme hae irec ṅic moczi dâṅ ziṅuc wiohuc bâtikie-jarewec: “Eme gâcne jaṅere mamac, e mo?” Irec qâqindâṅ ziṅuc muhuc jumbiṅ: “Saulo e porofete jaṅerao zuhuckewec me?” ¹³ Eme Saulo e findaṅdâṅ mume tarame furu mâreṅko fewec.

¹⁴ Ehame mamac piic-ticnezi Saulo â kiṅaṅṅic-ticne ziṅuc wio-jactewec: “ṅohe wena rapic?” Wiome Saulozi dâṅ ziṅuc bâtikiecnwec: “Nâhe donḡi basac-jopanacte rapeç. Eme basac-jopa-bipierâ Samuerao rapeç.” ¹⁵ Inṅuc

mume mamac piic-ticnezi muwec, “Samuezi wenijuc gazajec i nazac.” ¹⁶ Mume Saulozi mamac piic-ticne zinjuc âzâcnewec: “E donji bâfuac-jopakicne i fâretinj jaha nâsâjec.” Â Saulo e jahacne njicwofunj erâ juocte Samuezi muwec i ine hesonkecnewec.

¹⁷ Eme Samue e Israe njic hefârec-jopame Wofuntao Mizipa haeo tumaņnembinj. ¹⁸ Tumaņnepie zinjuc jazawec: “Israere Wofunj Anutu e zinjuc mukac: ‘No hâcne Aigita njic janere meonec batarac-ņopahuc Aigita mârenkonec jowac-ņopa wefupo. Erâ njicwofunj gurune gurune jaje fific bacņopahapie sifu janere meonec wâc batarac-ņopapo. ¹⁹ Eme zi ine fific gugurinj â zâic busâqoc maņko juhapie bafic-ņopaekopac Anutu-ņenjic no hâcne behecnunġopienj. Ehuc zinjuc munġopienj: “Aricne, njicwofunj moc âkendâņne-nârezo.” Irec nņeņe guru-ņenjic sâc Wofunje maio birickeninj.’ ”

²⁰ Eme Samue e Israe guru sasawa ejareme maņfunjtao tumaņne-fârepie qâsâi qame Benjaminje guru âke fuawec. ²¹ Eme Benjaminj guru jaje garikinj-jeņjic sâc hefârec-joparâ qâsâi qame Matirire garikinj âke fuawec. Eme Matirire garikinj jaje njic buc buc hefârec-joparâ qâsâi qame Kisi nokâ-ticne Saulo âke fuawec. Erâ e ira mi juwecte basa-bipiembinj. ²² Irec jaje mocwâc Wofunj mu wioc ecnehuc zinjuc mumbinj: “Njic e mocwâc risie wareocmu me?” Wiopie Wofunzi muwec, “E mafa guruo sonkejec irec ira honeninj.” ²³ Injuc mume jaje gasacke rarâ jowa warembinj. Jowa warepie guru-jeņjicko domame

ņic sasawa jaņe ere qaweo sawa qafârembiņ, â eki ine jowaru-fârewec. ²⁴ Eme Samuezi ñic ñokac zĩņuc jazawec: “Ñoņe Wofuņzi ñic rowosâewec e honeniņ. Guru-ņeņicko ñic moc e iņucne moc mi jujâmbâņkekac.” Iņuc jazame ñic ñokac jaņe micne mic sâc musereckehuc mumbiņ, “Ñicwofuņ e jurazihuc juzejec.”

²⁵ Eme Samue e ñicwofuņzi gie weniņuc jaha baocmu i ñic ñokac mutâcne-jarewec. Eme dâņ i sasawa papiao qâreņke-fârerâ Wofuņte maņfuņko râeme fowec. Iņuc erâ ñic râec-jopame hae-jeņic sâc râwiņnemiņ. ²⁶ Râwiņnepie Saulo e iņuc jaha Gibeaa hae-ticnao rawec. Rahame Anutuzi maņjeņic bâuņtowec momori i jaņe e bâjâpemiņ. ²⁷ Ehamo ñic kosane gâcne jaņe zĩņuc mumbiņ: “Weniņuc, ñic keciņucnezi sâcne ñezic-nâpooomu me?” Iņuc murâ qaisockehuc taha wiac moc mi râcnemiņ. Eme Saulo e irec dâņ moc m muhuc mâc juwec.

11

Saulozi Amoņņic bawahac-jopawec

¹ Eme Amoņ ñicwofuņ Nahasi e rarâ Jabesi-Gileade hae somâckewec. Iņuc eme Jabesi haonec jaņe ñicwofuņ Nahasi zĩņuc âzâcnemiņ: “Nâņâc zâzâfic-nâņec moc bâfuapene fome kiņaņ qagarehuc junzepeniņ.” ² Iņuc mupie Amoņ ñicwofuņ Nahasi e zĩņuc jazawec: “Wiac zĩņuc ehuc ine ñoņehoc zâzâfic epemu: Zâņe-ņeņic fâreopoc i ripo-fârezepac. Iņuc ehuc Israe guru mimi bâfuacnezepac.” ³ Iņuc mume Jabesi haere micne jaņe dâņ zĩņuc bâtikiecnemiņ: “Go

30añ gie bapa 7 mana-nâretéc dâñ râepene Israe mâreñ sâckerâ razejec. Eme ñic moczi mi ñezic-nâpooemuó ine gore meo fefârenzepeneñ.”
4 Eme dâñ barambiñ ñic i jañe juku Saulore hae Gibea ira fisirâ biñedâñ i mupie ñic ñokac jañe manarâ mâretéc kiombiñ.

5 Eme Saulo e gieonec bulimakao ñicne jañere râpefunko warehuc kifânâñ manarâ muwec, “Ñic ñokac jañe wemo wiaczi weninuc ejareme kiongopien?” Inuc wiome jañe Jabesi haeonec jañere biñedâñ i âzâcnembiñ. 6 Âzâcnepie Anuture Mârozi basanañkeme mâretéc aaricke sâqorewec. 7 Aarickeme bulimakao jajahec jofarâ hezume feme dâkâne dâkâne Israe mâreñ sâckerâ baraniñte biñedâñ mumu ñic jañere meo râehuc zinuc muwec: “Moc e Samuehec nâhe mi bâjâpec-nâfome ere bulimakaofâc jañe ijaha ejarezo.” Eme Wofunte hâhâwiczi ñic ñokac jañerao fusucmame qurun herâ faharefârembiñ. 8 Eme Bezeki haeo biric-jopame Israe ñic jañere zare 300 tausen â Judaniç jañe ine 30 tausen inuc fuawec. 9 Eme biñedâñ barâ fisimbiñ jañe zinuc jazambiñ: “Ñone Jabesi-Gileade haeonec zinuc jazanzepien: ‘Tomâcko 30añ zâzâñiñ ehame ñoñerao aakic fuaocmu.’” Eme biñedâñ mumu ñic jañe risierâ biñedâñ bian jazapie Jabesi haeonec jañe manarâ bujenic biankewec. 10 Eme Jabesi haeonec jañe ñicwofun Nahasi zinuc âzâcnembiñ: “Nâñe tomâcko ñoñere meo fefârehapene ñone manañgopien sâc enârenzepien.” 11 Eme hae fureme Saulo e ñicfâc-ticne bâfuac-jopame guru

jahec â moc embinj. Guru jahec â moc epie rocjopame zoqachec jaha n̄afe furec hehec-jekicko râsi jan̄ere teun̄ko fisirâ Amoñjic hetâc qâtâc-jopakupie zoaŋ zâzâñij ewec. Eme jumbin̄ jaŋe siaŋ siperec qahuc wise-fârembinj.

¹² In̄uc fuame ñic ñokac jaŋe Samue zinjuc âzâcnembinj: “Weni jaŋe zinjuc mumbinj: ‘Saulozi ñicwofuñ sâcne junâreocmu me?’ Ñic i jaŋe jowac-jopa warepie qâhâmoc-jopanaŋ.” ¹³ In̄uc mupie Saulozi zinjuc jazawec: “Wofuñzi miñecgac Israe guruo aakic bâfuajecte zoaŋ zira ñic moc mi qâhâmozo.” ¹⁴ In̄uc mume Samuezi ñic ñokac zinjuc jazawec: “Nâñâc Giligali haeo rarâ ira ñicwofuñ-nâñecte dâñ mocwâc muhâmonzepen̄.” ¹⁵ In̄uc mume ñic ñokac jaŋe zen̄goma Giligali haeo rarâ ira Wofuñte maio Saulozi ñicwofuñ jujareocte âkendâñnembinj. Ehuc wama bâzi rikembinj. In̄uc ehuc Saulo â Israe ñic jaŋe mâretec zeri embinj.

12

Samuezi ñic ñokac dâñ jazawec

¹ Eme Samuezi Israe ñic sasawa zinjuc jazawec: “Manañgopienj, no dâññen̄ic sasawa nazambinj i manarâ ñicwofuñ moc âkendâñne-ñarepo. ² Eme zi ñicwofuñ e ñoñere micne bapa jukac hâcne. No ine ñicqizec â jañqâñ-nanehec, â ñokâ jahec-nane jahe ñoñehc mâmâc juñgopienj. Erâ no motec-naneonecteaŋ ñoñere micne juwarehuc jupozì jukopac. ³ No zi hâcne domakopac. Irec nore dâñ i me i moc bajañgopienjko ine Wofuñ â wokemaŋ ruac-ticne jahere maio mutaniñkeninj.

No ñic mocte bulimakao me donji wiac moc ropo? Me ñic moc râsi ecnehuc ro waha âte moc ecnepo? Me wiac hehesicne ehuc tinjuñne epemurâ bâbâmiriñ moneñ narepie mocte me-onec moc ropo me? Ñoñe i mutaniñke-nare-fârepie no mocwâc bârisie-ñarepemu.”⁴ Inuc mume jañe dân zĩñuc bâtikiecnembiñ: “Go ñic i me i moc ro waha âte ecnehuc wiac koşa eecne me meticnaonec wiac jâjâoc ro i moc mi emeñ.”⁵ Jañe inuc mupie Samuezi zĩñuc jazawec: “Ñoñe zoañ zira Wofuñ â wokemañ ruac-ticne jahere maio noraonec wiac moc mi bâfuañgopieñ irec jahe hâcne mumutaniñ-nâñec ekopirec.” Eme jañe mumbiñ, “Jahe hâcne mumutaniñ ñic jahec-nâñec.”

⁶ Mupie Samuezi ñic ñokac zĩñuc jazawec: “Wofuñ e Mose â Aroñ âkendân-jofarâ eacteme apa ñosafâc-ñeñic micne bajarehapire Aigita mâreñkonec wefumbiñ.”⁷ Irec fisi-fârepie Wofuñzi ñoñe â apa ñosafâc-ñeñic ñoñerao ee-bapa bian bâfua-ñare wareekac irec muc manac enzepeneñ.⁸ Jakobo â qâricfâc-ticne jañe Aigita mâreñko fisimbiñ, erâ ira juwefuhapie Aigita ñic jañe fific guguriñ ejarepie apa ñosafâc-ñeñic jañe Wofuñ kio wâwâsic ecnembiñ. Ehame Wofuñzi Mose â Aroñ eacteme jahe apa ñosafâc-ñeñic Aigita mâreñkonec jowac-jopa wefupic. Erâ ejarepire mâreñ zira hâcne fisirâ jumbiñ.⁹ Eme jañe sifu Wofuñ Anutu-jeñicte nkec-jopawec. Jañe Wofuñte nkec-jopame Wofuñzi Hazoro ñicwofuñ Jabiñte momori guru irec micne bapa, zâñene Sisera, ere meo râec-jopawec. Erâ

wâc Filisa ñic jañere meo â Moabi ñicwofuñte meo wâc râec-jopame jañehéc zika gie bambiñ. ¹⁰ Jañe iñuc ehuc Wofuñ kio wâwâsic ecnehuc ziñuc mumbiñ: ‘Nâñe Wofuñ go râpecguhuc Baali â Asitaroto nemu kiñañ qajarehuc sâqocne bamben, irec go sifu kisâfâc-nâñec jañere meonec batarac-nâpotec kiñañ qagarenzepeneñ.’ ¹¹ Iñuc mupie Wofuñzi Jeru-Baali, Baraki, Jefita â Simsoñ sorec-jopame jañe kisâfâc-ñejic ñifec â ñifec jumbiñ jañere meonec batarac-ñopapie ñoñe wamao juhâmombiñ. ¹² Ehame Amon ñicwofuñ Nahasizi ñoñe râsi fisi-ñareme honerâ Wofuñ e Fekicne juñare-bipieha ziñuc nazambiñ: ‘Aricne, sifu ñicwofuñ moczi soñañ-nâpozejec.’ ¹³ Eme ñicwofuñ rowosâehuc numunarembiñ e hâcne zi honeniñ. Wofuñzi e hâcne ñicwofuñ-ñejic juocte âkendâñe-ñarewec. ¹⁴ Eme ñoñe Wofuñ arañ bacnehuc dâñticne manarâ e sawa kiñañ qacnehuc sâcmutâc dâñticnere manrângeñ mi bâfuaniñmuo, erâ ñoñe â ñicwofuñ soñañ-ñopaekac e mâmâc Wofuñ Anutu-ñejic bâjâpehuc juniñmuo ine sâckeocmu. ¹⁵ Me ñoñe Wofuñ dâñticne mi manahuc sâcmutâc dâñticnere manrângeñ bâfuaniñmuo ine Wofuñte mezi ñoñe â ñicwofuñ-ñejic ñoñerao okac babazu gie baocmu. ¹⁶ Irec ñoñe nininjerâ domahuc Wofuñzi mâsi hâhâwicne zâñe fai-ñejicko bâfuaoocmu i honenzepien. ¹⁷ Damen zi padi qa roro damen. Eme no Wofuñtao mupe qun parandan â hoe ejareme fisipie ñoñe ñañac ñicwofuñ moc juñareocte muhuc Wofuñte zâñe faio wiac hehesicne sâko bâfuambiñ i hone mana

tarac enzepien.” ¹⁸ Samue e injuc murâ Wofuñ wâsickeme Wofuñzi zoañ ira quñ parandañ â hoe ejareme fisimbinj. Injuc fuame ñic ñokac jañe Wofuñ â Samue jahere arañ mâretéc bambinj.

¹⁹ Ehuc ñic ñokac jañe Samue zinjuc âzâcnembinj: “Kiñaññicfâcge nâñe hâmonzipenñe nâñere erâ Wofuñ Anutuge numucnec. Nâñe kiñnâñec sasawa ira zuhuckerâ ñicwofuñ moc junâreocte muhuc hehesic bâfuambenñ hâcne.”

²⁰ Injuc mupie Samuezi ñic ñokac zinjuc jazawec: “Mi hâwic-ñopaoc. Ñoñe kiñ sasawa bâfuambinj, erâ sifu Wofuñ mi râpeckehuc mañ hâcbuc jaha kiñañ qacnenzepienj. ²¹ Ñoñe wiac omane jañe sâcne mi bafic-ñopahuc ñezic-ñopaniñmu injucne jañerao mi sinjenzepienj. Wiac i jañe hâcne racne. ²² Wofuñ e zâñe biñe sâko-ticnere erâ maname sâckeme e jahacne ñicgurufâc moc bâfuac-ñopawecte sâcne mi beheç-ñopa sanañkeocmu. ²³ No ñoñere erâ nunumu gie bapa i mocwâc zuhuckerâ mi bapemuo ine Wofuñzi maname kiñsâkohec eocmu. Irec no wiac fâretinj â bianñe i ñaza ñowatuc ehuc jupemu. ²⁴ Ñoñe ine jañuñ fârihec mañ hâcbuc jaha Wofuñ arañ bacnehuc kiñañ qacnehuc junzepienj. Wofuñzi ñoñerao mâsi qârenñ hâhâwicne bâfuaekac irec hâcne manatâc qâtâc ehuc junzepienj. ²⁵ Ñoñe zuhuckerâ hehesicko huutuckeninjmuo ine ñoñe ñañacne â ñicwofuñ-ñeñic mâmâc ofañ-ñopazo.”

13

Filisa ñic jañehéc qaqaç embinj

¹ Saulo e ñicwofuñ juhame jara moc tarawec. Erâ zuhuckerâ Israe ñic jañere ñicwofuñ juhame jara jajahec ewec. ² Ehame Saulo e Israe ñic 3 tausen rowosâec-jopawec. Eme 2 tausen jañe e jahacnehec Mikimasi haeo â Bete tiki mârenko jumbiñ â 1 tausen jañe ine Jonatanhec Benjamin mârenko Gibeá haeo jumbiñ, â gâcne sâko jañe ine sorec-jopame hae-jeñic sâc rafârembiñ. ³ Eme Jonatanzi Geba haeo Filisa momori qâhâmoc-jopawec irec biñe i Filisa ñic jañe manambiñ. Eme Saulo e qeñ qame mâren sâcke-fârerâ rame muwec, “Hebiraio ñic ñoñe mananiñ.” ⁴ Eme Israe ñic jañe, Saulozi Filisa momori jopawec erâ Israe ñic nâñâcne zâñe biñezi Filisa ñic jañerao wawahane ewec, biñe iñuc manahuc hehefârec erâ Saulo bâfuaniñte Giligali haeo fisimbiñ.

⁵ Eme Filisa ñic jañe keretac 30 tausen â becâsicko rara ñic 6 tausen erâ momori guru dindiñ sâko hâwecmecko monñeñ fokac irec sâc jañe Israe ñic jañehéc qaçac eniñte birickembiñ. Ehuc ferâ Betawen hae zoañ wewefu-ticnao, Mikimasi haeo hâcne, ira teuñ âtembiñ. ⁶ Eme Filisa momori jañe somâc-jopazo embiñ, iñuc honerâ Israe ñic jañe qânâ hawecko â nombânko â qânâunko â zâñeruñ gufukicnao erâ opâ nombân rokiçnao soñke-fârembiñ. ⁷ Erâ wâc wiserâ Jordañ opâ fotâcnerâ Gade â Gileade mârenko rambiñ. Â Saulo e ine Giligali haeo juha ñic jañe qarac qarac qahuc erao fisimbiñ.

⁸ Saulo e Samuere damen bakicne irec sâc zoañ gie bapa 7 woñec juwec. Eme Samue e sifu

Giligali haeo biac mi fisiwecte ñic ñokac jañe Saulo beherâ sinşañ qafârembiñ. ⁹ Inuc honerâ Saulozi muwec, “Qowi bâzi â wama bâzi i norao bawarenin.” Inuc murâ qowi bâzi rikewec. ¹⁰ E qowi bâzi rikeme taraha izia Samuezi fisiwec. Fisime Saulozi bâfuarâ “zoañ bian” mucneocte rawec. ¹¹ Eme Samuezi wiocnewec: “Go wemo emec?” Mume Saulozi muwec: “No damen baticne irec sâcko mi fisitec ñic ñokac jañe behecnurâ sinşañ qambien â Filisa ñic jañe Mikimasi haeo birickembien i honerâ zinuc mupac: ¹² ‘No zi Wofuñ wira wâwâsic moc mi ecnehape Filisa ñic jañe Giligali haeo râsi fisi-nâreninmu ine.’ Inuc murâ sifu qowi bâzi rikepac.” ¹³ Inuc mume Samuezi zinuc âzâcnewec: “Go wiac mutucne emec. Wofuñ Anutugezi sâcmutâc dâñ gaza mutâc ewec i mi reñkemec. Go reñketec muzac Wofuñzi Israe mañnao uucmañge basanañkeme ranqa ranqa fozac hâcne. ¹⁴ Zi ine uucmañgezi zuhuckerâ mi foocmu. Wofuñ e mañticnezi ñic moc hone wosâc ewec. Go Wofuñzi dâñ mutâcne-garewec i mi reñkemente ñic e hâcne Israe ñicfâcne jañere micne juocte âkendâñnewec.” ¹⁵ Eme Samue e Giligali haeonec faharerâ Benjamin mârenko Gibeaa hae newec ira fewec.

Eme Saulo e jahacnehec jumbin ñic i jañe wosec-jopame zare-jeñic 600 ewec. ¹⁶ Eme Saulo e ñokâ-ticne Jonatan erâ ñic jahehec mâmâc jumbin jañe Benjamin mârenko Gibeaa hae newec ira ñeñe juju embin. Ehame Filisa ñic jañe Mikimasi haeo teñ âtembin. ¹⁷ Ehuc râsi fisi-jareninje guru jahec â moc embin. Ehuc guru moc jañe Ofira

haepec rahuc Suali mâreŋko fisimbiŋ, ¹⁸ â guru moc jaŋe Bete-Horoŋ haepec rambiŋ, â guru moc jaŋe ine mâreŋ burocnaopec Zeboim wâneŋ irec faicnao ma fokac irapec rambiŋ.

¹⁹ Eme Israe mâreŋko aenŋi wiac bapa ŋic moc mi juwec. I Filisa ŋic jaŋe Hebiraio ŋic aka hejarembiŋte aenŋi sându me zika wiac-jeŋic baniŋte hewâwâŋkemiŋ hâcne. ²⁰ Israe ŋic jaŋe giere wiac, kinonŋ sapac-jeŋic zâmuniŋte Filisa ŋic jaŋerao sawa bara jumbienŋ. ²¹ Eme kinonŋ sapac wiac zâmu-jarepie furine siliwa dâkâne jahaec râe jumbienŋ, â râric me bulimakao jâjâpec-jopa aenŋ dâkâne i zâmu bâpiaŋ ejarepie ine siliwa dâkâne 1 râe jumbienŋ. ²² Irec zika fuawec zoaŋ ira zika me sându wiac moc mi bajumbienŋ, Saulo â ŋokâ-ticne Jonataŋ jahe ine fojactewec. ²³ Eme Filisa ŋic jaŋe Mikimasi heâŋ i soŋaŋkeniŋte momori râec-jopambiŋ.

14

¹ Zoaŋ mocko Saulo ŋokâ-ticne Jonataŋ e ŋicmotec maro babaju-ticne ziŋuc âzâcnewec: “Waretec nâhâc tiki ocninuc Filisa momori juŋgopienŋ ira ranac.” E inuc raocte irec dâŋ mamac-ticne moc mi âzâcnewec. ² Saulo e dameŋ ira Gibeia hae mendâŋko binawec jâc fuŋnao boze-ticne ŋewec ira ŋeŋe juju ewec. Â ŋic 600 heririŋ jaŋe wâc ehac jumbienŋ. ³ Ehame Eli â Pinehasi jahere apa ŋosa Ahia e Ikabodore hahac Ahitubu ere ŋokâzi Silo haeo Wofuŋte taha bapa juhuc taha bapa ŋaqi rojuwec. Ehame Jonataŋzi rawec i ŋic moczi mi manawec. ⁴ Eme

Jonatanzi qânâ hârâc ñifec â ñifec domapic heân ira fisirâ fotâcne Filisa momori jañere teuñko raziocte gie sâko bawec. Eme qânâ hârâc moc irec zâñe Boseze â mocte zâñe ine Sene. ⁵ Eme qânâ hârâc moc izi faicpec Mikimasi hae maickerâ fe domawec â moczi ine juwicpec Geba hae maickerâ domawec.

⁶ Eme Jonatanzi maro-ticne bajuwec ñicmotec e ziñuc âzâcnewec: “Waretec nâhâc sahad tofa-ñenic mi hezucicne momori kecocni jañerao ranac. Wofuñzi nâhâcnere erâ sâcne mecne zika qaocmu. Wofuñ e ñic bocjaha me afecne jañehac ñeñezic gie baocce mi quñkeocmu.”

⁷ Eme ñicmotec maro babaju-ticne eki dâñ ziñuc bâtikiecnecnewec: “Manasu biric ekic sâc efârec. Manakic, go wiac manasukic sâc ecmu ijaha efârepemu.” ⁸ Inuc mume Jonatanzi zuhuckerâ ziñuc âzâcnewec: “Manakic, nâhâc fotâcnerâ ñic jañerao fisirâ fua-jarezeperec.

⁹ Fua-jarepere jañe, ‘Domakopirecko ijaha domahapire nâñe ñoherao fanañ,’ inuc wiac moc muninmuo ine nâhâc jañere mañfuñko mi rahuc domanacmu mâreñ ñonderñ ijaha domazeperec.

¹⁰ Â jañe, ‘Nâñerao wefunic,’ inuc moc muninmuo ine feranacmu. Jañe Wofuñzi nâhâcne meo râec-jopawec irec ma inuc hâcne fuaocmu.”

¹¹ Eme ñic jahe mâmâc jaha Filisa momori fua-jarepic. Fua-jarepire Filisa ñic jañe honec-jofarâ mumbin, “Honenin, Hebiraio ñic hawecko sonkerâ foengopienzi fuanḡopien.” ¹² Inuc murâ Jonatan â maro babaju-ticne jahe wira-jactehuc mumbin, “Nâñerao zira wefupire wiac moc

ņofatunaņ.” Inuç mupie Jonatanzi maro babaju-ticne zinuç âzâcnewec: “Ware napeç, Wofunzi Israere meo râec-jopawec hâcne.” ¹³ Inuç murâ Jonatan e hârâcko mezi babarâ feme maro babaju-ticne e wâc bâjâpewec. Eme fe fisizo ehapiçe Filisa ñic jaņe Jonatançe meo fefârembiņ. Ehame maro babaju-ticne e wâc bâjâpehuc jopawec. ¹⁴ Eme Jonatan â maro babaju-ticne jahe damen ira ñic zare-jeņic 20 heririņ jopapiçe ñic moczi mâreņ dâkâne mocko bokokoc takariņ bame foekac irec sâc forambiņ. ¹⁵ Ehame momori guru zikao jumbiņ jaņe â ñic ñokac guru sâko jaņerao hâhâwic sâko fuawec. Erâ momori teuņko râec-jopambiņ â zika qahuc domambiņ jaņe wâc hâwic-jopawec. Eme mâreņzi qiçiteckeme manjeņic gâckewec.

¹⁶ Ehame Benjamin mâreņko Gibe aha hae ñewec ira Saulore ñicfâc ruc bahuc ñembiņ jaņe fipie rame Filisa ñic jaņe rânđiņke qa ehuc tâtiepie honec-jopambiņ. ¹⁷ Eme mo ñiczi ñonden-jeņicko mi juwec i fuaocçe ñic wosec-jopaniņte Saulozi mujarewec. Eme inuç erâ honepie Jonatan â maro babaju-ticne jahe ira mi jupic. ¹⁸ Damer ira Anuture katapazi Israe ñic jaņehaç juwecçe Saulozi Ahia zinuç âzâcnewec: “Anuture katapa bawarezo.” ¹⁹ Saulo e taha bapa dâņ âzâcnehuc juhame Filisa jaņere teuņko maņ gogoroņzi boc qârâņkewec. Inuç honerâ Saulozi taha bapa zinuç âzâcnewec: “Behetec ñeoc.” ²⁰ Inuç murâ Saulo e jahacne â ñicfâcne jaņe aņara hehuc gasackerâ râsi jaņere teuņko rambiņ. Ehuc honepie Filisa ñic jaņe qâsifuc sâko ehuc jaņaczia qaçaç em-

biñ. ²¹ Eme Hebiraiio ñic gâcne Filisa ñic jañehec juwarembiñ â teunjo wâc mâmâc jumbiñ jañe ñerisierâ Saulo â Jonatan jañehec jumbiñ Israe ñic i jañerao zuhuckembiñ. ²² Ehame wâc Israe ñic tucne Eferaim tiki mâreñko sonkerâ jumbiñ jañe, Filisa ñic jañe wisengopien, biñe i manarâ fahare guru sâko jañerao zuhuckehuc zoqachec jaha Filisa ñic jopa jâpec ejarembiñ. ²³ Eme zoañ ira Wofunzi Israe ñic ñezic-jopawec â zikazi ine Betawen hae járurâ ocninucnao rawec.

²⁴ Saulo e zinjuc muhuc ñic ñokac jañerao mumupañ râewecte Israe ñic jañe boc betanjembiñ: “No râsifâc-nane okacne mi jarehape zoañ zira ñic moczi nânâ nâocmu e sâwechec eocmu.” Injuc mume Israe ñic moczi nânâ moc mi nâhunğankewec. ²⁵ Eme Israe ñic jañe kâte mocko rahuc mâreñko bañac fome honembiñ. ²⁶ Eme ñic jañe kâte ira fisirâ honepie bañac i qâñnaonec wahahuc fowec. Ehame ñic jañe mumupañte hâwic-jopawecte mo ñiczi moc rorâ nazac. ²⁷ Jonatan e ine mamac-ticnezi ñic dâñ jazawec i mi manawec. Ehuc gunu-ticne bajuwec izi bañac âke uarâ micticnao râewec. Injuc ehuc zâñe mai-ticnezi boc fie ruruckewec. ²⁸ Ehame ñic jañeraonec moczi zinjuc âzâcnewec: “Mamacgezi muac-nâpohuc zinjuc mujec: ‘Moc e nânâ nâocmuo ine sâwecte biñe eocmu.’” Injuc mujecte ñic jañe nânâre hâmorâ betañke sâqorembiñ. ²⁹ Eme Jonatanzi muwec, “Mamac-nane e ñic sipiric-ñopa-jâmbânkekac. Honengopien, no bañac piticne mac nâ honepac irec erâ zâñe mai-nane fie ruruckekac. ³⁰ Zoañ

zira ñic jañe râsifâc-jeñic jañere nânâ wiac rombien i rambañko nanzapin muzac sâckezac, eme Filisa ñic afecne mi jopanzapeñ.”

³¹ Eme Israe ñic jañe Filisa ñic Mikimasi haonec jopa jâpec ejare raku Ajalon haeo fisimbin. Ehuc ñic jañe boc betan̄kembin. ³² Irec Israe ñic jañe râsi jañere lama â bulimakao wiac mâreñ taniñnao qarâ socnehec nâmbin. ³³ In̄uc epie ñic gâcne jañe Saulo zin̄uc âzâcnembin: “Ñic jañe Wofun̄ sindan̄ ecnehuc qowi socnehec nân̄gopieñ.” In̄uc âzâcnepie Saulozi muwec, “I bahac, irec picpac jaha qânâ sâko moc norao qârândin̄kepie wareoc.” ³⁴ In̄uc murâ zin̄uc zuhuckerâ muwec: “Ñoñe ñic juran̄gopieñ sâc rarâ jazapie lama â bulimakaofâc-jeñic bacjopa fisin̄zepieñ. Eme moc e jahacne qowi i hezu rike nâc ezejec. Eme Wofun̄ sindan̄ ecnehuc qowi socnehec mi nân̄zepieñ.” Irec ñafeme ñic jañe qowifâc-jeñic bacjopa fisirâ mâreñ ira hezu rike nâc embin. ³⁵ In̄uc ehapie Saulozi fun̄kerâ Wofun̄te alata moc bawec.

³⁶ Ehuc Saulozi muwec, “Nân̄ac ñafeo hurâ Filisa ñic jopahuc mafa wiac-jeñic jowac ropene hae furezejec. Ñic moc mi akic-jopajâmbân̄kenzepeneñ.” E in̄uc mume ñic jañe dân̄ zin̄uc bâtikiecnembin: “Wiac manatec sâckekac sâc ezo.” Jañe in̄uc mupie taha bapazi muwec, “Nân̄ac qanan̄ zira Wofun̄ mai ecnenan̄.” ³⁷ Eme Saulozi Wofun̄ mu wioc ecnehuc muwec, “No Filisa ñic sâcne râsi fisi-jarepemu me? Go Israe ñic nân̄ere meo sâcne râec-jopacmu me?” Eme dameñ ira Wofun̄zi dân̄ okacne moc mi bâtikiecnewec. ³⁸ Eme Saulozi muwec, “Israe

micne sasawa ñoñe mai fua-fârepie bahac wena fokac i bâfuanzepeneñ. ³⁹ Wofuñ e jujâmbânkehuc Israe ñezickeekacte bahac i ñokâ-nane Jonatan̄tao fokacko hâmo-jâmbânkezejec.” Eme sifu ñic jañeraonec moczi micticnao moc mi rowec. ⁴⁰ Eme Saulozi Israe ñic zĩñuc jazawec: “Ñoñe ñifec â no â ñokâ-nane Jonatan̄ nâhe ñifec, iñuc domanzepeneñ.” E iñuc mume ñic jañe dâñ zĩñuc bâtikiecnembiñ: “Wiac manatec sâckekac sâc ezo.” ⁴¹ Iñuc mupie Saulozi Israe Wofuñ Anutu zĩñuc numucnewec: “O Israere Wofuñ Anutu, go wemocte dameñ zi kinãñicge no dâñ okacne mi bâtikie-narekomec? O Israere Wofuñ Anutu, kin̄ i no nahacnao me ñokâ-nane Jonatan̄tao fokacko ine irec ma moc fuazejec â Israe ñicfâcge jañerao fokacko ine ma moc fuazejec.” Iñuc mume qâsâi qapie Jonatan̄ â Saulo jahe âke fuac-jofawec, â ñic jañe ine kinfâsâc embiñ. ⁴² Eme Saulozi muwec, “Zi ine no â ñokâ-nane nâhere qâsâi qazo.” Eme iñuc epie Jonatan̄ âke fuawec.

⁴³ Eme Saulozi Jonatan̄ zĩñuc âzâcnewec: “Go wemo wiac emec i nazac.” Mume Jonatan̄zi dâñ zĩñuc bâtikiecnewec: “Jâmbomac, no gunu-nane bajupac irec botãñezi bañac piticne âke uarâ nâ honepac. No hâmoçemurâ zi domakopac. ⁴⁴ Iñuc mume Saulo e Jonatan̄zi hâmoocce mupañke-jâmbânkewec. ⁴⁵ Ehame ñic jañe Saulo zĩñuc âzâcnembiñ: “Jonatan̄ e Israe mañnao bâbâfirie gie sâko bahuc domajeczi jâmbomac hâmoocmu me? Jonatan̄ e zoañ zira Anutuhec zikao domajec, irec Wofuñ e

jujâmbânkekacte Jonatan̄te qizec susuc mocjaha mac moczi mâren̄ko moc mi wahazejec.” Eme ñic jañe Jonatan̄ ñezickembiñte mi hâmwec. ⁴⁶ Eme Saulo e Filisa ñic jopa jâpec ejareocte muwec i beherâ hae-ticnao risiewec. Ehame Filisa ñic jañe wâc hae mâren̄-jeñicko rafârembiñ.

⁴⁷ Saulo e Israe ñic jañere ñicwofuñ juwec damen̄ ira kisâfâc-ticne ñicguru zinjuczi ñifec â ñifec jumbiñ jañe râsi ejare-fârewec: Moabi, Amon̄ â Edom ñicguru erâ Zoba ñicwofuñ â Filisa ñic. E ira me ira rawec sâc imac-jopa-jâmbânkwec. ⁴⁸ E Ameleke ñic tâpiri-ticne jowatuhuc bawahac-joparâ Israe ñic ba imac ejarembiñ jañere meonec batarac-jopawec.

⁴⁹ Eme Saulo ñokâfâc-ticne jañere zâñe ine zinjuc: Jonatan̄, Isiwî â Malikisua. Â otâ jahecne jahere zâñe ine hahac-ticne Meraba â qoticne Mikali. ⁵⁰ Â Saulo ñonân̄-ticnere zâñe ine Ahinoam. E Ahimazire otâ. Â momorifâc-ticne jañere micne ere zâñe ine Abene. E Saulo mamac piic-ticne Nera ere ñokâ. ⁵¹ Kisi, Saulore mamac, â Abene mamac-ticne Nera jahe ine Abiele ere ñokâ jahec jupic.

⁵² Saulore damen̄ko Filisa ñic jañehc qaçac ee i ñemâcnea fowec. Irec Saulo e ñic tâpirihc â hâhâwic tâmiric jañe sasawa rocjoparâ e jahacnao zuhuc-jopawec.

15

Saulozi qaçatara bâfuawec

¹ Samuezi Saulo zinjuc âzâcnewec: “Wokeman̄ rua-garehuc Israe ñicfâc-ticne jañere ñicwofuñ

âkendângupemurâ Wofuñzi no hâcne sorecnuwec. Irec go Wofuñ dânticnere hazec râezemec. ² Anutu Tâpiri Qunqasañ Wofuñ e zîñuc mukac: ‘No Israe ñic jañe Aigita mârenkonec wefuhapie Ameleke ñic jañe râsi ejarembiñ irec tofa bazuzo manahuc jukopac. ³ Irec go rarâ Ameleke ñic zenğoma jopahuc wiac-jeñic sipiricke-fârezemec. Go ñic me ñokac, naru motec kâcçene â susuonec, erâ lama bulimakao â kamele erâ donğifâc-jeñic moc mi akic-jopahuc zenğoma jopa-fârezemec.’ ”

⁴ Inuc âzâcneme Saulozi ñic hefârec-joparâ Telaim haeo wosec-jopame Israe ñic kikezi rarane jañe 200 tausen embiñ, â Judaniç jañe 10 tausen embiñ. ⁵ Eme Saulo e Ameleke hae mocko fisirâ wânênko somâ râerâ fowec. ⁶ Fohuc Keniñic jañere dâñ râehuc zîñuc muwec: “Ñoñe Ameleke ñic beheç-joparâ wahanîñ. No jañe jopahuc ñoñe mâmâc ñopazipore biac faharenîñ. Israe ñic jañe Aigita mârenkonec wefuhapie ñoñe âgo ejarembiñ.” Inuc muhuc jazame Keniñic jañe Ameleke ñic beheç-joparâ rambiñ. ⁷ Jañe rahapie Saulozi Ameleke ñic Hawila haeo fuñkerâ jopa jopa raku Aigita mâren 30añ wewefu-ticnao Suru hae ñewec ira fisiwec. ⁸ Ehuc Ameleke ñic jañere ñicwofuñ Agage e qâricne rowec â ñicfâc-ticne ine zikazi jopa miziewec. ⁹ Eme Saulo â ñicfâcne jañe ñicwofuñ Agage akickehuc lama bulimakao â donği kâcçene me piticne wokemañ sâkohec i wâc akic-jopambiñ. Â wiac tâpiri tâmiric hone suñğîñ eene ine zenğoma omaec-jopambiñ.

¹⁰ Ehame Wofuñte dâñzi Samuerao zîñuc fisiwec: ¹¹ “No Saulo ñicwofuñ âkendâñnepo irec

busâqoc manakopac. E râpecnuhuc sâcmutâc dâñnane qâsuakac.” Injuc mume Samue e busâqoc sâko manarâ ñafe zora i Wofuñ kio wâwâsic ecnewec. ¹² Eme hae fureme Samuezi Saulo bâfuaocete uupictea faharewec. Fahareme zinjuc âzâcnembiñ: “Saulo e Karamele tikio fisirâ maticne âkendâñnehuc fotâcne Giligali haeo hujec.” ¹³ Eme Samue e Saulorao ra fisime âzâcne muwec, “Wofuñte jambuñ faigao fezejec. No ine Wofuñte mumupañ dâñ reñkepac.” ¹⁴ Mume Samuezi muwec, “Eme lamare owazi hazec-naeo qağazukac â bulimakao marac fânâñ tinac manakopac i wemo?” ¹⁵ Mume Saulozi muwec, “I Ameleke ñic jañeraonec bacjopa warembien, ñic jañe lama bulimakao bianñe moc moc Wofuñ Anutuge taha bâzi rikecneninñte bâwosâec-joparâ akic-jopambien, gâcne sâko imac-jopapene omatac fuajec.” ¹⁶ Eme Samuezi Saulo âzâcnewec, “Go dâñ beheç, ehame Wofuñzi ñafe zira dâñ nazajec i gazape.” Mume muwec, “Muc.”

¹⁷ Eme Samuezi muwec, “Gahacne manatec pitiwaha Israe kikefuñ gurune gurune jañere jâcne mi ekomec me? Wofuñ e Israe ñic jañere ñicwofuñ jucmurâ wokemañ rua-garewec i! ¹⁸ Erâ giedâñ moc mugarehuc zinjuc muwec: ‘Go rarâ sâqocne bapa, Ameleke ñic hâcne, jopaku jopa miziezemec.’ ¹⁹ Eme Wofuñte dâñ i wemocte mi reñkemec? Wemocte râsi jañere wiac bâuahuc Wofuñzi wiac hone gâpâreekac i emec?” ²⁰ Injuc mume Saulozi Samue zinjucâzâcnewec: “No Wofuñte dâñ reñkehuc gie munarewec i bapac, no Ameleke ñic jañere ñicwofuñ Agage barâ

warepac, no Ameleke ñic jopa miziepac. ²¹ Ehame ñic jañe ine râsi jañere wiac imacke-fârezo mukicne irecnec lama â bulimakao bianne moc moc akic-jopambien, ine Wofuñ Anutuge Giligali haeo taha bacnezo muhuc embien.” ²² Eme Samuezi muwec,

“Wofuñ e bâzi ririkecnere â taha babacnere añaç focnekac,
añaç izi dâncticne rerenkere añaç irec sâc ekac me?

Mâcne, dân rerenzi taha bapa jâuru-fârekac,
â hazec hâriczi lama ñicnere wokemañ sirick-ekac.

²³ Dân qaqtara i hafec qañgec irec sâc jaha ekac,
â mañ rângeñzi hehesicte â nemuqân baba-jure sâc ekac.

Goki Wofuñte dân qikiñnec,
irec eki qikiñguhuc ñicwofuñ gie gowac rokac.”

²⁴ Eme Saulozi Samue âzâcne muwec, “No Wofuñte mumupañ â gore dân huckehuc kiñ bahac bâfuapac, i ñic jañere hâwicnume dânjenic renkepacte iñuc epac. ²⁵ Eme zi numu-garekopac, kiñnane beherâ waretac risienac, eme Wofuñ taha nunumu ecnepe.” ²⁶ Mume Samuezi âzâcnewec, “No gohec mi risiepemu, go Wofuñte dân qikiñnecete eki go qikiñguhuc Israe ñicguru jañere ñicwofuñ mocwâc juju i gowac rokac.”

²⁷ Samue e iñuc murâ raocte forisiehame Saulozi ñaqi-ticne tofanao rohame suckewec. ²⁸ Eme Samuezi ziñuc âzâcnewec: “Ûoañ zira Wofuñzi Israere uucmañ i gore meonec bârâriekac. Erâ ñic bianne moc sâc sirickekac e râcneocmu.

²⁹ Erâ Israere Tâpiri Qunqasaŋ Rune e eeatuc me maŋ bâbârisie i mi focnekac. E ŋic aricne, irec we-mocko maŋne risieocmu.” ³⁰ Eme Saulozi muwec, “No bahac bâfuapac, erâ ine sifu ŋicfâc-nane soŋaŋfâc-jeŋic jaŋere maio â Israere maio mananaretec sâckeme nohec risienac. Erâ no Wofuŋ Anutuge numu hefârec ecnezepac.” ³¹ Eme Samuezi Saulo bâjâpeme rapic. Erâ Saulozi Wofuŋ numu hefârec ecnewec.

³² Eme Samuezi muwec, “Ameleke ŋicwofuŋ Agage e zira norao jowa wareniŋ.” Iŋuc mume Agagezi hâhâwic tâmiric Samuerao fisiwec. Ehuc muwec, “Hamoc hâtâne e rârâŋne-jâmbânkekec.” ³³ E iŋuc mume Samuezi muwec, “Zikagezi ŋokac qâric tâmiric hufiŋne bacjopawecte neŋgocge e ŋokac jaŋere ŋondenko qâric tâmiric jaha juzejec.” Iŋuc murâ Samuezi Giligali haeo Wofuŋte maio Agage hetâc qâtâcneme fewec.

³⁴ Eme Saulo e Gibeia hae-ticnao rawec â Samue e wâc Rama haeo risiewec. ³⁵ Eme Samue e Saulo mocwâc mi hohone juhame Saulore hâmoc dameŋ maickewec. Erâ sifu Samue e Saulore ki mamakuc ewec. Ehuc Wofuŋ e Saulo Israe ŋic jaŋere ŋicwofuŋ âkendâŋnewec irec busâqoc manawec.

16

Samuezi Dawidi wokemaŋ ruacnewec

¹ Wofuŋzi Samue ziŋuc âzâcnewec: “Saulo e noni Israe ŋic jaŋere ŋicwofuŋ mi juocete hone suŋgiŋ ecnepo, irec go wemocete dameŋ zora ere busâqoc manahuc jukomec? Go bulimakao zuŋenaŋ wokemaŋ qoŋgiŋketec hume rac. No

Betelehem ñic Isairao sorecgukopac. No nahac ñokâfâc-ticne jañere ñondenñkonec ñicwofuñ moc rowosâepo.”² Eme Samuezi muwec, “No wenijuc rapemu? Rape Saulozi biñe manarâ nuocmu.” Mume Wofuñzi muwec, “Go bulimakao motecne moc rorâ rahuc zijuc muzemec: ‘No Wofuñ taha bacnepemurâ warekopac.’”³ Erâ taha bacmu dameñ ira Isai wâc hefârezemec. Eme no ira wiac wenijuc ecmu i gowatupemu. Erâ ñic moc gowatupe nore biñe wokemañ ruacnezemec.”⁴ Eme Samue e Wofuñzi mutâcnecnewec irec sâc erâ Betelehem haeo ra fisiwec. Ra fisime hae irec soñañ jañe hâwic-jopame zocnehec erao fisirâ mumbiñ, “Go wemocte warekomec? Wiac sasawa sâcne me?”⁵ Wiopie Samuezi muwec, “Sâcne. No Wofuñ taha bacnepemurâ warekopac. Ñoñe mañ sañac-ñenñic emasañkerâ nohec taha bazo ranañ.” Eme Samue e Isai â ñokâfâc-ticne jañerao eemasañ gie barâ taha baniñte hefârec-jopawec.

⁶ Eme jañe fisipie Samuezi Eliaba honerâ zijuc manasuwec: “Wofuñte maio fuakac ñic zi hâcne ñicwofuñ juocte wokemañ ruacnezo.”⁷ Ehame Wofuñzi Samue zijuc âzâcnewec: “Go sañac hawari-ticne â zoñora-ticnere sawa boc mi fic. No ere mi enarekac. Wofuñ no ñiczi honeekac iñuc mi honeekopac. Ñiczi sañac hohone sawa â Wofuñ noni ine mañ hohone.”⁸ Eme Isaizi Abinada hefârehuc ecneme Samuerao fuawec. Fuame Samuezi muwec, “Wofuñ zi wâc mi rowosâewec.”⁹ E iñuc mume saizi Sama ecneme Samuere maio fuame muwec, “Wofuñzi e wâc mi rowosâewec.”¹⁰ Eme Isai e ñokâfâcne 7 jañe ejareme Samuerao

fua-fârembiņ. Eme Samuezi Isai zinjuc âzâcnewec: “Wofunzi keci jaņe mi rowosâec-jopawec.” ¹¹ Erâ Isai zinjuc muhuc wiocnewec: “Ņokâfâcge zi sawa me?” Mume Isaizi muwec, “Zâhec motec jâmbâņ e jukac, erâ e ine lama soņaņ-jopahuc jukac.” E injuc mume Samuezi zinjuc âzâcnewec: “Kiņaņ sorec-jopatec ra jowa wareniņ. Eki zira fisime jaha waha űenaņmu.” ¹² Eme Isaizi kiņaņ sorec-jopame ra jowa warembiņ. Dawidi e zâņe mai-ticne â saħac hawari-ticne i bianņe jâmbâņ. Eme Wofunzi muwec, “Ajoc, űic zi hâcne wokemaņ ru-acnec.” ¹³ Eme Samuezi wokemaņ zunņe i rorâ hacfac-ticne jaņe honeħapie Dawidi ruacnewec. Ehame Wofunņte Mârozi damaņ ira hâcne funķerâ tâpirihec neņgoc űesiņ ecnewec. Eme Samue e faharerâ Rama haeo risiewec.

Dawidizi Saulore maio gita qahuc juwec

¹⁴ Ehame Wofunņte Mârozi Saulo beheme Wofunzi mâro sâqocne moc manacneme damaņ sâc ba imac ecnehuc juwec. ¹⁵ Injuc ecnehuc jume kiņaņ qaƣafâc-ticne jaņe zinjuc âzâcnembiņ: “Manakic, zi Anutuzi mâro sâqocne moc ecneme eki ba imac egarehuc jukac. ¹⁶ Irec bomboņ-nâņec, go kiņaņ qaƣafâcge juņgopeneņ zi nâņe enâretec gita qaƣa saric űic moc bâfuananņte babasa gie banzepeneņ. Eme Anuturaonec mâro sâqocnezi gorao fuame űic eki gita qame go mocwâc bianķecmu.” ¹⁷ Injuc mupie Saulozi kiņaņ qaƣafâc-ticne zinjuc jazawec: “Ņoņe űic moc gita qaƣa saric e bâfua-narerâ norao jowa wareniņ.” ¹⁸ E injuc mume kiņaņ qaƣafâc-ticne jaņeraonec űic moczi dâņ zinjuc bâtikiecnec: “Manakic,

no Betelehem ñic moc zâñene Isai ere ñokâ moc honeekopac. Ñic e gita qaqa saric. E ñic tâpirihéc â zikafac, e dâñ mumu-ticne i biane, erâ wâc sahaç hawari-ticne biane. Erâ Wofunzi ehéc jukac wâc.” ¹⁹ Irec Saulozi Isairao kiñañ sorec-jopahuc muwec, “Ñokâge Dawidi lama soñañ-jopahuc juekac e râe-naretec wareoc.” ²⁰ Eme Isai e donji moc rorâ poroñ â wainj zopo moc, erâ noniñ motecne moc, inuç ñokâ-ticne Dawidizi Saulorao baraocte râewec. ²¹ Eme Dawidi e Saulorao fisirâ kiñañ gie-ticne funkewec. Ehame Saulozi ere boc ecneme maro babaju-ticne erâ juwec. ²² Eme Saulozi Isai dâñ râecnehuc zinuç muwec: “Dawidi e norao juzejec. No ere mâretéc añacnu sâqorekac.” ²³ Eme dameñ sâc Anutuzi mâro sâqocne ecneme Saulorao fuame Dawidizi gita-ticne rorâ qajujec. Inuç eme mâro sâqocnezi Saulo beheme mana añac ehuc biane juwec.

17

Dawidizi Goliata qawec

¹ Filisa ñic jañe momorifâc-jeñic rocjoparâ Juda mâreñko Soko haeo tumañnemiñ. Ehuc Efe-Damim mâreñko Soko â Azeka hae ñepic jahere ñondeñko teuñ âtembiñ. ² Ehame Saulo â Israe ñic jañe wâc inuç jaha tumañnerâ Ela wânenko teuñ âtembiñ. Ehuc Filisa ñic jañehéc zika qaniñte zawiemiñ. ³ Eme Filisa ñic jañe tiki ñifec â Israe ñic jañe tiki ñifec inuç jumbiñ, â ñondeñ-jeñicko ine opâwâc fowec. ⁴ Ehame Gati haeonec momori ñic zoricne zora moc, zâñene Goliata, e Filisa ñic jañere teuñkonec warewec.

E 303ora-ticne i 9 fit jâuruwec. ⁵ E duticne herâ juwec i aej bâbâronzi bakicne â maro-ticne i aej bâbâronzia bakicne. Eme irec nemâc i aej bâbâronj dâkâne 5 tausenj irec sâc. ⁶ Erâ kike-ticnere fonj i aej bâbâronzia bakicne â sându-ticne hâpowec i wâc aej bâbâronzi bakicne. ⁷ Sându irec kikene i meombânj injucne, â micticne i aejzi bakicnere nemâc-ticnezi 600 ewec. Eme maro babaju-ticnezi bâniecnewec. ⁸ Eme Goliata e domahuc Israe momori owackejarehuc muwec, “Nõje wemocte zika qanijte warembiej? No Filisa njic, â nõje Saulore kijanj qaqaqâc. Irece nõje njanjac njic moc bâwosâepie norao wahaoc. ⁹ Eme nâhe qaqaqac ehuc eki sâcne nuocmuo ine nâje njõjere kijanj qaqaqâc enzepenenj. Â noni 30qac erâ e bawahahuc qâhâmopemuoinene njõje nâjere kijanj qaqaqâc ehuc kijanj qanârenzepienj.” ¹⁰ Erâ zuhuckerâ muwec, “No 30anj zira hâcne Israe momori njõje hesuac-nopakopac, njõje njic moc râe-narepie wahame nohec qaqaqac enac.” ¹¹ Mume Saulo â Israe njicfâcne jaje Filisa njiczi dânj muwec i manarâ mâretec hâwic-jopame qurutuambinj.

¹² Efarata njic moc juwec zânjene Isai, e Juda mârenjko Betelehem hae njewec irecnece, njokâfâcne 8 jumbinj, eme moc i Dawidi hâcne. Eme Saulore damenjko Isai e jara bocjaha bazurâ njicqizec ewec. ¹³ Eme njokâfâc-ticne mârâc fufua jahec â moc jaje Saulo bâjâperâ zikao rambinj. Eme njokâfâcne jahec â moc zikao rambinj jaje fuambinj sâc ine zinuc: Eliaba, Abinada â Sama. ¹⁴ Dawidi e motec zâcne jâmbânj â mârâc motec

jahec â moc jaņe ine Saulo bâjâpembij. ¹⁵ Dawidi e ine Saulohec juhuc mamac-ticnere lamafâc soņaņ-jopaocte Betelehem haeo rac warec ehuc juwec. ¹⁶ Eme Filisa ņic e zoaņ gie bapa 40 irec maņnao ņafe zoaņ mai fuarâ doma jujec.

¹⁷ Eme Isaizi ņokâ-ticne Dawidi ziņuc âzâcnewec: “Hahacfâcge jaņere jacgoņ zegoc zakicne he moc â poroņ 10 zi rorâ bâruņ jaha teuņ-jeņicko rac. ¹⁸ Erâ wâc bulimakao susure wokemaņ râqâcne foņ 10 zi micne-jeņicte barazemec. Ehuc hahacfâcge honec-jopac, jaņe sâcne juņgopieņ me mâcne i hone manac erâ ware nazatec manazepac.”

¹⁹ Eme Saulo â Dawidire hahacfâc, erâ Israe momori sasawa jaņe Ela wâneņko juhuc Filisa ņic jaņehec qaqac embij. ²⁰ Ehame Isaizi mutâcne newec irec sâcko Dawidi e furic uupicte faharerâ mamacnere lamafâc i soņaņ moctao guruc-joparâ nânâ bâmockekicne i rorâ rawec. Raku momori jaņe zikao raniņte aņara hehuc faharepie teuņko fisiwec. ²¹ Ehame Israe ņic â Filisa ņic jaņe ņifec â ņifec birickembij. ²² Eme Dawidi e wiac bajuwec i nânâ mafa soņaņ juwec erao guruckerâ hahacfâcne bubiaņ dâņ jazaocte birickerâ domambij jaņerao gasackerâ rawec. ²³ Rarâ jaņehec dâņ dâņ ehuc domahame Filisa ņic Gati haeonec, momori sâko zâņene Goliata e Filisa jaņere guruonec faharerâ mai domahuc dâņ muwec ijaha muhame Dawidizi manawec.

²⁴ Eme Israe momori jaņe ņic e honerâ boc hâwic-jopame wise-fârembij. ²⁵ Ehuc mumbij, “Ņic keci honeņgopieņ, e zoaņne zoaņne fahare

domarâ Israe ñic hesuac- nâpo-jâmbânkeekac. Eme moc e ñic keci qaocmu e ñicwofunzi wiac bafehuc tahackerâ otâ-ticne wâc râneocmu. Ehuc wiacfâc-ticne jañe Israe guruo sañac taha wiac mi râehuc mâc juniñte mana-jareocmu.”

²⁶ Inuc mupie Dawidizi ñic gâcne ehec domambin jañe zinuc wio-jarewec: “Filisa ñic keci qahuc Israe guruo mimi qaqa fuakac i bârârieocmu ñic inucne e weninuc ecnezo? Filisa ñic sañac tofa-ticnao mi hezukicne e weninucne irec Anutu jujune ere momori guru hesuac-nâpoekac?” ²⁷ Dawidi e inuc mume ñic jañe dân bânâni mumbin ijaha bâtikiecnehuc mumbin, “Ñic keci qaocmu e inuc hâcne ecnezo.”

²⁸ Ehome Dawidizi ñic dân jazahame mârâc hahac-ticne Eliaba e manarâ mâretéc aarick-eme zinuc âzâcnewec: “Go wemocte wahamec? Erâ lama jañec mac jañe mâreñ burocnao mozi soñañ-jopahame beheç-joparâ wahamec? Go manje sâqocnezi weninuc mankehuc wahamec i manakopac. Go zika honecmurâ sawa wahamec hâcne.” ²⁹ E inuc mume Dawidizi muwec, “No wemo wiac epac, no dân sawa mupac.” ³⁰ Inuc muhuc râpeckerâ moctao forisierâ dân âzâcneme ñic jañe dân ijaha bâtikiecnembin.

³¹ Eme Dawidizi dân muwec i jañe manafârerâ Saulo binan bacnembin. Eme eki Dawidi hefârewec. ³² Eme Dawidizi Saulo zinuc âzâcnewec: “Go manje mi wahaoc, no rarâ Filisa ñic keci qapemu.” ³³ Inuc mume Saulo e Dawidi dân zinuc bâtikiecnewec: “Go rarâ Filisa ñic e sâcne mi qacmu, go motec qâri â e ine motec-ticnaoa zika qaku manje ewec.” ³⁴ Inuc mume Daw-

idizi dâñ zîñuc bâtikiecnawec: “Bombon-nane, no mamac-nanere lama soñon juekopac. Ehuc laion me bea moczi sapao fisirâ lama motecne moc rorâ wiseme ³⁵ no jâperâ gowi i micticnaonec batararâ bârisieekopac. Inuc ehape no nahacnao risieme meczâwâ-ticnao rorâ qâhâmoekopac. ³⁶ Laion me bea jañe inuc hâcne ehuc qâhâmoc-jopaekopac kinonñicge no Filisa ñic sa hac tofa-ticnao mi hezucicne keci e Anutu jujune ere momori guru boc musorin-nâpokacte laion â bea ecneekopac sâc ijaha ecnepemu.” ³⁷ Dawidi e inuc murâ zuhuckerâ muwec, “Wofun e laion â bea jahere me zârâickonec bataracnuekaczi Filisa ñic keci ere meonec sâcne bataracnuocmu wâc.” Inuc mume Saulozi zîñuc âzâcnawec: “Sâcne rac. Eme Wofunzi baficguzejec.” ³⁸ Inuc murâ e jahacne maruku hecneme huwec, erâ aen bâbâronzi du bakicne i hecneme huwec wâc. Erâ aenzi ñaqi bakicne i mâmâc hecneme huwec. ³⁹ Erâ irec fainao zika-ticne râcnawec. Eme Dawidi e wiac inucne moc mi bajuwecte wiac izi kimâmâckewec. Eme irec Saulo zîñuc âzâcnawec: “No wiac zi mi bajuekopacte ihec sâcne mi rapemu.” Inuc murâ hetara-fârewec. ⁴⁰ Ehuc gunu-ticne rorâ hu opâonec qânâ jomicne memoc wosâerâ ro heticnao ñiewec. Erâ tacbañ-ticne barâ Filisa ñic maickehuc rawec.

⁴¹ Rame Filisa ñic e inuc jaha maro babaju-ticnezi bâniecnehamo Dawidi maickehuc warewec. ⁴² Ehuc zâñe fime wareme Dawidi honerâ manacneme wahawec, wiac e motec qâri, erâ sa hac bâron â kereñ bareñe. ⁴³ Eme Filisa ñic e Dawidi âzâcne muwec, “No qâto me,

irec norao qaruchec warekic?” Erâ nemu-ticnere zâñe muhuc Dawidi sâwecdân âzâcnewec. ⁴⁴ Erâ moc zîñuc âzâcnewec: “Waretec biucge sawa wipe â qowi mimicne jarepe nâniñ.” ⁴⁵ Eme Dawidizi Filisa ñic âzâcnewec, “Go sâqe zora â damu â tubachec warekomec, no ine Tâpiri Qunqasañ Wofuñ, erâ Israe momori guru, musoriñ-jopamec hâcne, jañere Anutu ere zâñeo fâkopac. ⁴⁶ Miñecgac Wofuñzi nore meo râecguocmu, eme noni qârândiñgurâ qizecge hetâcnepemu, erâ zoañ kecziira Filisa momori guru qânqânñfâc-jeñic sawa wipe â kâte qâto mimicne micjeñicko râec-jopapemu, eme mâreñ sâc ñic jañe Israe kikefuñ Anutu jujarekac i mana-fârenzepien. ⁴⁷ Erâ wâc tumañnerâ juñgopien ñic sasawa zi jañe zîñuc honenzepien: Wofuñ e damu zika tâmiric râsi sâcne jopaocmu, zikao sasanañ â dodocke i Wofuñte meo fokacte eki menâñecko râec-ñopaocmu.”

⁴⁸ Eme Filisa ñic e Dawidi bâfuaocce wareme Dawidizi Filisa ñic maickehuc zikare tomao gasacke rawec. ⁴⁹ Erâ mene kânõñ-ticnao esorierâ qânâ moc rorâ tacbañ qame ra Filisa ñic mainao hewec, herâ mai siecne henzañneme waha qarâ bufofac fowec.

⁵⁰ Ine Dawidi e Filisa ñic tacbañ â qânâzi qârândiñkerâ hâmocne qawec hâcne, menao zika moc mi fohame. ⁵¹ Erâ ine gasacke rarâ Filisa ñic mañfuñnao fisirâ sâqe zora-ticne becsahackonec unuckerâ âke hâmorâ qizec-ticne hetâcnewec. Filisa ñic jañe ine kâcçene-jeñic arictac eme honerâ hâwic wisembiñ. ⁵² Ehame Israe ñic â Judaniç

janje fahare ançara hehuc jopa jâpec ejare raku Gati haeo fisirâ fotâcne raku Ekoronj haere sacmotâcko fisimbiñ. Eme Filisa ñic jopakicne janjere qâñqâñ i Saraïm haeonec funjerâ fohapie raku Gati â Ekoronj haeo fisiwec. ⁵³ Eme Israe ñic janje risierâ râsi janjere teunj hetâtiehuc wiac gâcne fiuc bawisembiñ. ⁵⁴ Eme Dawidizi Goliatare qizec i Jerusalemko barawec â zikare wiac-ticne ine e jahacne bozeo beheme ñewec.

⁵⁵ Saulo e Dawidizi Filisa ñic qaocete rame honerâ momori janjere micne zâñene Abene e zinjuc wiocnewec: “Abene, ñicmotec keci more motec?” Injuc wiome Abenezi muwec, “Ñicwofunj-nane, no wâc mi manakopac.” ⁵⁶ Mume ñicwofunji muwec, “Ñicmotec e more motec i mu wioc etec fuaoc.” ⁵⁷ Eme Dawidi e Filisa ñic qarâ qizec-ticne rorâ risiehame Abenezi Saulorao jowa rawec. ⁵⁸ Rame Saulozi wiocnehuc muwec, “Kogoc, go more motec?” Wiocneme Dawidizi dânj zinjuc bâतिकecnewec, “No Betelehem haeonec kinjanjicge Isaire ñokâ.”

18

Jonatanzi Dawidihec zâzâfic epic

¹ Eme Dawidi e Saulo dânj injuc âzâcne tarama Jonatanzi Dawidire ecneme manjicne erea boc domawec. ² Saulozi injuc honerâ zoanj ira sakareme juhuc mamac-ticnerao mocwâc mi risiewec. ³ Jonatanj â Dawidi jahe jahacnere boc ejaetewec irec sâc manji zâzâfic ehuc hehezakiec epic. ⁴ Ehuc Jonatanzi ñaqi rojuwec i hetararâ Dawidi râcnewec. Erâ maruku â zika â tepe â

umbika-ticne i mêmâc râcnewec. ⁵ Eme Saulozi Dawidi zikao ira me ira soreme rajujec i fârinehec ejujec. Injuc eme honerâ Saulozi momori janere micne âkendânnewec. Âkendânne nîc omane jaje ere manapie sâckewec â Saulore fekickefâc jaje wâc injuc jaha manapie sâckewec.

Saulozi Dawidi kisâ ecnewec

⁶ Dawidizi Goliata qarâ haeo risiehame momori jaje wâc haeo risiembiñ. Risiehapie ñokac jaje Israe hae sâc irecnec warembiñ. Ehuc gae wowo ñokac jaje zeri ehuc wonğân-jenîc qahuc gae woworâ ñicwofuñ Saulo bâfuaniñte rambiñ.

⁷ Ehuc ñokac jaje bubianko gae zinjuc hembiñ:

“Saulozi ñic 1 tausen jopawec
â Dawidizi ine 10 tausen jopawec.”

⁸ Eme Saulo e irec mâretec aarickewec â dân izi erao mi sâckewec. Eme zinjuc muwec: “Jaje Dawidizi ñic 10 tausen jopawec muñgopien â nore muñgopien, e 1 tausen sawa jopawec. Eme zi ñicwofuñ âkendânneñmu hâcne.” ⁹ Injuc murâ zoañ ira hâcne fuñkerâ Dawidi kisâ ecnehuc hone jâjâpehuc juwec.

¹⁰ Ehame hae fureme Anutuzi mâro sâqocne moc ecneme Saulo sakionkewec. Injuc ecneme mañne sifuckeme ficticnaoa dân kosa barasa wosewec. Dawidi e zoañne zoañne ejujec injuc jaha gita-ticne qahame wiac injuc hâcne fuawec. Saulo e ine sându-ticne barâ ñewec. ¹¹ Eme Saulo e sându i zinjuc muhuc wickewec: “No Dawidi sâpeo âke kindenpepe domazejec.” Muhuc wickewec. Eme Dawidizi bâricnehame arec jajahec ewec.

¹² Wofuñ e Saulohec juweczi e beherâ Dawidi dope hutuñ ecnewec i honerâ Saulozi Dawidire hâwickewec. ¹³ Irec ficticnaonec bârârierâ momori 1 tausen jañere micne âkendâñnewec. Inuc ecneme Dawidi e rarâ ñic micne bajarewec. ¹⁴ Micne bajareha Wofuñzi bafickeme wiac sasawa ewec i moc mi ririwec. ¹⁵ Dawidi e wiac sasawa eme sâcke-fârewec i Saulozi honerâ ere mâretec hâwicke sâqorewec. ¹⁶ Eme Israe ñic â Judañic jañe ine Dawidizi zikao micne bajarerâ bânîe-jarehuc juwec irec erea boc ejarewec.

¹⁷ Eme Saulozi Dawidi zinuñc âzâcnewec: “Zi mârâc otâ-nane Meraba e hâcne ñonânge eocte garepemu. Mâc, go ine nore erâ hâbi hâro jaha juhuc zika qazemec.” Saulo e zinuñc mañkehuc dâñ i muwec: “No sifu mi qazepac, Filisa ñic jañe sâcne qanzepien.” ¹⁸ Mume Dawidizi dâñ keczinuñc bâtikiecnnewec: “No mo ñic fekiecne â mamac-nanere garikinñac jañe Israe mañnao zâñe biñehc wena juñgopien irec noni ñicwofuñte kimo epemu?” ¹⁹ Eme Saulore otâ Meraba e Dawidi râcnenzapiñ damenko ine rorâ Maholati ñic moc zâñene Aderiele e râcnembiñ.

²⁰ Ehame Saulo otâ-ticne moc zâñene Mikali e Dawidire mañne domawec. Eme i Saulo mu-fuacnepie maname sâckewec. ²¹ Ehuc zinuñc mañkewec: “No e râcnepe eki bitin-ticne eme Filisa ñic jañe qanzepien.” Irec Saulozi mocwâc Dawidi zinuñc âzâcnewec: “Go kimo-nane.” ²² Inuc murâ kiñañ qaqañacne zinuñc jazawec: “Ñone gâmbunko Dawidi zinuñc âzâcneniñ: ‘Manacic, ñicwofuñ e gore maname sâckekac â kiñañ qaqañacne nâñe wâc gore boc enârekac. Irec

go ñicwofunṭe kimo ezemec.’” ²³ Eme Saulore kiṅaṅ qaṅafâc jaṅe dâṅ i Dawidi âzâcnembiṅ. Âzâcnepie dâṅ ziṅuc bâtikie-jarewec: “Ñoṅe manapie ñicwofunṭe otâ roro i wiac afecne ekac me? I ñic hapetac â waha qaṅane no iṅucnezi sâcne eene me?” ²⁴ E iṅuc mume Saulore kiṅaṅ qaṅafâc jaṅe Saulorao risierâ Dawidizi dâṅ muwec i âzâcnembiṅ. ²⁵ Âzâcnepie Saulozi dâṅ ziṅuc bâtikie-jarewec: “Dawidi ziṅuc âzâcneniṅ: Ñicwofunṭe e râsifâc-ticne okacne jarehuc Filisa ñic 100 jaṅere saṅac tofa masunezi ñokac furi eocte sawa manasukac.” Saulo e Dawidi qaisockehuc Filisa ñic jaṅere meo hâmoocne manasuwec hâcne. ²⁶ Eme Saulo kiṅaṅ qaṅafâcne jaṅe Saulozi dâṅ muwec i Dawidi binaṅ bacnembiṅ. Binaṅ bacnepie mâsi iṅuc ehuc ñicwofunṭe otâ rozo irec maname sâckewec. Eme damenṅ bakicne irec juwicnao ²⁷ Dawidi e ñicfâc-ticne jaṅehec rarâ Filisa ñic 200 joparâ saṅac tofa-jeṅicte masune i bawarerâ ñicwofunṭe kimo eocte wosecnewec. Iṅuc eme Saulozi otâ-ticne Mikali râcnewec. ²⁸ Erâ ine Saulo e Wofunṅzi Dawidihec juwec â otâ-ticne Mikalizi Dawidirea boc ecnewec iṅuc hone manac erâ ²⁹ Dawidire mâretéc hâwicke sâqorewec. Hâwicke sâqoreme Saulo e Dawidi râsi sanaṅ ecnewec.

³⁰ Eme Filisa ñic fekicne jaṅe Israe ñic jaṅehec qaṅac eniṅte rajumbienṅ. Rapie sâc Dawidi e Saulore ñicfâc gâcne siric-jopahuc Filisa ñic mâretéc jopa jâpec ejare jujec. Ê iṅuc ehuc zâṅe biṅe sâkohec ewec.

19

Saulozi Dawidi qaocte basahuc juwec

¹ Saulo e ñokâ-ticne Jonatanj â kiñanj qaçafâcne jaje Dawidi qaniñte jazawec. Erâ ine Saulo ñokâ-ticne Jonatanj e Dawidire boc ecnewec. ² Irec Jonatanzi Dawidi ziñuc âzâcnewec: “Mamac-nane e guocte ³ Eme no mamac-nane qâtepe goki jucmu ira fanacmu. Ehuc gore erâ mamac-nane dâñ binañ ecnepemu. Eme dâñ i me i bâfuapemuo gazapemu.” ⁴ Eme Jonatanj e Dawidi mumbiankehuc mamac-ticne ziñuc âzâcnewec: “Ñicwofunj, go kiñanñicge Dawidiraio bahac mi bâfuazemec, wemocte, e gorao bahac moc mi bâfuawec, erâ wâc kiñanj biane qagarewec. ⁵ E juju-ticne qaisockehuc Filisa ñic qâhâmowec. Ehame Wofunzi Israe ñic bafic-jopahuc bubianj sâko bâfua-jarewec. Eme go wiac i honehuc zeri emen. Ehuc wemocte fune tãmiricko Dawidi qahuc socticne honkehuc bahac bâfuazo mukic?” ⁶ Eme Saulo e Jonatanje dâñ manarâ Wofunje zãneo qetickehuc Dawidizi mi hãmoocte mupankehuc. ⁷ Irec Jonatanj e Dawidi hefârerâ dâñ sasawa i mufuacne-fârewec. Inuc ecnerâ mamac-ticnerao jowa rame gie-ticnao mocwâc zuhuckerâ juwec.

⁸ Juku zika mocwâc fuame Dawidizi Filisa ñic jajehec qaçaç eniñte rawec. Ehuc rãsi mâretec jopame wisembiñ. ⁹ Eme Dawidi e gita-ticne qahuc ñewec â Saulo e ine ficticnao sãndu-ticne barâ ñehame Wofunzi mâro sãqocne ecneme ere manko huwec. ¹⁰ Eme Saulozi Dawidi sãpeo

âke kinderņneocte manasuhuc sându-ticne wick-ehame Dawidizi bâricneme ra sâpeo kinderņnerâ domawec. Inuc eme honerâ Dawidi e wisewec.

¹¹ Ehame hae fureme Saulozi Dawidi qaocte manasuhuc kiņaņ qaqafâcne ejareme ra Dawidire fic somâckembiņ. Inuc epie ņonâņ-ticne Mikalizi Dawidi zĩņuc âzâcnewec: “Go ņafe zira jujuge mi ņezickecmuo ine tomâcko hâmocmu.”

¹² Inuc murâ Mikalizi ņowe-ticne qâqâtâc katanĳo râeme hurâ wisewec. ¹³ Wiseme Mikalizi qâņ qâqâtâc moc rorâ fofoo râeme foha noniņ kanzanĳezi fofo bakicne i ronĳânĳopec râerâ bilanĳezi rufacnewec. ¹⁴ Eme Saulozi Dawidi ronĩņte kiņaņ sorec-jopame ra fisipie Mikalizi zĩņuc jazawec: “E huc bame fokac.” ¹⁵ Eme Saulozi Dawidi honeniņte kiņaņņic mocwâc sorec-jopahuc zĩņuc jazawec: “Fofot-icnehec mâmâc rorâ bawarepie qape.” ¹⁶ Inuc jazame kiņaņņic jaņe Dawidire ficko razirâ qâņ qâqâtâc fofoo fowec â noniņ kanzanĳi fofo bakicne ronĳânĳopec foha honembiņ. ¹⁷ Irec Saulozi Mikali zĩņuc âzâcnewec: “Go wemocte eatuc-nuhuc râsi-nane ecnetec wisejec?” Inuc mume Mikalizi dâņ zĩņuc bătikiecnawec: “E kecziņuc nazajec irec epac, ‘Guzipore baficnutec wisepe.’”

¹⁸ Eme Dawidi e wiserâ raku Samuerao Rama haeo fisiwec. Ehuc Saulozi wiac cnewec irec binanĳ bacne-fârewec. Eme e â Samue jahe rarâ Naioti haeo jupic. ¹⁹ Ehame ņic ĳacne jaņe Saulo zĩņuc âzâcnembiņ: “Manakic, Dawidi e Naioti haeo jukac.” ²⁰ Inuc mupie manarâ kiņaņņic sorec-jopame Dawidi ronĩņte rambiņ. Raku ra fisirâ Samuezi porofete guru micne ba-

jareme findañdân muhuc juhapie honec-jopambin. Honec-jopapie Wofun̄te Mârozi fai-jen̄jicko heme jañe wâc jañerao zuhuckerâ findañdân mumbin. ²¹ Eme irec biñe âzâcnepie manarâ Saulozi kiñaññic gâcne sorec-jopame jañe wâc rarâ jañerao zuhuckerâ findañdân jaha mumbin. In̄uc epie Saulo e harierâ kiñaññic mocwâc sorec-jopame jañe rarâ in̄uc jaha findañdân mumbin. ²² Eme zâhec Saulo e jahac Rama haeo rawec. Raku opâ nombân sâko Seku haeo ñewec ira fisiwec. Ehuc wiowec, “Samue â Dawidi jahe wena jukopirec?” Wiome ñic jañe zin̄uc âzâcnembin: “Jahe Rama dâkâne moc zâñene Naioti ira jukopirec.” ²³ In̄uc âzâcnepie irecnec fotâcnerâ Naioti haeo raocte rawec. Rahame Anuture Mârozi in̄uc jaha ecneme hatao rahuc rahuc findañdân mumurâ raku Naioti haeo fisiwec. ²⁴ Erâ e jahacne ñaqi qoruc wiac-ticne bâsuckerâ Samuere man̄fun̄ko findañdân muwec. Ehuc zoañ zorâ â ñafe zora biuctac fowec. In̄uc ewecte ñic jañe zin̄uc mujumbin: “Saulo e wâc porofete jañerao zuhuckewec me?”

20

Dawidi â Jonatan̄ jahe ââgo fârine jupic

¹ Eme Dawidi e Rama haeoa Naioti hae ñewec irecnec wiserâ Jonatan̄tao fisirâ muwec, “No wemo wiac moc epo? No wemo kiñ hurepo? Mamacge e wemo wiac epe sâqorewec irec nuocete manasuekac?” ² In̄uc mume Jonatan̄zi dâñ zin̄uc bâतिकecnewec: “Anutuzi manakac, go mi hâmocmu. Mamac-nane e no mi nazahuc

wiac i me i moc mi ejâmbânkeocmu. Mamac e wiac inucne eocte wemocko hesonke-narezac. No dâŋ keci mi mana zakiekopac.” ³ E inuc mume Dawidizi dâŋ ziŋuc bâtikiecnawec: “Go nore boc egarekac i mamacgezi manajâmbânkekac. Ehuc ziŋuc manasuekac: ‘Jonatanj wiac zi mi manazejec, wiac inucnezi busâqoc bâfuacnezackohec.’ Erâ zi Wofuŋ â go jujâmbânkekopirec ŋohere maio ziŋuc manapankekopac: Hâmoczi bâmbeŋnukac.” ⁴ Inuc mume Jonatanzi ziŋuc âzâcnewec: “Wiac i me i mutec gore erâ epemu.” ⁵ Jonatanj e inuc mume Dawidizi ziŋuc âzâcnewec: “Manakic, tomâcko mosa furune wahaocmu. Eme no ira ŋicwofuŋhec nânâ nâpe biankezac. Erâ sifu râecnutec ra sonkerâ juhape zoaŋ gie bapa jahec â moc irec ŋafe maickezejec. ⁶ Ehame mamacgezi teboo basacnurâ mume ziŋuc âzâcnezemec: ‘Dawidi e damenj bembenje sawa Betelehem haeticnao jurâ risieocte numu-narejec. Ira hâcne jara sâc Dawidire garikinjâc janjere taha bâzi fuaekac i.’ ⁷ Eme e, ‘Sâcne, biaŋne,’ inuc muocmuo ine norao sâckeocmu, me aarickeme dâŋ kosa woseme ine ziŋuc mana tarazemec: E wiac hâhâwicne ecneocte maname fokac. ⁸ Bombon-nane, nâhâc Wofuŋte maio zâzâfic sanaŋne epec, irec maŋge mi betankeoc. No kinhec ekopacko wemocte mamacgerao bacnu racmu, go gahac qâhâmocnuc.” ⁹ Inuc mume Jonatanzi muwec, “No mamac-nanezi guocte maŋkehuc jukac i manarâ muzac wemocko hesonke-garezapo. I Anutuzi manaha mukopac.” ¹⁰ Eme Dawidizi

Jonatan 7 zinjuc azacnewec: “Mamacgezi dan 7 zocnehec egareocmuo ine mozi nazaocmu?”
 11 Injuc mume Jonatanzi Dawidi zinjuc azacnewec: “Waretec gielo ranac.” Injuc mume jahe mamac jaha gielo rapic.

12 Ehuc Jonatanzi Dawidi zinjuc azacnewec: “No Israere Wofun Anutu ere maio mupan7ke-garepe: No tomacko damen 7 zinjucne mamacnane mu wioc ecnepe arec jahec a moc eocmu, eme eki go akicguocte manasukac i mutanin7ke-jamban7keocmuo ine kinan 7 sorec-jopape ware gazapie manazemec. 13 Me mamacnane guocte muhame noni 7ezicguhuc egarepe mi wisecmuo ine Wofunzi irec okacne i mocwac bamamackehuc no enarezejec. Wofunzi mamacnanehec juwec irec sac jaha gohec juzejec. 14 No mi hamopemuo ine Wofunzi aago jujure sac munactekac irec sac enarezemec. 15 A no hamopemuo ine eehamoge i wiacfac-nane janerao wac fohuc juzejec sanan. Eme Wofunzi Dawidire kisafac mare7 zirecnec basirowec-jopaocmuo ine 16 Jonatan7e zan7ezi Dawidire wiacfac janerao mi rarannezejec. A Dawidire rasifac jaje ine Wofunzi okacne jarezejec.” 17 Injuc muhuc Jonatan e man7e Dawidirea domawec i muburockewec. E jahacnere ecnewec irec sac jaha Dawidire ecnewec.

18 Eme Jonatan e Dawidi zinjuc azacnewec: “Tomacko mosa furune wahaocmu. Eme go ira mi jucmu irec nanan teboo gore 7e7e i tacne fome basacgunin7mu. 19 Go zoan 7 gie bapa jahec a moc eme Ezele qan 7 nekacko marac

tiwâ bâzi fuame soŋkemenŋ ira picpac jaha rarâ soŋkezemec. ²⁰ Ehame no ma moc ira me ira qâtâcnekopac tinac tepe motec jahec â moc irapec qâtâcnepe fâocmu. ²¹ Ehuc ŋicmotec moc tepe motec i roocte sorehuc ziŋuc âzâcnepemu: ‘Go rarâ tepe motec i bâfuac. Tepe motec i ziŋucpec ira honerâ roc.’ Inŋuc mupe manarâ fuazemec. Ira wiac moc mi fua-gareocmu i manapanŋekopac. ²² Me ŋicmotec e ziŋuc âzâcnepemu: ‘Tepe motec i ocniŋuc ira,’ inŋuc mupe manarâ Wofuŋzi sorecguocmure wisezemec. ²³ Eme zâzâfic epec irec mumutaninŋ i Wofuŋzi ranŋa ranŋa junâctezejec.”

²⁴ Eme Dawidi e ra kâteo soŋkerâ juwec. E ira juhame mosa furune wahame ŋicwofuŋ e nânâ nôocte teboo waha ŋewec. ²⁵ Nŋicwofuŋ e ŋeŋe-ticne sâpeopec ŋewecte ira ŋejujec, eme ira hâcne waha ŋewec. Ehame Jonatanŋ e ŋifec domawec â Abenezi ine Saulore gâjoŋko ŋewec. Â Dawidire ŋejezi ine tacne ŋewec.

²⁶ Eme Saulo e zoanŋ ira dâŋ moc mi muwec. E ziŋuc manasuwec hâcne: Dawidirao wiac i me i fuawec, me pectâc jâmbânŋ wâc mi mecne jukacte inŋuc ekac. ²⁷ Eme hae fureme Dawidire ŋejezi tacne jaha ŋewec. Irec Saulozi ŋokâ-ticne Jonatanŋ wiocnehuc muwec, “Isaire ŋokâ e fuŋne weninŋucte jacne mecne â miŋecgac mecne nânâre mi warejec?” ²⁸ Inŋuc wiocneme Jonatanzi Saulo dâŋ ziŋuc bâtikiecnewec: “Dawidi e Betelehem haeo raocte manacnepemurâ numu-narejec. ²⁹ Ehuc ziŋuc mujec: Manahanŋ rape, soctofafâc-nane janŋe hae sâkoo tiwâ

bâzi rikenġopienġ, ehuc hahac-nanezi rapemurâ munarejec. Irec honecnutec âgoge ekopacko be-hecnutec rarâ hahacfâc-nane honec-jopape. Irec Dawidi e ġicwofuġ gore teboo mi warejec i fuġne iġucte hacne.”

³⁰ Eme Saulozi Jonatanġ mana ġâpârecnerâ muwec, “Ħokac kosane â fecbâsicne eraonec fuakicne go, no fuġnege mi manakopac me? Go Isaire ġokâ âgo egareocte rowosâemenġ i go gahacnao â neġgocgere qâric fufua mimi feocte hâcne. ³¹ Isaire ġokâzi mârenġko juhame go gahacne mi juhâmocmu â ġicwofuġ ġeġege mi ġesanġkeocmu. Irec go kiġanġ sorettec ra rorâ norao bawarenġ, e hâmocte biġe ekac.” ³² Eme Jonatanġzi mamac-ticne Saulo dâġ ziġuc bâtikiecnerrâ muwec: “E wemocte qâhâmozo? Wemo wiac moc ejecte?” ³³ Eme Saulozi âeckeocte sându wickecnawec. Iġuc eme Jonatanġzi ziġuc hone tarawec: Mamac-nanezi Dawidi qaocte mana sanġkekac. ³⁴ Irec Jonatanġ aaricke sâqoreme teboonec fahare rawec, ehuc mosare zoanġ namba 2 ira nânâ moc mi nâwec. Wiac mamac-ticnezi Dawidi ġic maio bawahawecte busâqoc mana utuckewec i!

³⁵ Hae fureme Jonatanġzi uupictea ġieo Dawidihec muc manac epicko rawec, ehuc motec piticne moc jowame mâmâc rapic. ³⁶ Erâ motec-ticne hâcne âzâcnawec, “Gasacke rarâ tepe motec qâtâcnepe fâocmu sâc rozemec.” Motec e gasacke rahame tepe qâtâcneme motec huckehuc jâururâ rawec. ³⁷ Eme motec e Jonatanġzi tepe qâtâcneme rawec i fowec ira ra fisime Jonatanġzi motec hâcne

wiracne muwec, “Tepe motec ocnijuc rajec fokac i.” ³⁸ Erâ zuhuckerâ wira muwec, “Ûneŋ boc mi juhuc biac warec.” Eme Jonatanŋe motec e tepe nuse-fârerâ bomboŋ-ticnerao barâ warewec. ³⁹ Wiac ekicne irec fuŋne moteczi mi manawec, Jonatanŋ â Dawidi jahe buc manapic. ⁴⁰ Eme Jonatanŋ e tepe wiac-ticne motec râcnehuc âzâcne muwec, “Wiac zi haeo bafec.” ⁴¹ Motec e rahame izia Dawidi e qânâ guru râpenao foweck-onec faharerâ ware zâŋe mainezi mârenko het-utuckewec. Erâ arec jahec â moc fodapewec. Eme jahe mumuduc erâ kikioc epic, eku Dawidi bune uruewec. ⁴² Eme Jonatanŋzi Dawidi zinjuc âzâcnewec: “Go wamao razemec, nâhâc dâŋ murâ Wofuŋte maio mupaŋkepac, dâŋ i Wofuŋ e jahac nâhâcnao â qâricfâc-nâhec jaŋerao soŋaŋke rahuc juzejec sanaŋ.” Eme Dawidi e fahare rawec, â Jonatanŋzi haeo risie fewec.

21

Dawidi e Saulore hâwickeme wisewec

¹ Eme Dawidi e wiserâ raku Nobo haeo taha bapa Ahimelectao fisime eki faharerâ Dawidi zinjuc muhuc wiocnewec: “Go wemocte buc warekic?” ² Mume Dawidizi dâŋ zinjuc bâतिकecnewec: “Nicwofuŋ e hata jukopac zirec sorecnuhuc zinjuc muwec: ‘Go wemo wiacte sorecgukopac â wemo dâŋ jaha gazahuc sorecgukopac i ŋic moc mi jazazemec.’ Eme haonec faharehuc ŋicmotecfâc-nane jaŋehc hae mocko bâbâfua enaŋte damaŋ babac embeŋ. ³ Irec go wemo wiac jaha fogarekac?”

Go poroņ memoc narec, me fogarekac sâc narec.”⁴ Mume taha bapazi Dawidi dân zĩuc bătikiecnewec: “No poroņ omane i moc mi fonarekac, poroņ furu mukicne i sawa ine fonarekac.” Erâ zuhuckerâ muwec, “Nĩmotecfâcge jaņe ņokac dic bajareņgopien me?”⁵ E iņuc mume Dawidizi dân zĩuc bătikiecnewec: “Nâņe faharembenķonecteaņ juhapene zoaņ gie bapa jahec â moc zi ņokac jaņe râpec-jopa-jâmbâņķekicne. Irec ņicmotec jaņe qaqaqacne juņgopien. Wemonea moc zuhuckerâ qaqaqackezo?”⁶ Iņuc mume taha bapazi poroņ gâcne mi focnewecte ņic ņokac jowatuhuc râekicne poroņ tirine i hâcne rorâ râcnewec. Poroņ qâricne râe jumbien dameņ ira ine raņqane i Wofuņte maionec bârârie jumbien.

⁷ Ehame zoaņ ira wâc Saulore kiņaņ qaqaqac jaņeraonec Edomņic moc zâņene Doege e ecnepie Wofuņte maioa juwec. E Saulo lama soņaņfâc-ticne jaņere micne.

⁸ Eme Dawidizi Ahimelec zĩuc muhuc wiocnewec: “Go sându me zika wiac moc mai jaha fogarekac me? No ņicwofuņte gie zizi fâronehec ewecte sându me zika wiac moc mi rorâ warepo hâcne.”⁹ Mume taha bapazi muwec, “Go gahac Ela wâneņko Filisa ņic Goliata qameņ ere zika sawa qoruczi foņķekicne taha bapa ņaqi râpenao domakac. Zikare wiac moc zira moc mi fokac, i sawa hâcne. Eme go i rozo mukicko roc.” Mume Dawidizi muwec, “Eme narec, zika iņucne moczi moc mi bajukac.”

¹⁰ Eme zoaņ ira Dawidizi Saulore hâwickeme

wiserâ Gati ñicwofuñ Akisirao rawec. ¹¹ Rame Akisire kiñañ qaqañac jañe honerâ ñicwofuñ zĩñuc âzâcnembiñ: “Zi Dawidi jâmbân, mâren zirec ñicwofuñ hâcne. Ñokac jañe ere hâcne gae zĩñuc hehuc wombiñ:

‘Saulozi ñic 1 tausen jopawec
â Dawidizi ine 10 tausen jopawec.’ ”

¹² Eme Dawidi e dân mumbiñ i mañkerâ manatâc qâtâc ehuc Gati ñicwofuñ Akisire hâwicke sâqorewec. ¹³ Hâwicke sâqoreme jañere maio eebapa-ticne herisieme mutuc matacne hawari ewec. Erâ haere sacmotâcko qâren wiac bame micopâ-ticnezi meczâwâ-ticnao qâniniperâ wahawec. ¹⁴ Inuc eme honerâ Akisizi kiñañ qaqañacne zĩñuc jazawec: “Honeniñ, ñic zi mutucne, ñoñe wemocte jowa warembien? ¹⁵ No ñic inucne basac-jopakopac me, irec ñoñe ñic zi mâsi inucne eocte noraõ jowa warembien? Ñic inucnezi nore ficko mi juzejec.”

22

¹ Eme Dawidi e hae i beherâ wise ra Adulam qânâ hawecko soñkerâ juwec. Ira jume hahacñacne â mamac-ticnere wiacñac jañe biñe manarâ erao rambiñ. ² Ehame ñic wiac izi me izi bâmâmâc-jopawec â tofa fojarewec â wiac irec me irec manapie mi sâckewec jañe erao tumañne-fârepie eki micne-jeñic juwec. Ñic 400 heririñ ehac jumbiñ.

³ Eme Dawidi e irecnec Moabi mârenko hae moc ñewec zâñene Mizipe ira rawec. Ehuc mâren irec ñicwofuñ zĩñuc muhuc wâsickewec: “Anutuzi noraõ gie weniñuc jaha baocmu irec

wonec mana-naretec nenȝoc mamac jahec-nane gorao râec-jofape juzepirec.”⁴ Inȝuc murâ Moabi ȝicwofunȝtao râec-jofame jahe Dawidizi hae sanaȝko ȝeȝe juju ewec dameȝ irec sâc ȝicwofunȝhec jujupirec.⁵ Ehame porofete Gadezi Dawidi zĩȝuc âzâcnewec: “Go hae sanaȝkoa boc mi juc, beherâ Juda mârenȝko rac.” Inȝuc âzâcneme Dawidi e hae sanaȝ i beherâ Hareta kâte mârenȝko rawec.

Saulozi Nobo haeonec taha bapa jopawec

⁶ Dawidi â ȝicfâcne jaȝe bâfuac-jopakicne, bĩnedân inȝuc Gibeaa haeo Saulorao fisiwec. Â Saulo e ine sându-ticne barâ tikitonȝko kasaȝ kasaȝ jâc nâkumucnao ȝehame kiȝaȝ qaqa fâcne jaȝe rârec bârârec doma rambiȝ.⁷ Eme irec zĩȝuc jazawec: “Benjamiȝ ȝic, ȝeȝe hazec râeniȝ: ȝeȝe Isai ȝokâ-ticnezi waiȝ gie â gieganȝ gâcne ȝare-fâreocete eȝarekac me? Erâ wâc ȝeȝe sasawa momori 1 tausenȝ â 100 jaȝere micne âkendân-ȝopaocmu me?”⁸ Eme irec hâcne ȝeȝe râsi enare-fârenȝopieȝ. ȝokâ-nanezi Isai ȝoka-ticnehec maȝ mocjaha epic i ȝeȝeraonec moczi moc mi naza-jâmbânȝkewec. Me ȝeȝeraonec moczi nore busâqoc manarâ ȝokâ-nanezi no nahacne kiȝaȝ qaqa ecneme somâcnuhuc jukac i wâc mi mufua-narembiȝ.”⁹ Inȝuc mume Edomȝic moc zâȝene Doege e Saulore kiȝaȝ qaqa fâc jaȝehac domahuc dân zĩȝuc bâtikiecnewec: “No Isai ȝokâ-ticne e Nobo haeo Ahitubu ȝokâ-ticne zâȝene Ahimelec erao fisime honepo.”¹⁰ Eme Ahimeleczi ere erâ Wofunȝ

mu wioc ecnehuc hatare nâsiñ â Filisa ñic Goli-
atare zika iñuc râcnewec.”

¹¹ Iñuc mume ñicwofunzi taha bapa Ahim-
elec â wiacfâcne taha bapa sasawa Nobo haeo
jumbiñ jañerao kiñañ sorec-jopame rarâ ejarepie
ñicwofuntao fisi fua-fârembiñ. ¹² Fua-fârepie
Saulozi muwec, “Ahitubu ñokâ-ticne go hazec
râec.” Mume Ahimeleczi muwec, “Sâcne, bom-
boñ-nane.” ¹³ Mume Saulozi âzâcnewec, “Go
Isai ñokâ-ticne ñohe wemocte râsi enarekopirec?
Go ere erâ Anutu mu wioc ecnehuc nânâ
â zika râcnemen. Eme e irec damen zi
râsi enarerâ somâcnuhuc jukac.” ¹⁴ E iñuc
mume Ahimelec dân zĩñuc bâतिकecnewec: “Kiñañ
qaqafâcge jañeraonec mozi Dawidire sâc juhuc
ñicwofunte kimo jukac? Erâ e ñic omane
mâcne, kiñañ qaqafâcge jañerao zuhucketec gie
fekicnao jukac. ¹⁵ Irece no ere erâ Anutu
mu wioc ecnepe sâqorewec me? Aricne, irec
ñicwofun go kiñaññicge no â garikinñâc-nane
nâñe mañgân dân mi munârezemec. Kiñaññicge
no dân sasawa mukomec i pitic siñsiñe moc
mi mana hunğanke-jâmbânkekopac.” ¹⁶ Mume
ñicwofunzi muwec, “Ahimelec, go gahacne â
ñicfâcge sasawa ñoñe hâmo-jâmbânkeniñmu.”
¹⁷ Iñuc murâ momori funfunñâcne gâjoñnao do-
mambiñ jañe zĩñuc jazawec: “Ajoc, Wofunte
taha bapa jopaniñ. Dawidihec hehezakiec ehuc
wisewec i mana-bipiehuc sifu mi mufua-narem-
biñ.” Eme ñicwofunte kiñañ qaqafâc jañe Wo-
funte taha bapa jopaniñte mejenic ñemâckewec.
¹⁸ Jañe iñuc epie ñicwofunzi Edomñic zâñene

Doege e zinjuc âzâcnewec: “Doege, goki faharerâ taha bapa jopac.” Injuc mume Doegezi zoan ira taha bapa 85 ñaqi qanqan rojumbin jañe qâhâmoc-jopawec. ¹⁹ Ehuc taha bapa jañere hae i zikazi imackewec. Erâ ñic ñokac, naru motec â kogoc geune, erâ donji â lama bulimakao wiac i zikazi jopa miziewec.

²⁰ Ehame Ahitubu ñokâ-ticne Ahimelecte ñokâ mocjaha, zâñene Abiata e wiserâ Dawidiraio rawec. ²¹ Rarâ Dawidi binan bacnehuc Saulozi Wofunje taha bapa qâhâmoc-jopawec i âzâcnewec. ²² Âzâcneme Dawidizi Abiata zinjuc muhuc âzâcnewec: “Edomñic Doege e damen ira ijaha juwecte biac zinjuc manapo: E Saulo âzâcne-jâmbânkeocmu. No wiacfâcge jañere juju i rofe zoranko râepo. ²³ Irec go nohec zira juc, mi hâwicguoc. Jujuge gowac roocte manasuhuc basacgukac e nore juju wâc mâmâc nowac roocte basacnukac jaha. Go nohec zira sahaç furu sâcne jucmu.”

23

Dawidi e Keila haeo â mâreñ burocnao juwec

¹ Juku ñic gâcne jañe Dawidi zinjuc âzâcnembin: “Manakic, Filisa ñic jañe Keila haeo zika qahuc padi rowanñic-jenickonec padi jowac ronopienj.”

² Injuc mupie manarâ Dawidi e Wofun mu wioc ecnehuc muwec, “No sâcne rarâ Filisa ñic jopapemu me?” Mume Wofunzi Dawidi zinjuc âzâcnewec: “Ajoc, go rarâ Filisa ñic jopahuc Keila hae ñezickec.” ³ Ehame Dawidire ñicfâc jañe zinjuc âzâcnembin: “Manakic, Juda mâreñko zira

hâwic-nâpoekac, eme Keila haeo rarâ Filisa momori guru zikare fânoc hejarenanmuo ine wiac hâhâwicne fua-nâreocmu.”⁴ Jaje injuc mupie Dawidizi Wofunj mocwâc mu wioc ecneme Wofunji muwec, “Ajoc, go faharerâ Keila haeo huc. No Filisa njic gore meo râec-jopapemu hâcne.”⁵ Wofunji injuc mume Dawidi â njicfâcne jaje Keila haeo rarâ Filisa njic jajehec qaçac erâ mâretéc imac-jopahuc bulimakaofâc-jenijc jowac rorâ bacjopa wisembiñ. Dawidi e injuc ehuc Keila hae rune batarac-jopawec.

⁶ Eme Ahimelec njokâ-ticne Abiata e taha bapa njaqi rorâ wiserâ Keila haeo Dawidirao ra fisiwec.⁷ Ehame njic gâcne jaje Dawidizi Keila haeo fisiwec irec biñe i Saulo âzâcnembiñ. Âzâcnepie Saulozi muwec, “Anutuzi menaneo râekac. E jahac hae sacsanañ-ticnehec ira razime hata zickecnecac hâcne.”⁸ Injuc murâ Keila haeo hurâ Dawidi â njicfâcne somâc-jopahuc jopaninje njic hefârec-jopawec.⁹ Eme Dawidi e Saulozi wiac hehesicne ecneocte mankehuc juwec i manarâ taha bapa Abiatazi taha bapa njaqi bafisiocte âzâcnewec.¹⁰ Erâ Wofunj numucnehuc muwec, “O Israere Wofunj Anutu, kiñanñicge no Saulozi Keila haeo warerâ nore erâ hae zi bâsiroweocte mankehuc jukac irec biñe manakopac.”¹¹ Eme Keila hae rune jaje dockerâ ere meo râecnuniñmu me? Saulo e biñe-ticne manakopac injuc jâmbân wareocmu me? O Israere Wofunj Anutu, no kiñanñicgezi numu-garekopacte nazac.” Dawidi e injuc numume Wofunji muwec, “E warejâmbânkeocmu.”¹² Injuc mume Dawidizi Wo-

funj zinjuc muhuc wiocnewec: “Keila hae rune jaje dockehuc no nahacne â njicfâc-nane nâje Saulore meo râec-nâponijmu me?” Mume Wofunji muwec, “Jaje dockerâ erao râecgunijmu hâcne.” ¹³ Injuc mume Dawidi â njicfâcne 600 heririnj jumbinj jaje faharerâ Keila hae beherâ ne qatara jumbinj. Ehame Saulo e Dawidizi Keila hae beherâ wisewec binje i manarâ raocte muwec i behewec. ¹⁴ Eme Dawidi e mârenj burocnao raku 3ifi tiki mârenje hae sananjo neje juju ewec. Ehame Saulozi qaocte damenj sâc basahame sifu Anutuzi mi manacnewec.

¹⁵ Dawidi e Saulozi qâhâmoocte fisiwec i mana tarawec. Eme Dawidi e 3ifi mârenj burocnao Horesa haeo juwec. ¹⁶ E ira juhame Saulo njokâ-ticne Jonatanzi Anuture zânejo iqickerâ mu ketenj ecnewec. ¹⁷ Ehuc muwec, “Mi hâwicguoc, mamac-nanezi go mi bâfuacguocmu. Go Israere njicwofunj erâ juhante no gore wahamicne erâ gâjonjao juzokopac. Mamac-nane Saulo e wiac zi manakac wâc.” ¹⁸ Eme jahe Wofunje maio zâzâfic sananje epic. Ehuc Dawidi e Horesa haeoa juhame Jonatanzi hae-ticnao risiewec.

¹⁹ Eme 3ifinjic jaje Gibeaa haeo Sauloraorârâ zinjuc muhuc âzâcnembinj: “Dawidi e nânerao Hakila tiki mârenjo Jesimonj hae juwicnao Horesa mârenjo ira hae sananjo sonkerâ jukac. ²⁰ O njicwofunj, manjezi muocmu sâc picpac jaha wahac. Eme nâje gore meo râenanjmu.” ²¹ Injuc mupie Saulozi muwec, “Wofunji jambunj-ropazejec. Nnje sowine nore busâqoc mananjopienj. ²² E eeatuc njic sâric, injuc

mupie manakopac, irec ñoñe zi rarâ mu wioc ejâmbânkehuc wena jaha jukac â mozi honeme jukac i mâmâc mananiñ. ²³ Ñoñe rarâ ñonden wenimoira jâmbân soñkerâ jukac i hone-fârerâ dân fârinea barâ warezepien. Eme no ñoñehc fârâ mâren ijaha jukacko Judañic gurune gurune jañerao basapemu.” ²⁴ Eme jañe 3ifi mârenko bânierâ rambiñ.

Eme Dawidi â ñicfâcne jañe Jesimon hae juwicpec Maon mâren burocnao jumbiñ. ²⁵ Ehame Saulo â ñicfâcne jañe basaku bâfuaniñte rambiñ. Rapie Dawidizi manarâ Maon mâren burocnao qorac moc ñewec ira ra soñkerâ juwec. Eme Saulo e iñuc manarâ Dawidi jâperâ Maon mâren burocnao rawec. ²⁶ Rarâ Saulo e tiki ñifecnao juhame Dawidi â ñicfâcne jañe tiki ñifecnao jumbiñ. Eme Saulo â ñicfâcne jañe Dawidi â ñicfâcne rocjopaniñte orân-jopapie Dawidizi wiseocte fâro jaha ewec. ²⁷ Ehame kiñañic moczi Saulora o rarâ ziñuc muwec: “Go bâruñ jaha warec, Filisa ñic jañe mâren-nâñecko râsi fisinçopien.” ²⁸ Eme Saulo e Dawidi jâpeocte muwec i beherâ Filisa ñic jopaocte rawec. Eme mâren ñonden irec zâñe Rârâwiñ Qorac mujumbiñ. ²⁹ Eme Dawidi e irecnec rarâ Ençedi hae sananço ñeñe juju ewec.

24

Dawidizi Ençedi qânâ hawecko Saulo akickewec

¹ Saulo e Filisa ñic jopa jâpec ejareku risiehame ziñuc âzâcnemiñ: “Manakic, Dawidi e Ençedi

mâreŋ burocnao jukac.” ² Inuc mupie manarâ Saulozi Israe guruonec ȋic zikafac ³ tauseŋ bâwosâec-joparâ micne bajareme Dawidi â ȋicfâcne basac-jopaniŋte Kâte Noniŋ jaŋere Qorac ira rambiŋ. ³ Raku lama sapa mocko fisimbiŋ, eme irec heririŋnao hawec moc fowec. Eme Saulo e ira ho fâzi eocte raziwec. Ehame Dawidi â ȋicfâcne jaŋe hawec fâhâŋnao jâmbâŋ soŋkerâ ȋembiŋ. ⁴ Ȋehuc ȋicfâcne jaŋe Dawidi ziŋuc âzâcnembiŋ: “Wofuŋ e mupaŋkehuc wiac eocte muwec irec damenŋ zi hâcne maickekac, e kisâge megao râekac hâcne. Irece go gahac manakic sâc ecnec.” Inuc mupie Dawidi e faharerâ kamic kamic jaha rarâ Saulore ȋaŋi tofane bâtâcnewec. ⁵ Eme Dawidi e Saulore ȋaŋi tofane bâtâcnewec irec maŋnezi mâretec tutuc qacnewec. ⁶ Ehuc ȋicfâcne ziŋuc jazawec: “Wofuŋ e bomboŋ-nane wokemaŋ ruacnewecte wiac inucne ecnepe maname mi sâckeocmu. E Wofuŋzi wokemaŋ ruacnewec hâcne.” ⁷ Dawidi e ȋicfâcne dâŋ inuc jazahuc Saulo qaniŋte mi mana-jarewec. Eme Saulo e faharerâ hawec beherâ hata-ticne zuhuckerâ rawec.

⁸ Ehame Dawidi e wâc inuc jaha faharerâ qânâ haweckonec wefurâ Saulo wiracnehuc muwec, “Ȋicwofuŋ-nane.” Eme Saulozi forisie firâ honeme Dawidi e dapecnehuc zâŋe maine mâreŋko hetutuckewec. ⁹ Dawidi e inuc erâ Saulo ziŋuc âzâcnewec: “Go ȋic jaŋe dâŋ ziŋuc muŋgopiŋ irec wemocte hazec râekic: ‘Manakic, Dawidi e sipiricguocte basacguhuc jukac.’” ¹⁰ Manakic, miȋecgac zoaŋ zira Wofuŋzi qânâ

hawecko menaneo râecgujec i honekic hâcne. Eme gâcne jaņe gupemurâ fotarie-narepie sifu akicgupac. Ehuc ziņuc mupac: ‘E Wofunzi wokemaņ ruacnewecte menanezi bomboņ-nane mi bâuazepac.’ ¹¹ O bomboņ-nane, ņaqige susucne badomakopac zi honec. I no nahac bātâcnepac, erâ sifu mi gupac. Eme izi hâcne ziņuc gowatuzejec: No ba imac egarezore me sipiricguzore moc mi maņkehuc jukopac, erâ wâc wiac hehesicne moc mi egarepo. Ehame go ine maņgâņko nucmurâ basacnuhuc jukomec. ¹² Irec Wofunzi nâhâcne dâņ fârine muzejec. Erâ Wofunzia nore erâ okacne gareocte wiac moc muocmuo ine menanezi sifu mi bâuacguzepac. ¹³ Muqâqin dâņ raņqane moc ziņuc muenġopien: ‘Sâqocne bapazi sâqocne bâfuaenġopien.’ Â noni ine sifu menanezi mi bâuacguzepac. ¹⁴ Israere ņicwofun e mo qa jâpec ecnehuc jukac? Go wemo wiac qa jâpec ecnehuc jukic? Qâto hâmocne moc, me fitic moc qa jâpec ecnehuc jukic me? ¹⁵ Wofun e nâhâcne dâņ fârine mutarazejec. Ehuc fuņne-nane mana-hâmorâ nore dâņ muhuc gore meonec bataracnuzejec.”

¹⁶ Dawidi e dâņ i Saulo âzâcne-fâreme Saulozi muwec, “I Dawidi ņokâ-nane go gahac jâmbâņ me?” Inuc murâ owa ruruckehuc kiowec. ¹⁷ Ehuc muwec, “Go siricnuhuc wiac etiņnerâ eekic. No wiac hehesicne egarehape go ine wiac bianņe bâtikie-narekomec. ¹⁸ Erâ zoaņ zira Wofunzi megao râecnume mi nuhuc wiac bianņe enaremec i mutaniņkekomec. ¹⁹ Mo ņiczi kisâ-ticne bâfuarâ beheme saħac furu

raocmu? Eme zoañ zira wiac bianne enaremeç irec Wofunzi katucne garezejec. ²⁰ Eme zi goki ñicwofun jucmu â Israere uucmañzi gore meo fosanañkeocmu i manapañkekopac. ²¹ Eme go qâricfâc-nane mi bâsirowec-jopacmurâ â zâñe biñe-nane i mamac-nanere garikiñfâc jañerao wâc mi bârârâñnecmurâ Wofuntao qetickehuc mujomire-narec.” ²² E iñuc mume Dawidizi irec sâcko Saulo mujomirecnewec. Eme Saulo e hae-ticnao risiehame Dawidi â ñicfâcne jañe hae sanañko ferâ jumbiñ.

25

Dawidi â Abigai jahere binan

¹ Juku Samue hâmomme Israe ñic jañe tumañnerâ ki mamakuc ehuc Rama haeo ficticnao jaha duck-embini. Eme Dawidi e faharerâ Parañ mâreñ burocnao huwec. ² Eme Maonj mâreñko ñic moc juwec, e giegañ-ticne i Karamele haeo fowec. Erâ e lama bulimakao guru sâkohec juwec. E lamafâc-ticne 3 tauseñ jucnembiñ â noniñfâcne ine 1 tauseñ domacnembiñ. Eme e Karamele haeo lama kanzañ bâtâcnehuc juwec. ³ Ñic ere zañe Nabali â ñonâñ-ticnere Abigai. Abigai e sahaç hawari-ticne bianne â mamanahec juwec, â ñowe-ticne Nabali e ine Kalebere soctofa, erâ e ñic zâzâicne â mañzoc-ticne bemberne. ⁴ Eme Dawidi e mâreñ burocnao juhuc ziñuc mupie manawec: Nabali e lama kanzañ bâtâcnehuc jukac. ⁵ Iñuc manarâ ñicfâc-ticne jañeraonec 10 sorec-jopahuc ziñuc jazawec: “Ñoñe Karamele haeo ferâ Nabali bâfuarâ nore bubiañ dân

âzâcnenzepien. ⁶ Ehuc ziñuc munzepien: ‘Go gahacne â wiacfâcge erâ wiacte wiac fogarekac sasawa ñoñerao wama â mazuc mâriri fofo dun-dun jaha fozejec. ⁷ Go lama kanzań bââtâcnekomec iñuc mupie manakopac. Eme lama soñañfâcge jañe jucne mac nâñehc jumbiñ, ehame nâñe mi bâzâic-jopamben. Jañe nâñehc damen zora Karamele hae mârenko juhapie wiac moc mi sifucke-jarewec. ⁸ I ñicfâcge wio-jaretec sâcne gazaniñmu. Irec go ñicfâc-nane uruc zuhuc jaha rocjopazemec. Nâñe damen bianko wareñgopenenñe go kiñaññicfâcge â motecge Dawidi nâñe wiac fogarekac sâc nârec.’ ”

⁹ Eme Dawidire ñicfâc jañe Nabalirao fisirâ dân i âzâcne-fârerâ woñec domambiñ. ¹⁰ Eme Nabalizi Dawidire ñicfâc dân ziñuc bâतिकie-jarewec: “Dawidi e mo? Isaire ñokâ e mo? Damen zi kiñañ qaqa jañe bombonfâc-jeñic râpec-jopafârenñopien. ¹¹ No lama kanzań bâbâtâcfâc-nane jañere poroñ, opâ â qowi bâmockepac i wemocko mâren mi manakopackonec warembien ñoñe ñarepemu.” ¹² Iñuc mume Dawidire ñicfâc jañe risierâ dân sasawa muwec i Dawidi âzâcnembiñ. ¹³ Âzâcnepie ziñuc jazawec: “Ñoñe zika-ñeñic rofâreniñ.” Eme ñic jañe zika-jeñic rofârepie Dawidi e jahacne wâc iñuc jaha zika-ticne rowec. Eme ñic 200 jañe mafa soñañ ñehapie 400 jañe Dawidi bâjâpepie rambiñ.

¹⁴ Ehame ñicmotec moczi Nabali ñonân-ticne Abigai ziñuc âzâcnewec: “Manakic, Dawidi e bombon-nâñectao wiac moczi jañ piticne bacjopaocte kiñañ sorec-jopame fisipie owacke-

jarejec. ¹⁵ Nîc i jaņe biaņne jâmbâņ enârembiņ. Nâņe jaņehec kâteo jumbenĵ damenĵ ira wiac i me i basahuc hume sererenĵ me zâic busâqoc i mi bâfuambenĵ. ¹⁶ Nâņe jaņehec lama soņaņ-jopahuc jumbenĵ ira jaņe hâcne űafeo â zoaņko sac sapa biaņ enârehapie jumbenĵ. ¹⁷ Irec go dâņ zi manarâ wiac weninĵuc jaha ecmu i mana wosâc ec. Zi wiac hâhâwicnezi bombonĵ-nâņec â wiacfâcne nâņâcnao fuaoc-te manasupie fokac. Bombonĵ-nâņec e ine maņzoc-ticnehec, irec moczi dâņ sâcne mi âzâcneocmu.”

¹⁸ Inĵuc âzâcneme Abigaizi bâruņ jaha poroņ 200 â waiņ zopo jajahec, erâ lama hezucicne 5 â jacgoņ faņfaņkekicne gâcne, erâ waiņ hândâņ kereņne makenehc 100 â jâambo hândâņzi poroņ bakicne 200 inĵuc rorâ doņgio râewec. ¹⁹ Inĵuc erâ űicmotecfâcne zinĵuc jazawec: “Nōņe barâ bâniehapie zâhec fâpe.” E wiac ewec i űowe-ticne Nabali moc mi âzâcnewec. ²⁰ Eme űokac e doņgi-ticnao ferâ űehuc raku tiki râpenao huhame Dawidi â űicfâcne warepie bâfuac-jopawec. ²¹ Dawidi e zinĵuc muhuctecne faharewec: “Nâņe mârenĵ burocnao maņgâņ jaha űic ere wiac soņaņkehapene wiac moc mi sifuckecnewec. Eme e wiac biaņnere okacne hehesic bâtikie-narekac.” ²² Dawidi e inĵuc muhuc zinĵuc mupaņkewec: “No hae fureme jaņeraonec űic moc hetiripe juocmuo ine Anutuzi okacne bâmâmâckehuc enarezejec.”

²³ Eme Abigaizi Dawidi honerâ bâruņ jaha doņgionec waharâ dapecnehuc zâņe mai-ticne mârenĵko hetutuckewec. ²⁴ Ehuc kikefuņnao

fodaperâ muwec, “Bomboņ-nane, kiņ i nore biņe ezejec. Kiņaņ qaqađe no mana-naretec dâņ muhape bomboņ-nane go mâc manazemec. ²⁵ Bomboņ-nane, go maņzocņic Nabalire man-atec fârine mi ezejec. E zâņe-ticnezi mukac irec sâcko hâcne juekac, zâņe-ticne ‘Mutuc’, eme irec eebapa-ticnezi mutucnea efârekac. Bomboņ, go ñic sorec-jopameņ i no nahac mi honec-jopapo. ²⁶ Bomboņ-nane, Wofuņte maio â gore maio mujâmbâņkekopac: Aaricgere okacne jarehuc soc kosa hohonke i Wofuņzi qatara-garewec. Eme kisâfâcđe mecne â omaetec honecguzo ejarekac jaņe mecne Nabalire sâc efârenzepieņ. ²⁷ Eme bomboņ-nane, kiņaņ qaqađe noni taha bawarepac zi ñicfâcđe jarezemec. ²⁸ Bomboņ-nane, kiņaņ qaqađe nore kiņ behec. Go Wofuņte zika gie bameņte Wofuņzi garikinfâcđe basanaņ-jopame juranzonņopieņ. Go juhaņte wiac mimicnezi mi maicguzejec. ²⁹ Ñic i me izi jâpecguhuc qâhâmocguzo eocmu ine Wofuņ Anutugezi jujuge fosâockehuc e jahacne zeņaņko râezejec, â jujuge sipirickezo engopieņ jaņere juju ine tacbaņko qânâ râehuc qapene raekac iņuc ezejec. ³⁰ Eme Wofuņzi mupaņke-garewec irec sâcko wiac biane egarehuc Israe ñic jaņere micne bapa âkendâņguocmu. ³¹ Eme bomboņ-nane, go gahac okacne kosa jarenzaņ me fuņne tâmiricko soc honkenzaņ irec manasurâ busâqoc â buzâic fua-garezac. Zi ine mi fua-garezejec. Eme juku Wofuņzi bomboņ-nane go ehâmo-areme kiņaņ qaqa nore mac manasuzemec.”

³² Iņuc mume Dawidizi Abigai dâņ ziņuc

bâtikiecnawec: “Israere Wofuñ Anutuzi miñecgac sorecgume ware bâfuacnukicte e mumbiankezo. ³³ Erâ mamasu biange i mumbiankezo, â go soc honkehuc kiñhec ezipore â aaric-nanere fârine bâfuazipore aka henaremete mumbianguzo wâc. ³⁴ Erâ Israere Wofuñ Anutu e jukacte mi bâzâicgupemurâ muacnuwec. Go fâro erâ norao mi fisinzañ muzac ine hae fureme Nabalire ficko ñic mocjaha mac moc mi jujâmbânkezac.” ³⁵ Dawidi e iñuc murâ Abigaizi wiac sasawa bafisiwec i rowec. Ehuc ziñuc âzâcnawec: “Go wamao figao razemec. No dânge manahuc kio wâwâsicgere sâcko mana-garekopac.”

³⁶ Eme Abigai e risierâ Nabalirao fisiwec. Ehuc honeme Nabali e ficticnao ñicwofuñte tiwâ bâzi qaqañe tinac e jahacne tiwâ bâzi sâko qame fisiwec. Eme opâ sanañ boc nâwecte zeri sâko bâfuawec. Eme e risierâ wiac ebac ewec irec biñe i ñowe-ticne biac mi âzâcnawec, hae fureme sawa ine âzâcnawec. ³⁷ Hae fureme waiñte tâpiri fâre wahame ñonân-ñicnezi dâñ sasawa i Nabali binañ bacne-fârewec. Eme mañticne gâckeme qânâ tinac erâ fowec. ³⁸ Ehame zoañ gie bapa 10 tarame Wofuñzi Nabali qame hâmowec.

³⁹ Eme Dawidi e Nabali hâmowec irec biñe manarâ ziñuc muwec: “Wofuñ e jahac mumusoriñte okacne Nabali bâtiñnekac, ehuc kiñaññic-ticne no bahac bâfuazipore aka henarewec, irec e mumbiankezo. Wofuñ e Nabalire hehesic sasawa i bâtikieme e jahacne faio fekac.” Iñuc murâ Abigaizi ñonân-ñicne ezac me mâcne, irec wiocneniñte Dawidizi kiñañ sorec-jopame ram-

biņ. ⁴⁰ Raku Karamele hao Abigairao fisirâ zinjuc âzâcnembiņ: “Dawidi e jowacgupene rarâ ñonâņ-ticne ecmurâ sorec-nâpojec.” ⁴¹ Injuc âzâcnepie faharerâ dapehuc zâņe mai-ticne mâreņko hetutuckehuc muwec, “Kiņaņ naru-ņeņic no kiņaņ qaqa moc erâ juhuc bomboņ-nanere kiņaņ qaqařac jaņere kike zuzurere řac ekopac.” ⁴² Injuc murâ Abigai e picpac jaha faharerâ dongi faio feme kiņaņ narurâcne 5 jaņe qâtepie rambiņ. E Dawidire kiņaņņic bâjâpec-joparâ raku fisirâ Dawidire ñonâņ ewec.

⁴³ Dawidi e Jesere haeonec ñokac moc zâņene Ahinoam e wâc injuc jaha ñonâņ-ticne rowec. Eme jahe mâmâc jaha ñonâņ jahec-ticne epic. ⁴⁴ Â ñonâņ-ticne moc, zâņene Mikali, e mamac-ticne Saulo e jahac rorâ Laisi ñokâ-ticne Palati, Galim hao juwec, e řacnewec.

26

Dawidizi řifi hao Saulo akickewec

¹ Eme řifinjic jaņe Gibeao hao Saulorao fisirâ zinjuc mumbiņ: “Dawidi e Jesimoņ faicnao Hakila tikio soņkerâ jukac.” ² Injuc mupie manarâ Saulo e faharerâ ñic 3 tauseņ bâwosâec-joparâ micne bajarehuc řifi mâreņ burocnao Dawidi basaocte mocwâc huwec. ³ Ehuc Jesimoņ faicnao Hakila tikire hata heririņko teuņ âterâ fowec. Â Dawidi e ine mâreņ burocnao zuhuckerâ juwec. Eme Saulozi jâperâ mâreņ burocnao ware fisime honewec. ⁴ Honerâ, Saulo e jâmbomac ware fisiwec, injuc mana taraocte ruc bapa ñic sorec-jopawec. ⁵ Eme Dawidi e jahac faharerâ Saulozi

teuŋ âtewec mâreŋ ŋondenŋ ira rawec. Ehuc Saulo e momori jaŋere micne moc Nera ŋokâ-ticne Abenehec mâreŋ ŋondenŋ wena jaha fopic i honewec. Saulo e momori guru jaŋe orâŋ bârâŋ ecnerâ fohapie ŋondenŋ-jeŋicko fowec.

⁶ Eme Dawidi e Hitiŋic Ahimelec â Zeruja ŋokâ-ticne Joabere hahac Abisai jahe wio-jacterâ muwec, “Mozi nohec Saulore teuŋko hucnacmu?” Wiome Abisaizi muwec, “Noni gohec hupemu.” ⁷ Iŋuc mume Dawidi â Abisai jahe ŋafeo Saulore momorifâc jaŋerao hupic. Eme Saulo e sându-ticne qizecnao wireme domame momori jaŋere ŋondenŋko guŋ fowec. Ehame Abene â momori gâcne jaŋe e orâŋkerâ forambiŋ. ⁸ Forapie Abisaizi Dawidi ziŋuc âzâcnewec: “Damenŋ zi hâcne Anutuzi kisâge megao râekac. Eme irec mana-naretec sânduzi arec jajahec mi âeckehuc arec mocjaha sawa mâreŋhec râŋkeme âke kindenŋepe.” ⁹ Iŋuc mume Dawidizi dâŋ ziŋuc bâtikiecnawec: “Go e mi bâsirowezemec. Wofuŋzi wokemaŋ ruacnewec ŋic e mo ŋiczi ba bâuac ecnehuc kiŋ tâmiric juocmu?” ¹⁰ Iŋuc murâ dâŋ ziŋuc zuhuckerâ muwec: “Wofuŋ e jukacte e jahac qaocmu. E damenŋ-ticne maickeme hâmoocmu me zikao rahuc ira sipirickeocmu. ¹¹ Wofuŋzi wokemaŋ ruacnewec e menanezi ba bâuac mi ecnepemurâ Wofuŋ e jahac qataranarekac. Irec nâhâc qizecnaopec sându â opâ zopo-ticne domakac i sawa rorâ ranac.” ¹² Iŋuc murâ Dawidizi sându â opâ zopo qizecnaopec domawec i rome wisepic. Ŋic moczi moc qârerâ hone manac eejacte i moc mi embiŋ. Jaŋe Wo-

funzi ejareme gunqânqân fofârembiñ hâcne.

¹³ Eme Dawidi e wâc fotâcnerâ ocnîucnao tiki botânko taic jâmbân ferâ domawec. Ehame ñoñonden-jeñicko sawa sâko fowec. ¹⁴ Eme Dawidi e momori â Nerâ ñokâ-ticne Abene wira-jarehuc muwec, “Abene, go dâñ mi bâतिकiecmu me?” Inuc mume Abenezi dâñ bâतिकiehuc muwec, “Go mozi ñicwofuñ wiracnekic?” ¹⁵ Abene e inuc mume Dawidizi ziñuc âzâcnewec: “Go gahacnere ñic muekic me? Israe guruo go inucne moc junğopien me? Go ñic moczi ñicwofuñge sipirick-eocte fisiha wemocte mi soñanğkemec?” ¹⁶ Go wiac emec i mi sâckekac. Jâmbomac jâmbân, ñoñe Wofuñzi wokemañ ruacnewec e mi soñanğkembiençe zengoma hâmocte biñe efârengopien. Honeniñ, ñicwofuñte qizeckopec sându â opâ zopo-ticne domapirec i weni?”

¹⁷ Eme Saulo e Dawidire dâñmarac mana tararâ muwec, “I Dawidi ñokâ-nane go gahac me?” Eme Dawidizi muwec, “Bombon-nane, no nahac hâcne.” ¹⁸ Inuc murâ zuhuckerâ muwec, “Bombon-nane, go kiñanğicge no wemocte nu jâpec enarehuc jukic? No wemo wiac epo? Wemo wiac moc epe sâqorewec?” ¹⁹ Irec ñicwofuñ-nane, go zi hazec râerâ kiñanğicgere dâñ manazemec. Wofuñ e jahac râsi ronarecmurâ âkendânğuwecko ine taha bacnepie maname sâckezejec, â ñic jañere mamanao fuakacko ine sâweczi jañerao fozejec. No Wofuñte gurufâc jañehuc moc-jaha mi jupemurâ dameñ zi nu jâpec enarehuc muengopien, ‘Go rarâ nemu gâcne kiñanğ qajarec.’ ²⁰ Eme irec socnane i mâreñ furunao â Wofuñ

zâņe biņe-ticne mi fokacko mi hoņkezo. Israe ñicwofuņ e fitic moc basaocte warejec me ñic moczi tikio hapâ qaocte wosaņeņ gie baekac irec sâc warejec jukac.”

²¹ Iņuc mume Saulozi muwec, “No wiac epe sâqorekac. Dawidi ñokâ-nane, go risiec, go zoaņ zira juju-nanere manatec wiac furi sâko ejecte no mocwâc mi bâzâicgupemu. Manakic, no mutuc gie bahuc wiac esifucke-jâmbâņkepo hâcne.”

²² Eme Dawidizi dâņ bâtikiecnehuc muwec, “O ñicwofuņ, sânduge zi. Ñicmotec jaņeraonec moczi wefurâ ro bahu fâoc. ²³ Wofuņ e ñic buc buc tiņne â jaun fârihec jaņe okacne jareekac. Wofuņ e zoaņ zira menaneo râecgujec. Eme Wofuņzi wokemaņ rua-garewec go ba bâuac sâcne mi egarepemu. ²⁴ Manakic, no zoaņ zira gore jujure manape furi sâko ejec, iņuc jaha Wofuņzi nore jujure maname furi sâko ezejec. Ehuc hume sererenkonec bataracnuzejec.” ²⁵ Iņuc mume Saulozi Dawidi ziņuc âzâcnewec: “O ñokâ-nane Dawidi, jambuņzi gorao fozejec. Go wiac tâpirihec jaha ehuc zoqac sasanaņhec juzokic.” Iņuc mume tarame Dawidi e hata zuhuckerâ rame Saulozi hae-ticnao risiewec.

27

Dawidi e Filisa ñic jaņere ñondenko juwec

¹ Dawidi e maņzezi ziņuc muwec: “No zi juku damaņ moc maickeme Saulore meo omaezipohec. Irec no Filisa mâreņko wiserâ rape sâckezejec. Eme no Sauloraonec wisehape Israe mâreņko basacnu-bipiezejec.” ² Iņuc murâ ñic

600 ehec jumbiņ jaņehēc faharerâ Gati ņicwofuņ, Maokare ņokâ Akisi erao rambiņ. ³ Erâ Dawidi â ņonâņ jahec-ticne Ahinoam, Jesere haeonec e â Abigai, Nabalire hozec, Karamele haeonec e, erâ ņicfâcne â wiacfâc-jeņic sasawa jaņe Akisihec Gati haeo jumbiņ. ⁴ Eme Saulo e Dawidizi Gati haeo wiserâ rawec irec biņe manarâ basahuc juwec i behewec.

⁵ Eme Dawidi e Akisi ziņuc âzâcnewec: “Go honecnutec sâckekacko ine mâreņ zira haege moc naretec ira sâcne juzapo? Kiņaņ qaqage no wemocte zira ņicwofuņ haeoa gohec jupemu?” ⁶ Iņuc mume Akisizi Zikilaga hae râcneme juwec. Irec dameņ zi Zikilaga hae i Juda ņicwofuņ jaņere hae ewec ņekac jaha. ⁷ Eme Dawidizi Filisa mâreņko jara 1 â mosa 4 juwec.

⁸ Eme Dawidi â ņicfâcne jaņe ņicguru ziņuc râsi ejarembiņ: Gesuri, Gizeri â Ameleke. Eme ņicguru i jaņe hâcne juwicnaoa mâreņ rune erâ Suru mâreņkonec raku Aigita mâreņko mickekac ira jurambiņ. ⁹ Eme Dawidi e mâreņ i imackehuc ņic me ņokac moc mi akic-jopa jujec. Erâ lama, bulimakao, doņgi kamele â ņaqi qoruc wiac rocjoparâ Akisirao risie jujec. ¹⁰ Eme Akisizi wiocne jujec, “Ķoaņ zi wena jaha zika qambieņ?” Iņuc wiocneme Dawidizi ziņuc mujujec: “Judaņic Negebe mâreņko juņgopieņ jaņerao,” me “Jeramec ņic Negebe mâreņko juņgopieņ jaņerao,” me “Kenijic Negebe mâreņko juņgopieņ jaņerao.” ¹¹ Dawidi e jahacne ņic me ņokac moc akickerâ Gati haeo mi bacjopa warewec. E ņicfâcne jaņere fuņne taniņkezacte hâwickeme Filisa mâreņko

juwec sâc mâsi injuc hâcne ehuc juwec. ¹² Eme Akisi e zinjuc manahuc Dawidirao roweckewec: “Dawidi e Israe njcfâcne jaņerao mumusoriņ bâfuawecte norao zuhuckerâ nore njc erâ ju-sanaņkeocmu mecne.”

28

¹ Eme damen ira Filisa njc jaņe Israe njc jaņehec qaqaç eniņte momorifâc-jeņic hetumaņ-jopambiņ. Eme Akisizi Dawidi zinjuc âzâcnewec: “Go njcfâcge noņe mâmâc zikao ranaņmu injuc man-apaņkezemec.” ² Injuc mume Dawidizi dâņ zinjuc bătikiēcnewec: “Sâcne, kiņaņnjicge e weninjuc jaha eocmu i honezemec.” Injuc mume Akisizi muwec, “Sâcne, go sahaç soņaņ-nane raņqa raņqa jucmurâ âkendâņgupemu.”

Saulozi Eņdoro hao faņfaņ noķac moc iqickewec

³ Samue e hâmome Israe njc jaņe ki mamakuc eku Rama hae-ticnaoa duckembiņ. Eme Saulo e faņfaņdâņ mumu njc â qaņgeçnjc jaņe mâreņ ira mi juniņte mujarewec. ⁴ Ehame Filisa njc jaņe tumaņne-fârerâ fisi Sunem hao teuņ âtembiņ. Eme Saulo e wâc Israe njc hetumaņ-jopame fisi Giliboa tikio teuņ âtembiņ. ⁵ Eme Saulozi Filisa momori honeç-joparâ mâretēc hâwicckeme qarac qarac qawec. ⁶ Ehuc Wofuņ mu wioc ecneme Wofuņzi okacne guņko me qâsâio me porofete jaņere micko mi bătikiēcnewec. ⁷ Eme irec kiņaņ qaqaçfâcne zinjuc jazawec: “Noņe faņfaņdâņ mumu noķac moc bâfua-narepie no erao rarâ mu wioc ezepac.” Injuc mume kiņaņ qaqaçfâcne jaņe

âzâcnerâ mumbiņ, “Faņfaņdâņ mumu ņokac moc Eņdoro hao jukac.”

⁸ Inuc âzâcnepie Saulo e ņaqi qoruc omane heme hume hawarine hetikieme ņic jajahec rocjofame rambiņ. Raku ņafeo faņfaņdâņ mumu ņokac erao fisimbiņ. Ehuc Saulozi muwec, “Go faņfaņdâņ muhuc no nahac ņic hâmokicne mocte zâņe mupe e bârisie-narezemec.” ⁹ Inuc mume ņokaczi muwec, “Go Saulozi wiac ewec i mana-fârekic. E faņfaņdâņ mumu â qaņgecņic jaņe mâreņ zira mocwâc mi juniņte muwec. Eme go wemocte hâmopemurâ juju-nane doc bakomec?”

¹⁰ Mume Saulozi Wofuņte maio mujomirecnehuc muwec, “Wofuņ e jukacte wiac zirec bâbâtiņzi gorao mi fisiocmu.” ¹¹ E inuc mume ņokaczi muwec, “Mo ņic hefârepe wefuocmu?” Wiome muwec, “Samue jowa wefu-narec.” ¹² Eme Samuezi fuame honerâ ņokac e owackehuc Saulo ziņuc âzâcnewec: “Go wemocte eatucnumec? Go Saulo hâcne.” ¹³ Mume ņicwofuņzi ņokac âzâcnerâ muwec, “Mi hâwicguoc, wemo wiac honekic?” Inuc wiome ņokaczi âzâcnewec, “No nemu moc mâreņmaņkonec wefume honekopac.”

¹⁴ Mume ziņuc muhuc wiocnewec: “Hawari-ticne weniņucne?” Eme ņokaczi muwec, “ņic raņqa moczi wefukac, erâ ņaqi zora moc rojukac.” Inuc mume Saulozi ziņuc mana tarawec: I Samue. Ehuc fodaperâ zâņe maine mâreņko hetutuckerâ dape qâhâņ ewec.

¹⁵ Inuc eme Samuezi ziņuc âzâcnewec: “Go wemocte qâsifuc qanarehuc jowacnu wefumec?” Mume Saulozi dâņ ziņuc bâtikiecnawec: “No

hume sererenj sâkore maŋnao jukopac, Filisa njic jaŋe nohec zika qaŋgopienj â Anutuzi wâc râpecnuwecte dâŋ okacne moc porofete jaŋere micko me guŋko moc mi nazakac. Eme irec goki wiac weninuc jaha epemu i nazacmurâ hefârecgupac.” ¹⁶ Eme Samuezi muwec, “Wofuŋ e râpecgurâ kisâge ewecko go wemocte no wionarekomec? ¹⁷ Wofuŋ e nore micko dâŋ muwec irec sâcko hâcne egareekac. Ehame Israe uucmaŋ i gore meonec rorâ qomâge Dawidi râcnekac. ¹⁸ Go Wofuŋte mic reŋkehuc kimbenj sâko-ticnere fârine Ameleke njic jaŋerao mi bâfuamente Wofuŋzi damaŋ zi wiac inucne hâcne egarekac. ¹⁹ Erâ Wofuŋzi go gahacne â Israe njicfâcge ŋoŋe Filisa njic jaŋere meo râec-ŋopaocmu. Eme go â ŋokâfâcge ŋoŋe tomâcko nohec juniŋmu. Eme Wofuŋzi Israe momori jaŋe wâc Filisa njic jaŋere meo râec-jopaocmu.”

²⁰ Eme Saulo e Samuezi dâŋ muwec i manarâ hâwicke sâqoreme izia mârenjko rândinje qarâ fowec. E ŋafe zoaŋ nânâ moc mi nâwecte betankekewec hâcne. ²¹ Eme ŋokac e Saulo-rao fisirâ hâhâwic âkohec fome honerâ zinuc âzâcnewec: “Manakic, kiŋaŋ naruge no dâŋge manarâ micge reŋkepemurâ juju-nane qaisockepac. Ehuc mumec irec sâcko epac. ²² Irece go wâc kiŋaŋ naruge nore dâŋ manazemec. No nânâ piticne mac moc râe-garepe nâqinjerâ hata zuhuckerâ razemec.” ²³ Âzâcneme qikinnehuc muwec, “Mi nâpemu.” Eme kiŋaŋ qaqa jahecne â ŋokac jaŋe mâmâc zoqac ecnepie dâŋjenjic manarâ mârenjkonec faharerâ ŋeŋeo ŋewec. ²⁴ Eme

ņokac e bulimakao motecne wokemaņ sâkohec moc domacnewec i picpac jaha qarâ hezuwec. Erâ poroņ uucne gâcne rorâ jârickerâ goren tâmiric rikewec. ²⁵ Eme i Saulo â kiņaņ qaqa jahecne hejareme nârâ ņafe ijaha fahare rambiņ.

29

Filisa ņic jaņe Dawidire manjahec embiņ

¹ Filisa ņic jaņe momorifâc-jeņic Afeke haeo hetumaņ-jopambiņ â Israe ņic jaņe Jesere haeo opâ zâņe heririņko teuņ âtembiņ. ² Eme Filisa momori jaņe micnefâc-jeņic jaņehec gurune gurune rahapie Dawidi â ņicfâcne jaņe Akisihec zâhec jumbiņ. ³ Eme Filisa momori micne jaņe ziņuc mumbiņ: “Hebiraio ņic zi jaņe zira wemocte wareņgopiņ?” Iņuc mupie Akisizi ziņuc jazawec: “Zi Dawidi, Israe ņicwofuņ Saulo ere kiņaņņic. E nohec juhame jara 1 â nâfocne ezo ekac. E ware fisiweckonecteaņ juwarehuc kiņ bahacticne moc mi bâfuaekopac.” ⁴ E iņuc mume Filisa momori micne jaņe ere aaric-jopame mumbiņ, “ņic e soretec hae mâreņ râcnemeņko risieoc. E nâņehc zikao mi razajec, e zikao rahuc ņerisierâ râsi-nâņec ezackohec. ņic zi e weniņuc erâ bomboņ-ticnehec maņ zuzuhuc bâfuaocmu? I ņicfâc-nâņec zi jopahuc sawa eocmu. ⁵ Dawidi zirec hâcne gae ziņuc hehuc wombiņ: ‘Saulozi ņic 1 tauseņ jopawec â Dawidizi ine 10 tauseņ jopawec.’”

⁶ Eme irec Akisizi Dawidi hefârerâ ziņuc âzâcnewec: “Wofuņ e jukacte go wiac fâretiņ jaha efâremeņ. No manape go zikao mâmâc

sâcne rarane ekac. Go norao fisimeŋ damen irecnec juwarekuhapene miŋecgac fisikac ira wiac moc mi esifuckemeŋ i no manakopac. Erâ ine ȳic fekiecne jaŋe gore manapie mi sâccekac. ⁷ Go Filisa ȳic fekiecne manjeȳic mi sipirickehuc aimuŋ jaha haeo risiec.” ⁸ Inuc mume Dawidizi Akisi dâŋ bâtikiecnewec: “No wemo wiac moc epo? No fuŋkerâ kiŋaŋ qaġare warehuc jukopac damen irec maŋnao wemo wiac moc esifuckepe honemente ȳicwofuŋ gore kisâfâc jopapemurâ sâcne mi rapemu?” ⁹ Inuc mume Akisizi dâŋ bâtikiecnehuc muwec, “No honecgupe Anuture aŋelo inucne bahacmâc ekomec irec maŋjahec mi ekopac. Mâc, Filisa ȳic fekiecne jaŋe goki jaŋerao zuhuckerâ zika mi qaġmurâ zoqaġ eŋġopieŋ. ¹⁰ Eme irec go fekiecnegere kiŋaŋ qaġafâc go gahacnehec warembieŋ jaŋehac furic uupictea faharenzepieŋ. Erâ hae botâŋne bawahame izia ranzepieŋ.” ¹¹ Inuc mume Dawidi e Filisa ȳic jaŋere mâreŋko risieocte furic uupictea ȳicfâcne jaŋehac hata fuŋkemieŋ, â Filisa ȳic jaŋe ine Jesere haeo fembieŋ.

30

¹ Eme Dawidi â ȳicfâcne jaŋe raku zoaŋ ġie bapa jahec â moc eha Zikilaga haeo fisemieŋ. Â Ameleke ȳic jaŋe Negebe mâreŋko râsi fisirâ Zikilaga hae i imackehuc zoczi turuŋġepie zawec. ² Ehuc ȳokac sasawa fekiecne wahakicne qâricne bacjopa wisemieŋ. ³ Eme Dawidi â ȳicfâcne jaŋe haeo fisirâ hae zoczi zawec â ȳokac naru motecfâc-jeȳic bacjopa wisemieŋ i honemieŋ.

⁴ Honerâ Dawidi â ñicfâcne e jahacnehec jumbiñ jañe mâretéc kioku ki basarâ betañke-fârembiñ. ⁵ Dawidire ñonân jahec Ahinoam, Jesere haeonec â Nabalire hozec Abigai, Karamele haeonec jahe wâc mâmâc bacjofa rambiñ. ⁶ Eme ñic jañe otâ ñokâfâc-jeñic jañere zâic busâqoc sâko manarâ Dawidi qânâzi hezo mupie mâretéc mezackewec. Erâ e sifu Wofuñ Anutu-ticnerao hâbi-ticne rowec.

⁷ Eme Ahimelec ñokâ-ticne taha bapa Abiata âzâcnerâ muwec, “Taha bapa ñaqi i bawarenarec.” Mume Abiatazi taha bapa ñaqi i Dawidiraó barawec. ⁸ Eme Dawidizi Wofuñ mu wioc ecnehuc muwec, “No ñicguru zi bâfuac-joparâ jopa jâpec sâcne ejarepemu me?” Wiome Wofuñzi dân zinuç bâtikiecnwec: “Go jâpec-jopa rac. Erâ bâfuac-jopa-jâmbânkerâ ñokac naru motec mocwâc bârisiec-jopacmu hâcne.” ⁹ Inuç mume Dawidi â ñicfâcne 600 e jahacnehec jumbiñ jañe faharerâ raku Besoro opâo fisirâ ñic gâcne ira hetarac-jopapie ñembiñ. ¹⁰ Ñehapie Dawidi e jahacne â ñic 400 jañe zuhuckerâ râsi jâpec-jopa rambiñ, â ñic 200 jañe ine boc betañkembinte Besoro opâ fotâcneniñte eipierâ ñembiñ.

¹¹ Eme râsi jâpec-jopa rambiñ jañe Aigita ñic moc tuhuo bâfuarâ Dawidiraó jowa rambiñ. Ehuc nânâ opâ râcnepie nâwec. ¹² Erâ jâmboporonj dâkâne moc â waiñ hândân makene jajahéc râcnembiñ. E ñafe zoañ jahec â moc nânâ opâ moc mi nâhuc juwecte jañe wiac i râcnepie nâqinewec. ¹³ Eme Dawidizi zinuç wiocnawec: “Go more kiñaññic â hae wenirec?” Inuç wioc-

neme muwec, “No Aigita ñic, erâ ine Ameleke ñic mocte kiñaññic. Zoañ gie bapa jahec â moc juwic-nao huc bacnume bomboñ-nanezi behecnurâ rawec. ¹⁴ Nâñe Kereti ñic jañere Negebe mârenj imackembenj, erâ Judañic jañere mârenj dâkâne i mâmâc, erâ Kalebere Negebe mârenj i wâc iñuc jaha. Erâ Zikilaga hae i zoczi turuñkepene zawec.” ¹⁵ E iñuc mufâreme Dawidizi wiocnerâ muwec, “Go sâcne ñicguru i jañerao jowacnu racmu?” Wiocneme dâñj ziñuc bâtikiecnewec: “Wiac go mi qâhâmocnucmu â bomboñ-nanere meo mi râecnucmu i Anuture maio mupañketec jañerao sâcne jowacgu rapemu.”

¹⁶ Eme jowame rarâ honec-jopame ocna Filisa mârenjko â Juda mârenjko wiac rombiñ irec nâ zeri â gae woñgâñj sâko ehuc siñsonj nowac gowac ehuc domambiñ. ¹⁷ Eme Dawidi e furic râehame funjerâ jopahuc juha hae ñaferâ furewec. Â ñic 400 jañe sawa ine kamele faio ferâ wisembiñ. ¹⁸ Eme Dawidi e Amaleke ñic jañe wiac sasawa rombiñ i rofârewec, erâ ñonâñ jahec-ticne jahe wâc bârisiec-jofawec. ¹⁹ Wiac rombiñ sasawa, kâcçene â piticne, naru me motec, moc mi sifuck-embij. Dawidizi sasawa bârisiec-jopa-fârewec. ²⁰ Dawidi e lama bulimakao sasawa i mocwâc bârisiec-jopawec. Eme ñic jañe i jowac-joparâ bânje rahuc mumbij, “Wiac zi Dawidire.”

²¹ Eme ñic 200 jañe betañkerâ Besoro opâo ñembiñ jañe Dawidi â ñicfâcne risiehapie hatao bâfuac-jopaniñte rambiñ. Eme Dawidi e manfunjenjicko fisirâ zoañ bianj mujarewec. ²² Ehame Dawidihec ñic jumbiñ i jañeraonec ñic gâcne

sâqocne â hehesicne jumbiñ jañe Dawidi ziñuc muhuc âzâcnembiñ: “Ñic nâñâcnehec mi rambiñ jañehec wiac bârisiençopenenç i moc mi jarençepenenç. Jañe ñokac naru motecfâc-jençic sawa rocjoparâ rançepienç.” ²³ Inçuc mupie Dawidizi muwec, “Âgo bureñ, ñoñe Wofunzi wiac nârejec i inçuc moc mi ejâmbânkençepienç. E akicnâpohuc ñicguru râsi fisi-nârembienç jañe nâñâcne meo râec-jopajec. ²⁴ Irec ñoñe dân muñçopienç i mozi maname sâckeocmu? Zikao rahuc wiac hureocmu irec sâc jaha mafa soñañ ñeocmuzi hurezejec. Jahe sâckoa hurezepirec.” ²⁵ Eme dameñ ira hâcne funkerâ Dawidizi mumupañ â sâcmutâc râewec i dameñ ziñuczia Israe ñic jañerao fokac jaha.

²⁶ Eme Dawidi e Zikilaga haeo fisirâ râsi jañeraonec wiac rowec i tucne Juda micne âçofâcne râe-jarehuc ziñuc jazawec: “Ñoñere wiac piticne râekopac zi Wofunçe kisâfâc jañeraonec rokiçne.” ²⁷ Wiac i hae biri ziñuc ira ñic jurambiñ jañerao râeme rawec: Bete, Negebe mârençe Ramoti â Jatiri, ²⁸ Aroe, Sifamoti â Esitemoa, ²⁹ Rakali, Jeramee hae çâcne â Keni hae çâcne, ³⁰ erâ Horima, Borasañ â Ataka, ³¹ Heboronç â hae mârenç çâcne Dawidi â ñicfâcne jañe ñe qatara embiñ sâc i mâmâc.

31

*Saulo â ñokâfâcne jañere hâmoc binañ
(Bin I 10:1–12)*

¹ Eme Filisa ñic jañe Israe ñic jañehec qaçaç eku Israe ñic jañe wisepie Giliboa

tikio qâhâmoc-jopambiņ. ² Eme Filisa ņic jaņe Saulo â ņokâfâcne jâpec-jopa raku bâfuac-jopambiņ. Erâ Filisa ņic jaņe Saulo â ņokâfâcne jâpec-jopahuc kikeo kikeo ejarembiņ. Ehuc Saulore ņokâfâc Jonataņ, Abinada â Malikisua qâhâmoc-jopambiņ. ³ Eme râsi jaņe bâqinķehuc Saulo kikeo kikeo boc ecnehapie tepenĳic gâcne jaņe bâfuarâ zâpâ murumbiņ. ⁴ Murupie Saulo e maro babaju-ticne zinĳuc âzâcnewec: “Sahac tofa-jeņĳic mi hezucicne zi jaņe fisi âke hâmocnuhuc mu ruruc enarenziņte go sânduge rorâ âke hâmocnuc.” Eme maro babaju-ticne e hâwicke sâqoreme wiac inĳucne eocte mi afeckewec. Irec Saulo e jahacne sându rorâ âkendâņnehuc micnao hewâcnewec. ⁵ Eme maro babaju-ticne e Saulozi hâmome honerâ inĳuc jaha sându-ticne rorâ âkendâņnehuc micnao hewâcneme mâmâc jaha hâmopic. ⁶ Inĳuc ehuc zoaņ ira Saulo e jahacne â ņokâfâcne â maro babaju-ticne erâ ņicfâcne jaņe hâmo-fârembiņ. ⁷ Ehame Israe ņic wâneņ ņifecnao â Jordan ocninĳucnao jumbiņ jaņe Israe momori jaņe wisembiņ i honec-jopambiņ, ehuc Saulo â ņokâfâcne hâmombiņ irec biņe manarâ hae-jeņĳic behe-fârerâ wisembiņ. Wisepie Filisa ņic jaņe fisirâ ira ņeņe juju embiņ.

⁸ Hae fureme Filisa ņic jaņe qânqân jaņere ņaqi qoruc wiac hetara-jarenĳte fisirâ Saulo â ņokâfâcne 3 Giliboa tikio hâmocne fohapie honec-jopambiņ. ⁹ Honec-joparâ Saulo e qizecne qâtâcnehuc maruku-ticne hetaracnembiņ. Inĳuc erâ kiņaņ sorec-jopapie Filisa mâreņ sâckerâ

rahuc nemufâc-jeŋic â ɲic ɲokac sâko jaŋerao biŋe bian barambiŋ. ¹⁰ Eme Filisa ɲic jaŋe Saulore maruku i Asitaroto nemure ufuŋko râembiŋ â qâŋqâŋ-ticne ine Bete-Saŋ haere sacko niŋgiŋkepie domawec. ¹¹ Ehame Jabesi-Gileade hae rune jaŋe Filisa ɲiczi Saulo wiac ecnembiŋ irec biŋe manambiŋ. ¹² Manarâ ɲic tâpirihec jaŋe ɲafeoa raku Saulo â ɲokâfâcne jaŋere qâŋqâŋ Bete-Saŋ haere sacko domahapie batarac-joparâ Jabesi haeo bacjopa risierâ zocko rikec-jopambiŋ. ¹³ Erâ siec-jeŋic qânusuckerâ Jabesi haeoa kasaŋ kasaŋ jâc fuŋnao duckembiŋ. Inuc erâ zoaŋ gie bapa 7 nânâ sowa jumbiŋ.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c